

中華郵務局特准掛號認爲新聞紙類

十一月號

# 東方雜誌

第十三卷第十一號

上海商務印書館印行

The Eastern Miscellany

Commercial Press, Limited, Shanghai, China

November 1916

商 務 印 書 館 發 行

涵 芬 樓 影 印

版 殿

二 十 四 史

本館覓得前清乾隆殿版開化紙初印本二十四史。用中國連史紙精印。第一期十史。早經出書。第二期七史。原定十月出版。茲因慎重校印。力求精善起見。先出 陳書、魏書、南史、北史、隋書、舊唐書等六史。新唐書并於六年四月與後七史同出。凡已預約者。請續付三十兩。取第二期書。未預約者。請付八十兩。取第一二期書。合行聲明。

▲ 第二期 廿七史 均已出版交款八十兩取書  
 ▲ 第三期 七史 六年四月出版交款三十兩取書

新唐書		舊唐書	史記	
新五代史	舊五代史		後漢書	前漢書
宋史		北齊書	三國志	
元史	金史	周書	晉書	
		隋書	南齊書	宋書
明史		魏書	梁書	陳書
		北史	南史	

預約 價目

規銀一百一十兩

預約 日期

陽曆年底截止


The Shanghai Gas Co., Ltd.

# 上海自來火有限公司

"Gaslight Shanghai" Telegraphic Address 碼報電 Telephone No.682 二八六風律德

請用

## 自來火灶




近日中國人大  
都改用自來火  
灶。不用煤爐。其  
故實因自來火  
灶視煤爐為潔  
淨便利。且費用  
亦與用煤相仿。  
並未昂貴。申埠  
諸君。盍嘗試之。

注意

諸君欲知詳細請詢上海西藏路五號自來火工程處  
或南京路(即英大馬路)廿九號本公司陳列場亦可

## 自來火爐



冬令之時。欲使全家有益衛生。則必使屋內有平均之溫度。華人所  
居房屋。用自來火及自來火爐。最為合宜。此種火爐價目既廉。而裝  
配極易。其熱度之功用。較諸他種方法遠勝多矣。

●租價每月僅費大洋五角

# 東方雜誌第十三卷第十一號目次

●情性之國民

錢智修

●銀輔幣羸餘問題

孫恆

●國民意識與國家政策

章錫琛

●德意志思想關於民族主義之變調

附圖十二

章錫琛

●大戰爭之第二年 附圖七

錢智修

●亞洲土耳其之將來 附圖六

胡學愚

●德帝威廉第二之心理解剖 附圖五

許家慶

●大戰爭與男女之關係 附圖十

許家慶

●越儒研究科學之一斑 附圖一

泳之

●德國之實狀 附圖十一

許家慶

●法國海軍近來之增加

宋其昌

●笑之研究

章錫琛

●德國徐伯林飛艇小史 附圖十 劉振華

●說鱒魚

章錫琛

●令人流淚之毒草

胡學愚

●石遺室詩話續編卷十二

陳衍

●養櫻廡隨筆

蕙風

●文苑

●小說攷證卷一

蔣瑞藻

●內外時報

肥人衛生論 近世技術界之偉人 英國之國會與

內閣 英法美革命後德國事業之比較 森林與國

家之關係 地方制度意見書 中西職方新編發售

√民國以來路權之旁落 說孝 調和

●法令

●軍令 頒給勳章條例 職官任免令

●中國大事記

●外國大事記

插畫

●雙十節黎大總統在南苑閱兵四輯

●馮副總統最近之攝影

●雙十節北京試演飛機之攝影

●雙十節汕頭試演飛機之攝影

●德國皇后在柏林撫視傷兵

●德軍在北法戰場於森林中裝置電報及

電話線

●德京柏林之濛濛

●德國西普魯士首府但澤之風景

●意軍在前敵所用之巨砲

●美國共和黨候選總統許斯在火車內向

人民發表政見

●加那大奎卑克橋崩壞時之攝影

民國五年十一月十日發行

# 前號要目

(第十三卷)  
第十號

- 靜的文明與動的文明
- 帝國運動始末記
- 戰後遠東列強之地位
- 美國預備選舉總統記
- 海戰術之新傾向與造艦政策
- 潛艇運貨之創聞
- 歐戰之主因與舊式政策之滅亡
- 英德海戰之前途
- 波斯之現狀
- 英日在遠東之爭霸
- 瑞士之軍人
- 美屬海面探珠記
- 美商界之海王
- 開放中國門戶政策之矛盾
- 次戰國出征兵力及喪失兵力
- 笑之研究
- 徽商學大家梅賾尼各甫傳
- 說鬼火
- 自動打字機之新發明
- 磨磁器之電鍍法及其價值
- 石道室詩話續編卷十一
- 餐標麻隨筆
- 文苑
- 小說及證卷一

## 本社投稿簡章 (注意)


- 一 投寄之稿不拘門類。自政論時評。學術技藝。以至瑣談筆記。詩歌小說之類。凡有益人知識。動人興趣者。投寄本社。無不歡迎。
- 一 投寄之稿。或自撰述。或翻譯東西文報章雜誌。或翻譯東西文而附加意見。總以本人得自有著作權者為限。
- 一 投寄之稿。望標寫清楚。以免錯誤。其照本雜誌行格標寫者尤佳。
- 一 稿末請書姓名住址。以便通信。至揭載時或署名。或用別號。聽投稿者之便。
- 一 投寄之稿。揭載與否。本社不能豫行聲明。原稿亦概不檢還。
- 一 投寄之稿。經揭載後。本社當酌贈書券以誌感謝。約每千字由五元至二元。其短篇雜作。亦當以本雜誌為酬。
- 一 投寄之稿。本社倘未揭載。而已在他處發布者。無論本社揭載與否。恕不另酬。
- 一 本社收受投稿後。如有增刪之處。揭載時當另行聲明。如投稿人不願他人增刪。亦可於投稿時預先通告。
- 一 投稿經揭載以後。其著作權即歸本社。
- 一 投稿者請逕寄上海寶山路商務印書館編輯所內東方雜誌社收。庶不致誤。

上海寶山路  
商務印書館  
東方雜誌社謹啓


(一 其) 兵 閱 苑 南 在 統 總 大 黎 節 十 雙



(二 其) 兵 閱 苑 南 在 統 總 大 黎 節 十 雙



雙十節大總統在南苑閱兵(其三)



雙十節大總統在南苑閱兵(其四)






馮 副 總 統 最 近 之 攝 影



影攝之機飛演試京北節十雙




影攝之機飛演試頭汕節十雙



(君元福林者機飛演)

德京柏林之濠溝



德人在柏林築濠溝。一以爲防禦計。一則供人民之觀覽。俾知德軍在戰場者。其地位之安固如此。萬不至爲敵所破。以堅固人民之心也。

德軍在北法戰場於森林中裝置電報及電話線



德國西普魯士首府但澤之風景



德國皇后在柏林車站撫視傷兵


礮 巨 之 用 所 敵 前 在 軍 意




見政表發民人向內車火在斯許統總選候黨和共國美



加那大奎卑克橋崩壞之時之攝影



(事見本號外國大事記)



第十三卷

第十一號

# 惰性之國民

錢智修

治國猶治病也。治病者必見五藏之癥結而後可以奏刀。圭下藥餌。治國者亦必知積弱所由致而後可以定國。是謀更張。今吾國之病源果何在耶。向謂種族問題之為梗也。救之以革命而病如故。向謂專制政治之厲民也。藥之以共和而病亦如故。是必有一較曠深之原因。僕緣乎國民心理而未可以浮面見象定者。物理學家之詰物性焉。謂物質之存在非有外力以變更之則

靜者常思靜而動者常思動。是謂之慣性。亦謂之惰性。吾以為吾民之特性亦可以惰字概之。質言之則舉國之人咸染慢性之精神病是也。請得雜舉羣象以為吾說之證左焉。

惰者必苟且。禽息鳥視。得過且過。此惰者所習為者也。推此心以治事。則其事必無進境。推此心以為學。則其學必難深造。吾國開化號最夙。而至今猶故步自封。墮

乎人。後者亦此苟且之心爲之厲也。及其模倣西治而此苟且心之暴露尤彰著。無遺學校則有速成簡易之科。變法則以襲取皮毛爲尙。乃至鼎革之大故。可以草草收場。主政之人物可以臨時拉攏。吾無以名之。亦名之曰苟且之國家而已。大凡世間事物其獲得之也難。則其保存之也亦久。故君子之於事寧以迂回盤錯出之。惟苟且者不然。亦貪一時之近利而苟圖省力故耳。省力云者則情之代名詞也。

情者多冀幸不耕而得食不織而得衣。又情者所欣羨者也。故其涉世也常營營於儻來之利實。意外之虛榮。獵官思想賭博思想盜賊思想均極發達而真積力久之事業窮年累月之學問則憚於問津以前者可幸得而後者則否也。其論政也亦然。當辛壬之際舉國若狂一聞共和之宣布而不勝抃躍。彼豈以在共和政治之下則人人得盡其職分以致力於國家庶幾收羣策羣力之功哉。意亦曰吾既得茲最良之國體則弱者立轉

而爲強貧者立轉而爲富而吾且一勞而永逸耳。於諺有之種瓜得瓜種豆得豆未有未植因而先得果者。今不問致力於政治者何如而倭欲持國體之美名責盛強之急効則冀幸之心深而情之爲害烈也。

情者富倚賴之心當夫窮困無聊之際輒計算何日之能交運其在艱難險阻之時亦惟念何人之爲我援手靠天吃飯因人成事。又情者之恆言也。其構而爲政治思想焉則曰君者出令者也。臣者行君之令而致之民者也。民者出粟米麻絲作器皿通貨財以事其上者也。以吾既出粟米麻絲作器皿通貨財以事其上則凡吾之生命財產之安全咸可以倚賴上而無事自爲也。夫豈不知韓氏之言爲專制政體說法者然政體雖改而倚賴之習未嘗改則其立心要不能外是不觀今人之議論乎曰某也而當國庶幾內治可以修某也而得政庶幾外患可以弭其言外之意則以吾生命財產之安全倚賴當國執政之某若某耳而如何而可以督促當



國執政者之責任如何而可以扶助當國執政者之成功俱其所勿暇究則以督促扶助之爲有待於自身之精神材力而非情者所能逮事也。

情者不耐深沈之思以不耐深沈之思故發言處事恆出於盲從吾聞生物學家言傳感作用以獸羣爲最速受牧者之號令違異物而驚惶千百相傳不逾時可遍乎全體斯言若信吾誠不知吾民之猶居何等耶當其激於感情而隨聲附和焉非不指拳攘臂凌厲無前此若有異乎無動爲大之積習者然其出而爲此曾未經一度之思考若審慮故其動也非自動而他動非真動而浮動設有梟雄桀黠之徒從而利用之方且左之右之戢戢惟命耳羅馬之民之於安託納也歌則亦歌哭則亦哭其後遂羣起爲凱撒復仇此言盲從之危險而奸雄利用之術之巧也吾國最近之從前蓋亦有思利用此盲從之弱點者矣幸也其術未工而僅僅失敗然盲從之心習一日不除則利用之機會仍一日存在而

盲從之習之所以成則以吾民無精神的抵抗力故無精神的抵抗力者又情之特徵也。

情者常輕媚惟其輕媚故無操守節概之可言爲澳認之儉生則蹴與嗟來之食可以無不受徇一時之肉慾則探囊胠篋之事可以無不爲富貴不能淫威武不能屈此所需於強固之意志力者至多非情者所能任也嘗考吾國儒先蓋於節之一德最所注重故曰人必有所不爲也而後可以有爲又曰餓死事小失節事大此豈持論偏枯務保守而忽乎進取哉誠以羣之所以與立國之所以與守必其民有堅貞不拔之德操而後可而堅貞不拔之德操又當於辭受取予間養其端倪否則德慧術智罔非藉寇兵齎盜糧也顧今日則何有者吾且不必羅舉細故但問今之士夫其於名節所關能辭尊居卑辭富居貧者幾何人於勢利所在不順風揚帆隨人起倒者幾何人而國民道德亦大可知矣推其所以致此大都爲衣食問題之故既於衣食問題視之

極重而又不能奮其力於正當之途則耳目所注惟在易於得衣食之捷徑其不至屈節以殉之者鮮矣管生有言禮義廉恥國之四維然情者又決不足以言廉恥則以先失其所以保廉恥之具也

情者無後慮故常以現在之享受為鵠的苟可以省其力而供現在之享受則雖自絕將來之生路所勿恤焉蓋彼既精疲力緩無意於遠到之事業則亦必識惜智羨不能察未呈之利害暮年贍養之資子孫立足之地在情者固不遑顧及也英倫有哲學家曰頡德者謂人類之生罔非努力於現在而造福於將來惟無後慮者反是故其持家也則不知儲蓄處世也則不知信用秉政也則不知責任謀財政則剗肉而醫瘡借外資則飲醜以止渴試觀吾民之所為其有以異於此耶無以異於此耶此猶就其淺者顯者言之也今政治家每好利用國民弱點或危險學說以為達其政治目的之手段及目的既達而弱點之引申如教探升木學說之披昌

或變本加厲則雖斧柯在手亦且無以為施政之地到此而始懺悔而為時則已晚矣則又何如稍留餘地審慎以出之者然當彼其時則方且尊智弄巧自以為得意之筆則甚矣情性之民之不足與語百年大計也

情者無恆心故易生厭倦見異思遷淺嘗輒止此情者治事之常態而亦其所以百事無成之原因也見一新奇之事意興偶發則必欲得一身試之以為快及試之未久而厭倦之心生又捨之而他圖矣嘗謂無志之人其胸中所蓄之志慮必紛無業之人其畢生所歷之事業必衆惟其不克積勞耐久底志事於成功故常歧路徬徨守游離之態度吳中小兒語所謂馬浪蕩者蓋不啻為無恆者寫照也而以國家比諸個人則吾國之與馬浪蕩其情形乃適相等見他國之修軍備也吾亦修軍備見他國之興教育也吾亦興教育見他國之行立憲政體也吾亦行立憲政體見他國之言司法改良也吾亦言司法改良凡歐美諸邦之所以致盛強富庶之

治者吾幾無一不做行之以飾其名而亦無一能實舉之以收其效此雖系統未立未知扼要以圖之故而每舉一事不待其效果之徐呈已中途變計亦其受病之大原因也而其所以屢舉事而屢變計者則由無力以堪所舉之事之艱鉅故不承爲情又何可得也

情者無勇氣故每抱悲觀怨天尤人委心任運又情者惜以自遁之辭而適以自彰其志行之薄弱者也充其畏難多疑之量必所處境遇皆順流平進一無拂逆而後可稍遇拂逆則灰心侘志之餘遂以天下事爲無一可爲矣雖然境遇之拂逆又胡足爲患者拂逆之來而能挾勇氣以戰勝之則經一番挫折長一分智識謂困窮憂患皆玉汝於成可也惟其無勇氣以戰勝拂逆故遂至爲拂逆所戰勝而猶欲歸獄氣運聊自解嘲然則情者之所悲謂爲客觀之事實毋寧謂爲主觀之幻像矣吾國今日敵國外患固不可謂不深政狀民風固不可謂不惡然吾人處此要當盡人力以施其挽回不當

委天命以自耽暇逸而今顧不爾舉世滔滔咸爲厭世主義所征服抑若亡國覆家之必不可免者則以久習於情而不能自振故也

情者無克己之功夫故多放縱當其席豐履厚之時惟知縱欲以敗度及至侘條無聊以後益務蕩檢而踰閑飲食男女此情者排遣牢愁之良伴而奢侈淫佚諸惡德則其自然產物也蓋人既不克打疊精神於一定目的必且散其衝動而悵悵無之而不良之誘惑則包圍四周無隙不入者誘惑之而無以爲抵制斯終其身爲所陷溺矣是故敗家子弟必好狹邪之遊亡國社會必無貞潔之俗舉目斯世人慾橫流舖糟餒賢者不免試遊五都之市其所謂時髦人物非耽祖瑳蔣蒲之雅卽慕東山絲竹之風然此等人則皆受公家象養有正當之職業者也舍其正當職業勿爲而日惟縱恣於無益之嗜好則仍情性害之也情者無久長之記性故常健忘其遇寒餓之相侵未嘗

不。欲。勤。奮。自。勵。及。寒。餓。稍。紓。而。荒。嬉。如。故。矣。其。遭。失。敗。之。戟。刺。未。嘗。不。思。痛。改。前。非。迨。戟。刺。已。過。而。覆。轍。重。循。矣。是。故。情。者。不。足。與。言。改。過。尤。不。足。與。言。雪。恥。知。過。知。恥。者。其。一。時。之。幻。影。而。善。忘。無。恥。則。其。先。天。之。痼。疾。也。昔。吳。之。敗。於。檣。李。也。吳。王。則。使。人。立。於。庭。而。日。儆。之。曰。夫。差。而。忘。越。王。之。殺。而。父。乎。是。以。三。年。而。有。夫。椒。之。勝。吾。國。近。數。十。年。蒙。垢。含。羞。痛。深。創。鉅。其。足。使。人。動。心。忍。性。牢。記。勿。忘。之。事。又。何。可。更。僕。數。牢。記。之。而。力。圖。懲。愆。則。轉。弱。為。強。之。機。會。也。然。甲。申。燬。師。於。法。人。無。幾。時。而。國。人。已。忘。之。矣。甲。午。割。地。於。日。本。無。幾。時。而。國。人。又。忘。

之。矣。庚。子。覆。都。於。聯。軍。無。幾。時。而。國。人。仍。忘。之。矣。當。時。或。客。氣。偶。張。過。後。則。恬。若。無。事。則。以。情。者。之。注。意。力。散。而。不。聚。故。其。由。外。界。而。得。之。印。象。亦。淺。而。不。深。也。上。來。所。述。皆。吾。國。社。會。之。病。狀。而。吾。欲。以。情。之。一。字。概。之。者。也。何。以。救。之。亦。惟。救。之。以。精。神。上。之。補。劑。而。已。道。德。宗。教。則。其。補。劑。之。君。也。學。術。政。治。則。其。補。劑。之。臣。也。適。應。其。症。候。而。培。養。其。元。氣。勿。使。興。奮。過。度。一。發。而。不。可。制。焉。則。此。千。載。沈。疴。或。者。有。起。死。回。生。之。望。未。可。知。也。



# 銀輔幣贏餘問題

美國商孫恆

憶自一千九百零五年銀價驟落。銀本位國與金本位國間之商務匯兌。橫生障礙。美國政府派博士精琦來華。調查亞東金融狀況。時滿清政府亦知幣制改良之必要。設立幣制調查會。以親王大臣爲會員。博士應中政府之請。亦曾出席討論。且力主虛金本位制。以隔於時議。不克果行。其後屢經研究。定立銀本位制。以劃一銀幣制。爲後日採用虛金本位之預備。意甚善也。滿清末季。幣制借款草案簽字。已定之計劃。方見諸實行。而辛亥革命以起。獨立數省。因軍事上之必需。發行軍用鈔票。南北統一後。各處紙幣充斥。幣制益形紊亂。政府時方籌議收回紙幣之不暇。更何暇計及劃一銀幣制。自民國成立。以迄袁氏棄世。迭遭政變者數次。袁黨與非袁黨。注全力於政治上之劇烈競爭。而於國家根本問題。如幣制改良之如何實行。鮮暇顧及。雖其間有幣

制條例之通過。新銀元之發行。及田賦之改徵銀元。可謂於統一銀元。粗具端倪。而關於幣制改良之重要條件。即發行十進之新輔幣。與收回舊輔幣。遲遲不克實行。故終袁氏之沒。而全國幣制紊亂之實況。不減於滿清末季。幸也。天福中國。共和再造。財政當局。乃有飭天津造幣廠趕鑄新輔幣之舉。將來國法統一。不獨商人受惠匪淺。即政府收入。亦因免除折合之故。收數得以加增。蓋中國輔幣價格紊亂。達於極點。苟不從根本設法。將舊輔幣盡行收回。易以新輔幣。幣制實無統一之希望。若徒注意於劃一洋元。而於輔幣種類之混雜。價格之殺亂。任聽其自然而不爲之計。是仍敷衍目前之政策。非所望於責任內閣時代之財政當局也。

因發行新輔幣而有一問題生焉。即輔幣贏餘問題是也。按各國通例。輔幣之成色。常較主幣爲輕。故輔幣之

贏餘。有時爲數至巨。凡行用虛金本位之國。如印度。如斐列濱。其輔幣內含銀之實價。不過法價之一半。或一半強。故政府每次鑄一銀元。幾得一元之贏餘。然輔幣之價格。所以卒能維持者。以政府儲有充實之準備金。商人於外國匯兌時。得隨時以輔幣按照法價兌買外國金幣。此準備金之一大部分。皆由歷年輔幣贏餘積儲而成。政府視輔幣贏餘爲一種特別款項。不敢絲毫動移。蓋一有不慎。幣制根本。即完全破壞。而國家亦即陷於破產之境。此稍具常識之政府。所以謹慎戒懼。視此爲莫大之戒約也。

吾國幣制條例。規定輔幣成色。含純銀十分之七。是每鑄一半元輔幣。即有二角之贏餘。扣去鑄費及其他開銷。所餘之贏餘。亦當有一角強。總計全國需用之輔幣。當不下數萬萬元。將來商務發達。爲數當更增加。此輔幣贏餘之用途。政府將視爲一種收入。以之補充行政經費。抑任爲造幣廠之紅利。任聽其員司自由分割。

乎。後說果爲莫大之弊政。開明國家。無此辦法。以造幣廠非商業機關。其員司皆應有適當之俸給。不當以國家之圖法。任聽其爲營利之淵藪也。前說以幣制贏餘補充行政經費。亦非久安之策。蓋政府既視幣制贏餘爲一種收入。則國家當財源困難時。常生一鼓鑄輔幣之慾念。即輔幣法價之能否維持。亦不暇計及。雖有法律空文。亦歸無効。試觀前清光緒季年。當各省初鑄銅元時。何嘗不規定銅元一枚。當制錢十文。然各省既以銅元餘利爲一省之財源。中央戶部亦復認此爲一國之財源。各省爭鑄銅元。供給溢過需要。而銅元之價格。遂日漸低落。然以其價格低落之由。漸而不由驟也。各省銅元局。仍得年獲大利。究之神補財政。爲効幾希。而平民因此所受之損失。不啻敲筋剝膚。至今猶有餘痛焉。試平心論之。制錢之笨重。需銅量之太多。誠不適於近世國家輔幣之用。故當時東南各督撫。倡鑄銅元之時。朝野上下。莫不視以爲救錢荒之要政。使當局者不

背初意。以利國福民爲主。而不沾沾於贏利。更能諳識近世經濟學原理。不以制錢爲本位。與之爲當十之規定。而以銀元爲本位。與之爲百當一之規定。復能統一全國造幣廠。廣鑄銀角。則二十年來吾國幣制已確立基礎。當可由銀本位而籌及虛金本位。何至圖法紊亂。民生凋敝。如今日哉。

府會計預算案中。收入項下。當列作幣制贏餘。歲出項下。當列作幣制儲金。使其年年積儲。蔚成巨額。以之爲收回銅元另鑄新銅輔幣之用。俟銀幣制完全統一後。此項贏餘。即可作爲籌備虛金本位之準備金。至於虛金本位之如何籌備。金銀法價之如何規定。國際匯兌之如何維持。及大銀元之如何處置。則頭緒既紛。學說亦雜。且非中國今日所驟能言及。俟後日專篇論之可矣。



士不可以不弘毅任重而道  
遠重擔子須是硬脊梁方擔  
得程明道

眼界不開由骨力不堅骨力  
不堅所以眼界愈不開呂豫  
石

心須樂而行惟苦學問中人  
無不從苦處打出劉義山  
真英雄鍊性攝心假豪傑任  
才使氣吳從先





# 國民意識與國家政

## 策

譯日本中央  
公論雜誌

章錫琛



### 一 國民意識

吾人一生至少必有一度經過煩悶時代。其時大抵在青春期。此煩悶之對象中。舉吾人投入於最嚴肅之俄頃者。莫如從心靈抑從肉體之難問。解決此難問之最後一剎那。即為支配吾人生涯之運命之一大回轉期。夫人類本為能依意思而決定自己行動之生物。後來之熟慮。未始不可以改變從前之企畫。特當一危機突發之際。則其所取之態度。或不免為鬼魔所誘惑。不覺一往直前而入於難返之迷途耳。

自來人性之統一。乃成自複雜而非成自單純。蓋既屬單純。即別無統一之必要。既云統一。則其自身早以其

對象之複雜為前提。「統一」與「均一」其名相似。而其實則相遠。吾人論國家國民之政治問題。關於此人性平凡之真理。所當常置於念頭者也。

世人多好言「德意志魂」一語。此語固由德人通行之 Die deutsche Seele 翻譯而來。然其意義究為何若。則往往因言者之見解而異。或謂德意志魂者。即謂指示悠久快樂和平善意之性質之 Gemüthlichkeit。厥義已盡於德語。不能翻譯為他國語。戰前出版英人陶遜所著「近代德意志之進化」(Dawson, W. H. "The Evolution of Modern Germany," 3rd ed. London, 1911) 書中。謂德人之性質。本愛平和。而近年以來。所

以熱中於擴張軍備者。特被周圍諸強國。攪亂平和。遂如臆病者之空威發揚。起過度之神經病。然在世人。則大都以爲德意志魂者。乃軍國主義的精神之結晶。而攪亂世界平和之主要勢力。或者折衷於此兩說之間。謂德意志聯邦南部諸州。如巴威略、巴頓、威爾丁堡、亞爾薩斯、魯吉林等。其風氣皆屬和平。而北部諸州如普魯士等。則有剛強尚武之風。自新德意志帝國建設以來。普魯士實居全版圖之中堅。而爲之盟主。故遂視普魯士氣質爲全德意志之特質。即事實上亦復近是。其他有主張以十六世紀宗教改革主動力之精神的自由主義。及十八世紀末十九世紀初康德、斐的、黑智兒等之理想主義。爲德意志魂之精髓者。有以最近之物質主義、機械主義、唯利主義、爲德意志魂之本領者。更有混合兩說而論德意志魂之變遷者。謂德意志嗜音固立足於理想主義與浪漫主義之上。而廣施無限之恩德於世界之思想界。然入第十九世紀。則出此軌道。

而趨向唯物主義。醉心於頹噴哈歐之厭世哲學。歛動於尼采之強者道德觀。感化於黑智兒之唯物的一元論。鼓舞於德拉希克、般哈提之軍國主義。驅歌於弗勒德烈大王、畢士麥之霸業。跪拜於帝國主義權化今皇威廉第二之脚下。而德意志魂遂一落千丈。致惹起今次不幸之大戰。而遺毒於世界。去年出版繆海德所著『戰亂及德意志哲學』(Muirhead, J. H., 'German Philosophy in Relation to the War.' London, 1915.) 一書。即敷陳此旨。又莫凱伯氏在所著『歐羅巴之精神』(M'cabe, Joseph, 'The Soul of Europe,' 2nd ed. London, 1915.) 書中。豫測將來。謂德意志於此次戰役。一敗塗地。然後始返其元始之出發點。由全德主義迷夢中。遽然覺醒。一掃贊美戰爭之狂想。尊重其本來面目之 Gemüthlichkeit。謀在藝術、學問、及商工業之平和戰場。不血刃而奏凱歌。凡此皆對於德意志魂之異解也。

好戰之風氣。平和之傾向。理想主義。自由主義。官僚主義。軍國的帝國主義。自古代羅馬名將西撒。史家太細。塔斯。寫出日耳曼生活之際。迄於二千年後之今日。日耳曼民族政治史。文化史。上所表出。殆有交互消長。隆替之現象。吾人但探討其近世史。則自十三世紀時。歷經醞釀。而始有民族的意識之覺醒。其結果使背違時勢之神聖羅馬帝國。漸失權威。及第十五世紀在卡爾皇帝治下。復如燈燼之際。暫放光輝。而分崩離析。於是乎始。十六世紀三十年戰爭之終。在奧國領域以外。全失其實權。德意志國內。為多數封建諸侯所割據。呈四分五裂之慘狀。然斯時適有露頭角於布期丁堡之何軒索弗爾家。出而君臨普魯士。隱忍潛伏。將徐以養其國力。而伸其國勢。及十九世紀。在德意志同盟內。與奧爭霸。勝利之榮冠。遂落於普魯士之頭上。一千八百七十年之普法戰爭。又一蹴法蘭西。復耶拿戰敗之仇。自是普魯士遂為盟主。有新德意志帝國之建設。國

勢日張。以迄於今。蓋德於數百年來。可謂備歷險苦。艱難之運命。而所謂德意志魂者。其發現之形式。亦復千變萬化。交更迭換。時而為哥特。希賴等之浪漫思想。及康德。黑智兒。斐的之理想主義。時而為一千八百三十四年解放戰爭。 Befreiungskrieg 時爆發之愛國心。時而為休坦。哈定俾格之行政刷新。時而為一千八百八十四年之自由要求聲。時而為畢士麥所代表之鐵血政策。時而為陶爾曼。及其弟子德拉希克。再傳弟子般哈提將軍之軍國主義。及至今皇帝。又著手於帝國主義之實行。然其間。雖變化萬端。而國民主義之自覺。則實為一條骨髓的精神。終始不渝。賴以貫串於其間。特其表現多歧。遂不免呈前後矛盾之觀耳。夫研究國民心理之經過。為事至難。常使吾人立於茫無涯際之迷途。但就德國觀之。即可知其匪易矣。德國國民之所經驗。即他國國民之所經驗也。個人之意識。內容複雜。國民之意識。內容亦極複雜。在某一時

代其國民中某種思潮似可視為社會全體思潮之特徵而仍有幾多思潮橫流縱貫於其間當國民內部對此思潮共鳴最強之精神的要求而其外部環境上所有社會政治諸勢力均與之順應則其思潮自能握最旺盛之生存權風靡一代儼然當陽獨立之觀及其國民外部環境上諸勢力之權衡一旦動搖即國內社會思潮之主流亦為此大勢所推移德之浪漫主義及理想主義與軍國主義及帝國主義英之島國主義及海外支配主義法之中央集權主義及自由平等主義俄之獨裁主義及虛無主義美之孟羅主義及和平主義中國之帝制主義及共和主義皆不僅兩相聯繫常潛伏於國民之內部更與其他幾多大小之思潮交互錯綜共存駢立臨機應變一旦有適合其國民內部的要求順應其外部的環境能力之思潮出而制勝則此思潮遂為其國之中心勢力獨占生存之權其他幾多思潮莫不壓服於其下有時二三之思潮勢力均等於是

互相抗拒扞格而呈紛糾雜糅之狀態此在個人猶之適丁精神的煩悶時代也

## 二 國民意識之統一與均一

政治者在最初及最終以國家之生之衝動 *Lebensimpuls* 為基點而出發舉國家內現存之精神的及物質的材料處理而安排之使順應於國家當面之內部的及外部的環境更以餘力創造適合於國家的生存前途之新環境並改造不適合於國家的生存前途之既存環境俾達到國家生存目的之國家思想得以決定實現之謂也然各國家因對內對外政策得改造現存環境及創造新環境之能力與現在國力之程度相應其範圍之廣狹未免差殊而結局遂有一定之界限或國家視線所不達之地或國力所不及之處其內部的及外部的環境遂起意外之變動或為國內革命事變之勃發或為國外同盟聯合協商關係之更始或為世界列強均勢之動搖則斯時之國家不可不立順應

於如此激變環境以充足生存條件之國家政策。蓋環境上之激變。實爲國家興亡盛衰之危機。此固古今東西史乘上所昭示者也。

參與國政樞機之政治家。爲國家生存目的。處理國內現存之物的及心的手段。其所最宜經心者。莫如國民意識統一之事業。蓋各個之獨立國。欲在今日世界政治之舞臺對內對外完全主張其主權而發揮其獨立之國家意思。不可不先謀國內物質的勢力之集中及國民意識之統一。惟尤當注意者。則「統一」與「均一」之異點也。是兩者之區別。驟觀似極簡單。而事實上却屢易混淆。近世爲政者。昧於此故。往往假國論統一之名。在立憲國中對於言論自由。加以不正當之限制。凡平民的自由思想有益於健全之國家的觀念之發達者。亦阻其傳播。致國民全般之思想。皆於狹隘之範圍而猶以國論之統一策自命。實則可謂均一化而已。

國民意識之內容。既爲極複雜之諸要素所合成。其愈複雜者。不特國民之文化生活。益添豐富活潑之態。對於國家環境變化之順應力。亦復同時增進。故苟認國民文化爲國家生存條件之一之前提。則信教言論出版集會結社諸自由。一方當知此實起於近代生活中個人解放之氣勢。爲個人人格尊嚴之意識上所生之要求。他方當尊重此高尚之要求。凡無害於國家之生存者。皆宜允許。使國家之生存條件。獲有擴大充實之效果也。

國民意識統一之政策。與國民意識均一化之方針。不特不相一致。抑且互相背馳。蓋所謂統一者。乃由自身。以其對象複雜之構成爲前提者也。故欲謀國民意識之統一。必先以完全充足國家生存條件之目的。確立爲政策之根本的中心原則。凡構成國民意識內容之各部分。非直接與此原則相抵觸者。皆當認許其存在之權利。俾得自遂其十分之發達。各皆發揮其特質。以

貢獻於全體之完美。若然則全部結合而形成有調和有節度有秩序之渾一體。猶之豔陽三月之天。千紫萬紅。一花一草。各各發揮其特色。相麗相集。而組成一錦綉之春野。夫而後國內諸階級。咸得安其處。守其分。貴族平民。士農工商。各盡其職。掌以貢獻於社會。各階級各個人。依國法要求於國家。莫不各如其意。治者與被治者間之關係。非權力的而為倫理的。而部分與全體利害同一痛癢。相關脈絡貫通。無少阻滯。若指之於臂。臂之於身。政府有所設施。不視為害惡。而視為必要。攻訐政府。危害社會之舉動。自是絕跡。無政府主義及其他一切危險之思想。咸失其存在之根據。國政清明。國威發揚。此皆政治的寬容之明效也。

### 三 國民意識均一化之弊害

前章既論國民意識統一之必要。及其與政治的寬容精神之關係。今更就其反面。指摘國民意識強制的均一化之弊害及危險。

第一國民意識之強制的均一化。不特終不可能。其極端之實施。非至破壞其國論統一之目的不止。蓋所謂國民意識之均一化者。乃要求不自然之事。大都國內一部少數之傳統的支配階級。專謀保全其利益之政策。此種支配階級。大都為一種閥族所成。然人民程度既高。咸知覺悟。彼少數之支配階級。縱能巧藉法制之護符。託於根柢之深固。究係一階級之利益。欲維持國民意識於均一之狀態。決不可得。况現代之趨勢。益促國民醒悟。事至顯著。而或者乃見於近日戰爭中各黨聯合內閣之成立。遂謂交戰國之國民意識均一化。為時代之要求。其識見之膚淺。誠可嗤笑。夫歷史之進行。有時一日若千秋。有時千秋如一日。撮舉一時表面之事實。以推測無涯之將來。烏得勿誤哉。

(未完)

# 德意志思想關於民族主義之變調

日本「外交時報」文學博士箕作元八原著

章錫琛

一

近日偶讀勃賴斯氏之『歷史原動力之人種的感情』與德人霍普奮氏之『戰爭所賜於外交上之教訓』輒不禁有所感觸。勃氏為著名歷史家兼政治家。久任駐美英國大使。曾以神聖羅馬帝國之名著成名。霍氏生平未詳。其書中興味最深者為『民族的國家與民族集會的國家』(Nationalstaat U. Nationalitätenstaat) 一篇。二書所論不同。然自旁人觀之。其歸著之點則一。且於德人思潮



德國皇太子與薩遜王奧哥斯德在法境閱兵

中關於民族主義觀念之變化。表示尤多。足使吾人生無窮之興味。因就感想所及。具述於篇。

二

人種、在政治上、學說上、之價值。迄無定論。學問家政治家。大都以人種為其學說政策之基礎。尊崇至隆。然而人種之觀念。果否明確。純粹之人種。現今有無存在。實為絕大之疑問。蓋一人種與他人種之雜婚。既混有兩種族之血。則區別人種。將以何者為標準乎。使以語言為標準乎。則劣等種族與優等種族相接觸。常喪失其舊

有之語言而用新語言。則語言不可恃也。使以身體上之共同現象而不能謂為各人種之特色。由頭蓋骨之形狀為標準乎。則人類之頭蓋骨其形狀非一定不變。檢太古人類之遺骸。常不能定之為何種。而生於美國之意大利人。其小兒之頭亦與其親異形。是形體尤不可據也。使以特殊之制度及社會組織為標準乎。然而阿里安人種特色之全民會。與南非洲巴斯德人之辟差 Pitsso。盜格魯薩遜人種之賢士會 Witenagemot 皆相類似。更未可以明辨也。至若據信仰與夫宗教之形式。迷信之種類。以區分人種。則探究各國古代之傳說。大都相通。此等但可視為人類在發展時



德軍之練靶

是言之區別人種之標準。未能完全。故人種之本質有所難定也。然則果何謂民族。民族之要素。舍上述諸端外。尚有國家的合一。歷史的合一。人民意思之合一。希望之合一。宗教之合一。等。然此等標準亦各有缺陷。與上述諸端相同。不能作為論理上完全之合一。於是謂一民族最確實之標準。舍戶籍簿。徵兵簿。領事館帳簿等之記入。以外無有者。遂不能斥之為謬誤。故霍普奮氏以成自多種民族集合之民族。集合的國家（例如奧匈）與成自一民族之所謂民族的國家。無所區別。非無理也。



人種及民族的感情。其爲歷史上人類活動之原動力。七世紀。路易第十四。且結異教異種之土耳其人。與同

有如何之作用乎。第十八世紀之末。人種的感情。不爲歷史的動力。此勃賴斯之所斷定也。蓋

古代小種族間感情之衝突。與對於他人種相去懸殊者之反

感。殆無所異。如上古波斯大舉

侵入希臘。希臘諸邦。因捍救共

同之危急。同盟以禦希臘。然斯

難一去。希臘各邦間。自相衝突

之反感。其激烈不減對波斯之

敵愾心。德巴人與雅典人之惡

感。則尤甚焉。中世宇內統一之

思想極盛。常抑制民族主義之

發生。十六世紀宗教大亂時代。奉舊教之德意志人。惡

新教徒之同民族。轉與新教之西班牙人相親。又第十

交之事。不復爲相續。婚姻。其他家門的事。由所左右。不

得不受支配於民族經濟之發展。交通之發達。商業之



德皇國太子與薩克遜王及其僚屬親臨前敵

教同種之歐羅巴諸國戰。然至第十八世紀之末。民族的思潮。忽焉勃興。遂爲法國大革命之誘因。從前之外交。大都爲君主之家門主義。或有雖係家門主義。非全然蔑視國民的利害而內藏國家膨脹之必要者。然其表面。莫不以君主爲外交之中。心本於相續。結婚及其他君主自身之理由。爲君主之利益而行戰爭侵略并吞之務。及大革命以後。人民大有關於政治。始悟自己在國家之地位。於是外

擴張等諸目的。標榜民族主義以為國家膨脹之口實。復鼓吹此等信念以勗之。於是過去歷史之知識遂與

同時歷史之研

究正盛。一民族

過去之隆盛與

其烜赫之文明。

因之彰著。使人

民之向上心於

焉增高。舊時本

國之領土而現

屬異國之版圖

者。則追溯歷史

以謀恢復。其有

與自己同一民

族而成他之獨

立國家者。亦思

自己。有合同於其祖國之權利及義務。而報章書籍亦



路通及門拱之成架林叢木竹用中綫戰在軍德



所駐之官令司軍德境北國法

現代之世界以偉大之變動。民族的運動之激烈與年俱增。民族之獨立與統一。獲告成功者。由是繼起。德意志在十八世紀之末。全不過幾多散漫小邦之集合。及受大革命暨拿破崙之影響。民族的感情。大為激發。

故拿破崙第一。實大有造於德意志。其馬蹄蹂躪全德。

即民族的運動勃興之動機也。其萊因同盟之組織。即教德人以民族的大同團結之可能也。於是普魯士遂霸德意志。有一千八百六十六年北德意志同盟之成立。有一千八百七十一年德意志帝國之建設。他如意大利亦以同一之原因而致民族運動之勃興。一千八百六十一年建設意大利王國。越十年而達於完成。在十九世紀民族獨立理想早已實現之希臘。一千八百三十年亦舉獨立之實。一千八百五十九年華拉幾摩爾達維兩國作合建羅馬尼亞之基。一千八百七十八年之柏林會議承認羅馬尼亞門的內哥羅塞爾



德軍得勝入瓦薩市以音樂隊為前導

維亞之獨立。爾時許其自治之保加利亞。其後亦與東羅曼利亞合同。於一千九百零九年成獨立王國。以上諸民族相次獨立之際。首當其衝而最受苦痛者。為家門主義政策成功之結果。包有各種言語血統不同民族之民族集合的國家。如奧匈國。是其脫民族的國家之域。更膨脹而轉為民族集合的國家。如德意志者。亦不得不視民族主義為困難之物。從來號稱民族主義最強烈之德意志。今竟有遺棄民族主義之傾向。此非最有興味之現象乎。

#### 四

探究今日世界戰爭之起因。亦在民族的運動。德奧之東進運動。 D'Annunzio

年合併於奧。土耳其亦全入於德國之勢力範圍。一千九百一二年巴爾幹戰爭之結果。因塞爾維亞之膨脹。阻塞德奧之前途。於是奧國南下策與塞爾維亞大塞爾維亞主義之衝突。無端為世界大亂之導火線。

次第發展。波赫二州。遂於一千九百零九。見頗夥。德意志一方之所主張。則希望併合比利時及法蘭西之北部。自奧匈延亙巴爾幹廣大之範圍。悉置兵於己國統治之下。而聯合國之所要求。則在以民族主義為基礎。比利時之恢復。固無待言。而一部法蘭西民族所迷信之亞爾薩斯、羅德林根。亦必歸法。甚有唱使漢那耳獨立。普魯士與巴威畧分離。



德國杜勃利士之英國俘囚



者。據近時西噉華德生氏 R. W. Seton-Watson 所

歐美報章雜誌。對於戰爭終結後之整理。其發表之意

者。據近時西噉華德生氏 R. W. Seton-Watson 所

著『巴爾幹意大利及亞德利亞海』一書之唱道。亦謂戰後之解決。不可不準據民族主義之原則。以創設一南斯拉夫國。Jugoslavia 此國以塞爾維亞門的內哥羅爲中堅。割奧匈國哥羅瓦西勞。加尼拉。達馬西。意士多里之一部以與之。更奪匈牙利亞脫蘭斯瓦尼亞及巴那脫之一部與羅馬尼亞。馬其頓之一部與保加利亞。此由占各地人口大部分民族之異同而假定者也。氏又謂意大利希望達馬西。其地多斯拉夫人。而意大利人不過占人口百分之三。至百分之四。故意大利得達馬




比利時之德國自由車斥候兵

西。不能拒絕德意志之併合比利時。民族主義之鼓吹。雖若是其盛。然以吾人冷眼觀之。此等主張之裏面。實各以己國之利害爲基礎。南斯拉夫國之建設論者。以爲其結果足以完全阻塞德奧之東進。其目的所在。可以窺見。若欲守嚴格民族主義之原則。則愛爾蘭當與英分。瑞士當分隸於德法意。然則民族主義之運動。固不得謂爲真面目也。人種問題。有時固可據爲良好之口實。而決不能視爲國際上唯一之原動力。如黃禍論亦其類矣。

## 五

自來德人之熱望德意志統一者其大呼民族主義最民上帝之選民也德意志之敵神之敵也德意志化

稱熾烈及統一之目的。一達更謀發展於外部以征服異民族則民族主義之標榜適足為其束縛如畢士麥欲使波蘭人同化於德意志用種種之高壓手段而終歸失敗於是德意志人中或大言既經征略之人民但當力加壓制其難於同化者可絕滅之。蓋琦 Friedrich Lange 嘗為豪語曰『德意志人



徐伯林飛艇之艇後機關部在進行中情形

之塞伯連, Hous- ton Stewart Chamberlain 曰『吾人所不堪遺憾者僅有一事即德意志人在其征略之土地至今不能絕滅其土民也』霍普奮亦曰『比利時征服以後三五年之內當不許其人民參與政治其有反對者宜放逐之無赦』其他德人類此之言殆難枚舉唯現戰爭中德軍席捲波蘭

時有當使波蘭在奧地利亞元首下獨立之諷示。此或爲收攬波蘭人心之策。先於是者俄羅斯皇帝亦嘗下當允波蘭自治之諭。要皆利用之法。實未嘗承認民族運動之威力以求勝同化之困難也。今也民族主義不能助德意志之發展。且足以促其同盟國奧匈之分解。是德意志之所大憂也。霍普奮氏指摘民族主義之根據薄弱。斷定民族的國家與民族集合的國家根本上無稍差異。如謂瑞士成於三種族。實較各種族自成一獨立國家於人民尤



多幸福。霍氏又謂耐訓 (Zapoved) 民族國民一語本爲外國語。非德意志語。實不適於用。如德意志之血族。德意志之習慣。德意志之語言。德意志之經濟。固當極力保護與獎勵。德意志之權力。固當極力以求固定。至於所謂民族的國家。不過一時的理想。當敬而遠之。此言可謂表明德意志人之意向。從來德國之主張民族主義。頗流於極端。凡稍稱優秀人物。皆唱爲德意志民族。濫用言語學骨格論。指各國偉人。皆出德意志人之血統。然而千方努力。終不能以民族主義辯護德意志之發展。

故今日德意志人遂脫去民族主義之束縛而謀自由之雄飛。豈非德人思潮可驚之變化乎。

六

惟是民族主義為多數國民之理想。凡一國特有之理想恆為其國民熱烈之情火。使之踴躍奮興。民族主義之理想則其尤也。然而一國既漸次膨脹以包容他種民族。其國民之理想亦必從而擴大。不可不更為包括的。此其事蓋為自然之趨勢。然則德意志脫民族主義而趨於民族集合主義。徵諸德意志國力偉大之發展。固不得已之理想。而為旁若無人之態矣。



德國皇太子與薩克遜王與哥斯德在法境閱兵

而咎之也。特吾人察彼德意志人之言動。其目中舍利己以外。幾無一物。盲信世界為德意志而存在。他民族之休戚痛癢。漠然無動於其心。此種理想。不但與正義人道大背。且足以刺戟他民族之民族的感激。終必不利於德意志。蓋德人在十八世紀之末。苦於他民族之屏斥與蹂躪。飲恨吞聲。已非一日。一旦奮起而完成民族之統一。以至短之時日。獲異常之發展。其抑鬱已久之精神。勃然開發。遂使彼等如醉如狂。逾越常軌。偏於利



# 大戰爭之第二年

此篇譯自美國獨立週刊。

Independent Weekly 持

論平允。無左右袒。於戰事頗能得其真相。凡戰爭結果之重要者。均附以年月日期。以便參考。雖爲已過陳迹。未可以明日黃花視之也。譯者識。

歐戰一載以後。戰線愈長。與戰者愈衆。於是交戰諸國損失亦愈甚。所耗之費用。遂致隸首不能算。巧歷不能計。雖調和之說。曾盛倡於一九一四年八月。及一九一五年八月。然交戰諸國。



碇泊葡萄牙牙德郁河之德國汽船被葡政府扣留後懸掛葡國國旗

無不愈爭愈烈。愈戰愈酣。一若傾其國。墟其社。亦所不恤者。則去調和之時期。似尙甚遠。惟協約諸國之人數。及經濟力。遠在同盟諸國之上。如能繼續奮鬪。最後之勝利。似終當屬協約國方面。然一年來德人在歐東西戰場所獲之勝利。固彰彰在人耳目。究竟鹿死誰手。亦殊未易言也。

各作戰區域中之戰事。其動作均甚明瞭。今將各地結果重要之戰役。分別記出。并附以年月日期。讀者一覽。便可了然。

## 一 法比境之戰役

一九一四年

八月三日 德軍入比

七日 德取列日 Liège

二十三日至二十五日 法敗於查勒絡 Char-

leroi 英敗於蒙肆 Mons

九月六日至十日 德敗於麥痕 Marne

十四日至二十八日 德以愛森 Aisne 爲根

據地

十月九日 德取盜凡爾 Antwerp

一九一五年

三月十五日至十四日 英攻新福音堂村 Neu-

ve Chapelle 未獲成效

四月二十二日至五月九日 德攻耶波勒斯

Ypres 得地少許

五月九日至十四日 英法軍合攻埃叨 Arras

未獲成效

九月二十五日至二十七日 英攻盧斯 Loos 法

攻香檳業 Champagne 得地少許

一九一六年

二月二十一日 德軍開始攻擊維爾東 Verdun

現仍在戰爭中

七月一日 英法軍開始攻擊松姆 Somme 現

仍未下

戰線之在法比境者。與一九一四年冬所定之戰線無異。兩方軍士之死於此戰線上者。已不可紀極。計在此戰線內英法各爲三次之劇烈猛攻。德爲二次。然皆不過過旅進旅退於原定戰線中六英里之間耳。於戰爭之大局無關也。

一九一五年春。英攻新福音堂村。冬復取盧斯村。德人則藉其毒氣砲之助力。抵死猛進。自弗蘭得 Flanders 直達加拉斯 Calais。英法比諸軍皆堅守耶波勒斯周圍之陣線。而他部之英軍。則繞攻埃叨與香檳業。法人復助之。未見成效。此一九一五年法比境上戰爭之略

史也。

一九一六年春。舉世以爲英法與德將有大戰。乃德人先發制人。突攻法邊要塞維爾東。自二月二十一日以後。雙方戰爭。未嘗間斷。死傷軍士至五十餘萬之多。但法人仍固守該鎮及要塞之內圍。

一九一六年七月一日早晨。英法軍突取攻勢。由奧迫羅納 Perone 相向之松姆之兩邊。力攻德軍陣線。延至月杪。英法軍各得三哩或四哩之進步。

要之大戰爭之次年年終。在法比境諸戰役。與戰爭前途。無何等之重要關係也。

## 二 俄境戰役

一九一四年

八月二十六日至三十一日 俄軍敗於日納堡

Tanneberg 及東普魯士 East Prussia 等地

一九一五年

五月一日 俄軍在賸乃及克河 Danajec River

及加利西亞 Galicia 等處被逐退回

八月五日 德取華沙 Warsaw 波蘭之首都也

九月十六日至十九日 德取拼史克 Plesk 及

維里納 Vitebsk 俄阻德人東向入境之地也

一九一六年

六月一日 俄人開始驅逐敵人

六月十七日 俄取塞那維嗣 Chernovitz 白谷

維那 Bukovina 之首都也

東歐戰況與西歐大殊。西歐苦戰經年。形勢無甚變更。東歐則兩軍戰鬪區域之廣。竟至縱八百哩。橫三百哩。其間重要市鎮。旋得旋失。至村落則早已殘毀無餘。俄軍退時。復施其昔日對拿破崙之戰術。將一切製造廠及穀類等。凡有利於敵人之物。盡行毀去。難民約三百萬人。均避入俄國本部。其流離困苦之狀。非可言宣。然禁止猶太人入西方諸省之範圍。則竟因之而解。

戰事之始起。由俄之疾攻東普魯士。在 Tanneberg

之著名戰場中。爲德將興登堡將軍所敗。德人遂取攻勢。長驅直至波蘭。勢如破竹。幾抵華沙。但爲隆冬所阻。

俄既不能得志於德。遂轉而攻奧。頗獲勝利。加利西亞之首都蘭堡(Lemberg)及其要塞普散密斯爾(Przemysl)均爲所據。復於一九一五年春。佔有喀爾巴汗(Carpathia)山壁。可下窺匈牙利平原與其南部。旋於五月六月間。爲德將麥更生以大隊德奧聯軍驅回。俄軍退走三百餘哩。於是除一隅外。若白谷維那與加利西亞等。均爲德奧所有。

德人在北方續獲勝利。巴威略



影攝之薩瓦入號九月八年去於爾坡蓼子太王略威巴

Batavia 太子蓼坡爾 Leopold 奏凱而入華沙。波蘭全境及其東一百哩北二百哩之俄土。均完全爲德奧軍佔領。德僑居留最多之波羅的省。Baltic (屬 Courland) 除畢監 Biegs 入口有湖澤爲障不下外。亦入德人掌握。至一九一五年冬。德人所佔之路。自杜味納河(Dvina River)以南。幾可直達羅馬尼亞。蓋與俄原有國境三分之一。相差無幾矣。延至月杪。仍未稍變。俄因軍火不給。交通被斷。爲德所乘。死傷與被俘者頗衆。總司令尼可辣司 Nicholas 大公爵因此解職。俄王親自將軍。至冬

季軍隊已重行組織完備。東裝待戰。向日美所購之大宗軍火。亦由西比利亞鐵道運至。英法比日諸國所供之兵。亦絡繹抵俄。助其駕御摩托車。駛行飛艇。及其他軍事上諸緊要工作。俄亦遣所餘未武裝之六支隊赴法以爲酬。

俄以在滿洲盛著聲望之古魯巴金將軍 General

Kuropatkin 將北軍。勃勒希洛夫將軍 General Bruss-

lov 將南軍。於六月一日開始攻擊德奧軍。二月後大

獲勝利。奧領之白谷維那亦被克復。直至喀爾巴阡山

Carpathians 之前。在加利西亞之奧軍及其北之德軍

均被逐回五十英里。計二月中獲敵人幾三十萬。

至年終(第二年)德人佔有俄土計十萬方哩。俄佔奧

土計一萬方里。

### 三 意大利之戰役

一九一五年五月二十三日 意向奧宣戰

一九一六年五月十五日 奧從德倫的諾 Front.

### 吉。進攻

六月二十日 意將奧人逐回德倫的諾

意大利之加入戰局。其發生之效力。遠在協約國所期望之下。意於一八六六年所刊定之國界。於戰術上利於奧而不利於意。奧一面有阿爾卑山爲衛。他面又有依松萊河爲固。在戰畧上甚占優勝。大有一夫當關萬夫莫敵之勢。奧加陀那將軍以三十餘萬之兵士。敵意百餘萬之大軍。仍能固守邊境者。職是故也。又意人在奧並未佔有要領。且戰事僅囿於奧境五哩六哩之間。故軍勢頗不發展。

一九一六年五月中旬。奧人從德倫的諾前進約十餘哩。入微泉星流域。時俄人適開始進攻。奧人被逼。率兵退至山中。據險以守。至今相持已二十餘月。兩方均受重創。土地則未曾有尺寸之進退也。

### 四 巴爾幹之戰役

一九一四年七月二十八日 奧向塞宣戰

八月二十三日 奧第一次襲攻被逐回

十二月十日 奧第二次襲攻被逐回

一九一五年九月二十日 保加

利亞下動員令

九月二十三日 希臘下動員

令

十月五日 英法軍在塞羅尼

加 Salonica 登陸

十月八日 奧取貝爾格來得

Belgrade

十一月五日 保取尼薩 Nish

十一月三十日 佔領全塞

一九一六年正月十四日 奧人

入門的內哥羅 Montenegro

首都塞的格內 Cetinje

塞爾維亞者戰事開始之國也。故其國被人佔領最早。

背受敵。外援遂絕。大敗於哥索華 KOSOVO 平原。(其



德奧保三國軍隊入塞爾維亞某鎮後途巡緝情形

奧於一九一四年夏冬間遣入塞爾維亞之軍隊。屢受重創。故至一九一五年年終。其間幾十數月。奧人曾無

所舉動。時德人在俄境告捷。故巴爾幹諸國。咸傾向於同盟國方面。協約國遂預許希臘羅馬尼亞保加利亞等國以敵人土地。冀獲其一。以為奧援。然其結果。則羅馬尼亞決守中立。保加利亞左袒德奧。希臘則意見分歧。有黨協約國者。有黨同盟國者。希王因政治上之紛爭。遂宣布中立。但此不能阻止英法軍在希臘境內海陸軍軍事上之行動也。

當保軍在東方入塞時。同時德奧軍即在北方入塞。奧人取其舊都貝爾格來得。保人取其新都尼薩。塞人腹

地五百年前曾爲土人占領。塞王彼得微服遁去。殘餘士卒均避入希臘與亞爾巴尼亞 Albania 境內。門的內哥羅國。因與塞有同盟及血族上之關係。亦與塞同其運命。而凌駕加泰羅 Catalonia 海灣之落佛孫 Lovcen 山。羣以爲難攻者也。至是亦被奧人佔領。門王尼古拉斯 Nicholas 遂遁入法。

亞爾巴尼亞者。於戰事未起五月以前。各國即揚言其爲一普魯士太子治下之獨立國。至是爲鄰國所分。奧得其北部。保獲其東部。意占其西岸之亞佛羅那 Avlona 希臘則據其南部之愛畢魯斯省 Epirus。

英政府見保加利亞之合於德奧也。乃與法聯合以救塞。但英法軍抵塞時。全塞早已入德奧人掌握矣。遂退至塞羅尼加。希以侵犯其中立。向英法政府提出抗議。然卒無效。英復以艦隊將希臘海岸封鎖。并迫希政府讓棄塞羅尼加。取消動員令。保人乘間盡取塞羅尼加以東之地。

德奧在巴爾幹。除獲保加利亞爲同盟國外。并占領塞爾維亞門的內哥羅。及亞爾巴尼亞諸國。

##### 五 達達納爾海峽戰役

一九一五年二月十九日 英艦砲擊土堡

三月十八日 英在達達納爾海峽 Dardanelles

失戰艦三艘艦隊退走

四月二十五日 澳洲軍在加里波利 Gallipoli

登陸

八月六日 英援軍在塞夫蘭 Suvla 及加里波利

利第二次登陸

十二月十九日 英法軍隊在加里波利退回

亞細亞土耳其。幾四面受敵。英法軍攻達達納爾海峽。與君士坦丁堡之計畫雖失敗。然俄已在東方侵略北波斯。及取有亞美尼亞之大部。英亦盡佔南波斯及波斯灣之海岸。并宣布保護埃及。惟由底格里斯及歐發拉底斯河遣出取報達之軍隊。則爲土所敗。又傳聞大

多數之阿刺伯種人已起而叛土。


英法艦隊(最大戰艦在內)之始攻達達納爾海峽也。

一九一四年十一月

英取波斯海灣前之白斯拉

Basra

初以為奏功當不甚難。詎一月以後。砲擊土堡不下。英艦兩艘。法艦一艘。復為水雷轟沉。於是遂決計陸攻。而土人已於加里波利(Gallipoli)半島築壘堅守。時澳洲與新西蘭島之軍團。在半島之西岸上陸。惟欲取道內地。直達凌駕達達納爾海峽之山脊。實為至難之事。其他協約國所遣之軍。亦在塞夫蘭灣(Suvla Bay)登陸。但為土軍所逼。退守海濱。至一九一五年年終。英遂放棄攻達達納爾海峽之舉。將兵退回。



英法聯軍在加里波利半島之拉克特河口登陸之情形

一九一五年正月 英遠征隊向底格里斯河出發

十一月二十二日 英在距

報達 Bagdad 十八哩之

德昔分 Chesiphon 地被

阻

十二月三日 英遠征隊退

至克得爾亞麥拉 Kutlo

於是地被圍

一九一六年四月 英遠征隊

在克得爾亞麥拉降土

當戰事初起時。英即將波斯灣附

近之奧地及波地占據。一九一五

六 美索波大米 Mesopotamia 之戰役

年遠征隊在底格里斯河及歐發拉底斯 Euphrates



河溯流而上。其取道於底格里斯河之遠征隊。幾達報達矣。忽遇優勢之土軍。被逼不支。遂退往下游百餘里。在克得爾亞麥拉附近。河流之轉折處被圍。相持約五月餘。力竭。遂降於土。計英軍一萬餘。則印兵也。英在美索波大米之失敗。與歐洲大戰爭相較。損失固甚微。然於英人之聲望。則頗有妨礙也。

### 七 高加索之戰役

一九一六年二月十五日 俄取埃爾斯倫 *Erzurum*

*Erzurum*

四月十八日 俄取得利畢戎特 *Trebizond*

七月二十六日 俄取愛爾琴干 *Erzurum*

於非洲以外。九協約國之成就。其最著者。厥惟俄之征服亞美尼亞 *Armenia*。俄大公爵尼哥拉斯。自徙入高加索後。即在冬季由高加索侵入土耳其。土之抵抗力甚弱。而自古著名難攻之要塞埃爾斯倫與利畢戎特。均望風而降。然俄人雖占有土之要塞。顧不能救亞

美尼亞人之見屠於土人。土人知亞美尼亞人之將歎迎俄人也。遂於冬季決計除之。始以虐殺。繼以竄逐。亞美尼亞人、西利亞人、與希臘人之受其荼毒者。計百餘萬。

北波斯者。一九零七年俄英條約所認為在俄國勢力範圍中者也。俄乘戰勝之餘。遂不顧受有土人德人助力之波人反抗。欲取而置諸統治之下。其勢洶洶。不可終日。若俄高加索戰勝之結果。不為其他戰事之影響所取消。則北波斯與東北土耳其。均將入俄國之版圖矣。

### 八 非洲之戰役

一九一四年八月二十六日 英法軍攻克多俄蘭

*Togoland*

一九一五年七月九日 南非洲聯邦婆薩 *Bohwa*

將軍攻克德領西南非洲

一九一六年二月十八日 英法攻克喀茂隆 *Kaifong*

MERU

三月九日 南非聯邦

將軍史沒刺氏

Smuts 以德東非

洲加入英帝國

德國在非洲之殖民地其

面積四倍餘於本國。當戰

爭發生時。德人之在非洲

殖民者。僅二萬五千人。自

英人封鎖海岸後。在非殖

民地之德人。不特與母國

及外界之消息隔絕。即殖

民地與殖民地間之聲氣。

亦阻不相通。德人外援既

絕。雖不肯遽將四殖民地。

袖手讓諸敵人。於各方面

英國加爾富爾女士及魯捨拉看護婦養成所職員攝影



加爾富爾女士於一九一五年十一月十二日上午二時在比利時被德軍槍斃。女士在比多年任看護婦總監督。自戰事起。手自調護德兵亦甚多。而不料竟以間諜嫌疑被執。聞者惜之。圖中坐於左側御黑色制服者。即女士也。

竭力堅守。以抗英法軍。然以卵投石。豈能倖免。故多俄蘭喀茂隆相繼為英法所陷。餘則為南非洲聯邦所併。婆薩與史沒刺者。脫國之將軍也。十六年前曾與英人力戰。至是尤以德領西南非洲。合併於英帝國。史沒刺以為善。遂亦以德領東非洲加入。德人在克列麥恆及羅山周圍之地。既已盡入他人掌握。而比

人復在殖民地之西面侵入。葡人亦在南方進攻。於是在內地區區數萬人之德人。遂如壘中之鼉。雖欲不降。豈可得哉。至是德自一八八四年所苦心經營。竭力締造之殖民帝國。均為敵人所奪矣。

### 九 海上戰役

一九一四年八月五日 英將皮端 Beatty 在希里

哥蘭德 Helgoland 之灣內擊沉德巡洋艦三

艘

十一月一日 英將格拉獨克 Graddock 所部之

小艦隊為德將斯披 Von Spee 氏敗於卡羅

南與智利

十二月八日 英將斯推第 Sturdee 在福克蘭

羣島 Falkland Islands 附近擊毀斯披所部

之艦隊

一九一五年正月二十四日 德小艦隊敗於侗介

堤海岸 Dogger Bank

二月七日 德人宣布英倫三島周圍海面均為

戰區

三月十一日 英司令部築聯營以阻各國貨物

輸入德國

五月七日 魯西塔尼亞客船沉沒

一九一六年五月四日 德允不襲擊未受警號之

商船

五月三十一日 日得蘭 Jutland 附近之大海

戰

六月五日 亨不宣亞艦沉沒吉青納 Kitchener

溺斃

六月二十九日 英否認倫敦之宣言

海上戰爭之事迹。可一言以蔽之。則二年以來英海軍之無上權力。仍依然如故是也。德潛艇雖曾屢加協約國兵艦商船以重創。如愛默屯與慕衛二艦均建奇勳。名著一時。而潛艇德意志號 Deutschland 亦滿載

染料自水底潛行直達美國。在巴爾的摩爾 Baltimore 出現。然德人在海上之商船早已絕迹。而貿易則

巖特岸退去。其海軍力消長之結果。現尚未決。惟英所失為德之二倍。但二與一之比例。依然如故。英之海軍

更為協約國蹂躪無餘。英

力終二倍於德也。

首相愛斯葵士 Asquith

### 十 地圖之改觀

氏曾云。英政府不可以為將授人口實之細故所束縛。以自減其勢力。致貽他日無窮之憂。於是遂不宣告封鎖。即將駛往歐洲口岸之商船。肆行檢查。凡與德稍涉有嫌疑之船。均不放行。美人提出向英政府抗議。并斥其舉動之違法。然終無效。



英艦隊用氣球觀察砲火之功效

發售地圖者均已停止新印刷。蓋戰爭無論如何結局。國際界必有極大之變改。此皆意中事也。自一九一四年八月以後。全世界土地之易主人翁者。（指暫時而言）其面積幾與歐羅巴全洲相等。下表所列。不過因其現為軍隊所

兩國（英德）巡洋艦與驅逐艦開始在斯喀給拉海口 Skager Rack 交戰。旋於六月三十一日下午離及脫

據。故約略言之。非正確之數也。至其人民。則或殺或逃。或死於疫。或在戰場。尤難得其真相。

觀下表所列各國所得土地之哩數。英實獲戰利品之大部分。因日人澳人之助。盡取德太平洋羣島。因法人脫人之助。復取德非洲殖民地。(德東非洲中部之德人現尙未降)而多俄蘭Togoland與喀茂隆。則英法聯軍協力而得之者也。今且勿論將來戰爭告終之後。法或宜多得土地與否。姑臆斷其爲平分。至於埃及蘇丹Sudan與居伯羅Cyprus。在戰爭前名雖屬於土國。實則在英統治之下。今亦取而列入英帝國版圖之中。其餘若南波斯之半。亦已如阿刺伯之大部分。在實際上已受治於英人法律之下。又向歐發拉底斯與底格里斯河出發之英軍。亦佔有土之勃斯拉省Bilise。此英所獲地之大略也。

法人所得之地。則余前已試爲之分矣。即多俄蘭與喀茂隆之半是也。惟法人在德境亞爾薩斯Alsace尙據有數哩闊四十五哩長地一片。此法所獲土地之大概也。

德人則獲有比國全境盧森堡Luxemburg與法境一帶之地。在俄境之德軍。獲波蘭全土考爾蘭德Courland十分之九。與維爾那Vilna哥佛那Kovno及哥羅得諾Grodno。與伏爾希尼亞Volhynia等地之大半。此德人所得地之大較也。

至於奧保德聯軍在巴爾幹所得之地。如何宰割。無人知之。

交戰各國國名一覽表

國名

協 商 國						
英	法	俄	意	日	比	塞
國	國	國	國	本	利	爾
					時	維
					國	亞
					國	內
					國	哥
					國	羅
					國	牙
					國	國

同 盟 國			
德	奧	保	土
國	匈	加	耳
	國	利	其
		亞	國
		國	
		國	

大戰爭中之種族一覽表

阿非利加人	埃及人	門的內哥羅人
亞爾巴尼亞人	芬蘭人	蒙古人
阿爾及耳人	法蘭西人	把薩人
亞米尼亞人	格爾華利人	波斯人
阿刺伯人	吉俄爾經人	波利人
安南人	哥爾克黑人	葡萄牙人
奧人	意大利人	羅馬尼亞人
伯恆脫人	日本人	俄羅斯人
比利時人	猶太人	羅西尼亞人
脫人	阿爾亞派人	薩尼格里人
不列顛人	利族尼亞人	瘦勃人
保加利亞人	日耳曼人	息人
搜爾客斯西亞人	馬革亞人	斯落犯克人
客羅西亞人	羅拉德人	斯落微尼人
斯鼠人	馬拉牙人	西利亞人
西印度羣島人	突厥人	韃靼人

滿屋利人

托恆經人

交戰各國現有土地及人民之比較表

協約國之土地	31,332,000 方哩
同盟國之土地	1,245,000 方哩
其面積多寡之比為二十五與一之比 即協約國為二十五同盟國為一也	
協約國之人數	846,000,000 人
同盟國之人數	177,000,000 人
其比例協約國為五同盟國為一	

大戰爭第二年年終各交戰國所得土地表 (原有土地不在內)

國名	面積	人民
英國	2,510,000 方哩	22,000,000 人
俄國	412,000 方哩	5,350,000 人
德國	127,000 方哩	29,000,000 人
法國	112,600 方哩	1,800,000 人
奧國	31,500 方哩	3,400,000 人
葡國	17,000 方哩	2,270,000 人

各交戰國每日所費之值一覽表

英國	30,000,000	元
德國	22,000,000	元
俄國	16,000,000	元
法國	15,500,000	元
奧國	12,000,000	元
意國	8,000,000	元
土國	1,500,000	元
蒲國	1,500,000	元
比國	1,500,000	元
總數	108,000,000	元

英兵在塞羅尼加岸上情形



# 亞洲土耳其之將來

節譯英國「十九世紀及其後」

胡學愚

近世外交之困難。未有如君士坦丁堡問題者矣。數百年來。歐洲列強。以欲得此富庶繁榮之城堡。并其控制東西橫跨歐亞之海峽。故皆不惜犧牲生命金錢。以力爭之。力爭之不已。最後乃有此次大戰之發生。大戰以後。聯合方面。倘獲勝利。則此問題。自可迎刃而解。後此歐洲外交上。倘有更較困難紛糾之問題。足以妨害國際之和平。乎則曰。惟亞洲土耳其問題是。大戰以後。世界輿圖。將盡變色。此次平和會議中所提議之問



俄軍占領埃爾斯倫臺時所獲之土耳其絲繡軍旗

題。必有百千倍於百年前之維也納會議者。於此會議中。一般粗忽之政治家。必視亞洲土耳其問題。為無足重輕。而置諸腦後。實則亞洲土耳其問題。苟不早為解決。則其所伏之危險。將更有甚於今日。而世界和平。必無復有可望之一日。何以言之。夫釀成此次戰禍者。君士坦丁堡問題也。而亞洲土耳其問題之困難。實遠在君士坦丁堡問題之上。君士坦丁堡為黑海之門戶。其所關繫。僅限於斯拉夫與臘丁日耳曼民族之霸業。若亞洲土耳其。則不然。其地雄跨歐亞



非三洲之中間。占世界最優勝之軍事地位。故常為世界列強圖霸業者之所必爭。以為世界列強所必爭。故此所以為外交上之第一重要問題也。

亞洲土耳其者。舊世界之中心也。世界人類分居歐亞非三洲者。占十分之九。而亞洲土耳其則適處此三洲之核心。故其地常占軍事上、宗教上、經濟上之重要位置。

何言乎占軍事上之重要位置也。亞洲土耳其之地理於軍事上。進攻退守。皆占優越之形勢。以言防守。則水有黑海地中海紅海波斯灣為其天塹。陸有高達萬呎之沼留斯山脈為其拱衛。更有蘇彝士運河阿刺伯撒哈拉兩大沙漠。足以依為險阻。故全陸殆如雄峙海中之島嶼。雖有百萬雄師。亦不能飛越而入。以言攻取。則其地當三洲之甌脫。據高屋建瓴之形勢。苟有雄厚強大之軍隊。則西窺君士坦丁堡希臘意大利。南取蘇彝士以侵埃及。北定俄屬高加索諸省。東略波斯阿富汗。

以指印度。皆如摧枯拉朽。莫之能禦也。

亞洲土耳其之形勢。與瑞士絕相類似。瑞士四境羣山環繞。故其地為天然之堡壘。亞洲土耳其亦然。其四境有大海高山廣漠之險阻。於軍事上常占優越之形勢。介於德法意三大國之間。而其地勢足以控制此三國者。瑞士是也。介於歐亞非三大洲之間。而其地勢足以控制此三洲者。亞洲土耳其是也。吾人就地圖披閱之。恆視亞洲土耳其為隘小之國。試就下表觀之。則當知其不然。

國名	方	人口(最近統計)	每方里人數
亞洲土耳其	六九,三四二	一九,三八二,九〇〇	二八,〇
英國(三島合計)	三二,六三三	四二,三七〇,五〇〇	三七,二六
德國	三〇八,六六〇	六四,九五九,九三	三〇,四
法國	三〇七,〇五四	三九,六〇二,五〇九	一八九,五
西班牙	一,九四,七六三	一九,五八八,六八八	一〇〇,五
歐洲俄羅斯	一,八六三,五二四	一三三,五五〇,七〇〇	六四,六

由上表觀之。亞洲土耳其之面積。三倍半於德國。六倍

於英倫三島。惟其人口甚為稀少。雖較諸俄國。亦尙未一試。設想亞洲土耳其之地。竟為強悍好戰之野心國。速計其全境。殆尙可移殖居民一萬萬人云。

奧地利。今已成爲德意志國之附庸。而土耳其與保加利亞。則德國之藩屬也。數十年來。德意志愛國者。常夢想其大日耳曼帝國之實現。所謂大日耳曼帝國者。北起北海。并奧匈巴爾幹小亞細亞諸地。南兼波斯。以達印度洋之濱。此大帝國之建設。以亞洲土耳其爲根據地。蓋得此片土。則歐亞非三洲皆不難一鼓而定。以是之故。德國人士。處心積慮。日謀併吞亞洲土耳其之方。略報達鐵路之經營。卽其方略之一種也。

美索波達米亞之古城門



在底格里斯河左岸四雲豐大村落中英將軍特令隊勿擊之

漢末德部落崛起亞洲土耳其之邊境。蟠據其地。出兵

所占。有則其危險爲何如乎。此荒僻之土地。苟施以適宜之殖民政策。則人口可增殖至兩三倍。其地可徧築鐵道。俾與俄國埃及波斯之邊界相連接。黑海也。紅海也。波斯灣也。又皆海軍之良港。於是率土耳其勁旅二百萬。以西攻埃及。則埃及破。東攻波斯。則波斯破。復率其雄大之艦隊。以縱橫於蘇彝士黑海波斯灣之間。則君士坦丁堡。南部俄羅斯。俾路芝。印度。必皆爲之撼動。戰禍蔓延。將無所終極。良以此天造地設之形勢。苟爲強國所占有。固足以搗亂世界。而有餘。昔當中古之世。一隘小好戰之摩

四向而南而北而東而西而埃及而阿刺伯而波斯而  
阿富汗而北印度皆入其手中更逾  
博斯破魯斯襲取君士坦丁堡兼并  
巴爾幹半島及匈牙利直搗維也納  
之城下推其所以成此大業實半由  
於地勢之優越則此雄峙三洲之片  
土爲自來兵家之所必爭固有非偶  
然者矣

何言乎占宗教上之重要位置也亞  
洲土耳其境內包有耶回兩教之聖  
地麥加米第那二地爲回教之中心  
占有其地者嘗能勾致回教徒之歡  
心且亞洲土耳其尤爲回教勢力之  
策源地故一般懷抱大回教主義者  
恆以亞洲土耳其爲大摩漢末德帝  
國之根據地現今當國之土耳其族未能得回教徒之

歡心然苟有有力之國家起而代之據此神聖之地點



英軍官在克德爾亞瑪拉率印軍與土耳其軍交戰

聯絡回教徒之感情則率此三萬萬  
之回教徒可以飛揚跋扈於世界而  
所謂大摩漢末德帝國者固不難實  
現彼德國皇帝即抱此理想者也一  
八九八年德皇在某地赴回教徒之  
宴其演說辭有云「土耳其政府與  
三萬萬之回教徒當知德意志皇帝  
將永爲彼輩之良友也」由是觀之  
德皇固久已自命爲回教徒之保護  
人矣

回教教主摩漢末德爲窮兵黷武之  
魔王回教爲尙武好戰之宗教今日  
之回教徒分居於英屬印度者凡七  
千萬人分居於俄國者凡二千萬人  
則全屬回回教徒苟有軍國主義之

國家占有麥加與米提那之聖地。憑高而呼。天下響應。回教之大帝國。不難實現。而英法俄之屬地。必可立陷於瓦解。此其影響於世界和平者。實非淺渺。亞洲土耳其一地之關係於宗教勢力如此。此英法俄各國之所當慎為防範者也。

何言乎占經濟上之重要位置也。中古以前。世界文化。薈萃於亞洲土耳其之一隅。其時文物富庶。人口繁殖。近世以來。累遭鉅劫。日就彫零。至於今日。人口寥落。田野荒蕪。蓋繁華富庶之國。已一變為荒涼寂寞之鄉矣。今將亞洲土耳其各地之面積人口列表如左。

地名	方哩	人口	每方哩人口
小亞細亞	一九九,二七二	一〇,一八六,九〇〇	五三
亞爾美尼亞 與高加索 亞美尼亞	七二,九九〇	二,四七〇,九〇〇	三三
美索波達米亞	一四三,二五〇	二,〇〇〇,〇〇〇	一四
敘利亞	一四四,五三〇	三,六七五,一〇〇	三三
土屬阿刺伯	一七〇,三〇〇	一,〇五〇,〇〇〇	六

合計

六九,三三一 一九,三六,二九〇 二六

政治之良窳。與人口之盛衰。常有密切之關係。亞洲土耳其之地。苟有良好之政府。施以治理。則必能復繁榮富庶之舊觀。試徵諸埃及。當一八八二年。英國初治埃及時。其人口為六百八十三萬一千一百三十一人。至一九〇七年。則達一千二百二十八萬七千三百五十九人。至於今日。則已達一千三百萬人。蓋自受英政府管轄以來。三十餘年之間。人口增至二倍。至其富力之增加。尤足驚異。當一八七九至一八八一之三年中。每年埃及平均入口凡七百萬鎊。至一九一三年。則達二千七百萬鎊。故衰弱貧乏之國。苟施以適宜之政治。則其富強可計日而待。以此例彼。其理一也。

今日小亞細亞之地。僅有居民一千餘萬人。然距今二千年前。則已有居民一千七八百萬人。彼時亞洲土耳其全境。農業發達。物產富庶。鄉鎮繁盛。蓋亞洲土耳其為天然之農業國。其地氣候溫良。土壤肥美。五穀咸宜。

低有蘋柰抽橘之果品。高有松杉橡柏之森林。苟能施以新法。加以栽培。廣築鐵路。俾利運輸。則人民衣食之資。可以取給無窮。至若礦產。則金銀煤汞銅鐵鉛錫之屬。無不富有。然皆未經開鑿。設有良好之政府。加以治理。盡發礦藏。以建兵工廠。盡闢利源。以養兵士。則富強之業。可探囊而得也。

語曰『時間即金錢』。商業之發達。全恃交通之便利。與時間之縮短。蘇彝士運河為縮短東西交通之通道。而亞洲土耳其適當此通道之中心。此所以為商業上之重要地點也。一八七〇年。蘇彝士運河之貿易額。為四十三萬六千六百〇九噸。至一八七六年。增至二百〇九萬六千七百七十一噸。後至一九〇〇年。竟達二千〇二十七萬五千一百二十噸。其增



在克德爾阿瑪拉英兵出巡之狀

加之速。得未曾有。然歐亞間交通之發達。當猶不止此。將來歐亞間必須建築路程較短之鐵道。而阿富汗西藏之高山。俄國境內之內海。皆足阻礙此路之敷設。故欲建築此路。則舍經過君士坦丁堡與小亞細亞以外。殆無他道。此路一成。將使倫敦巴黎柏林與加辣契（印度要港）德列（同上）加爾各答廣州上海等地相聯結。而以小亞細亞為其中樞。自歐洲至中國印度。皆將出小亞細亞之間。而蘇彝士之航運。西伯利亞之鐵道。必均如虛設。若然。則歐亞兩洲之貿易。輻輳於小亞細亞。亞洲土耳其。之成為世界經濟之中心。有必然矣。

以在軍事上宗教上經濟上皆占重要位置之亞洲土耳其。今竟爲一昏庸無能之土耳其族所據有。則其足釀禍端也亦甚明矣。土耳其族雖統轄亞洲土耳其之地。然彼不過爲該地居民之一部分。其他則處小亞細亞之西部者。有希臘居民一百五十萬人。處東部小亞細亞與俄國接壤地者。有亞爾美尼亞居民二百萬人。又處南部者。有阿刺伯居民一千萬人。其散居各處者。尙有敘利亞人。高達人。撒爾該斯人。猶太人等。土耳其政府之待此等人民。暴戾殘虐。昏庸無道。人民處苛政之下。視土政府無殊虎狼。其望歐洲文明國之救援。如大旱之望雲霓。不觀乎歐洲土耳其乎。以土政府不善治其民故。巴爾幹諸邦。紛紛脫離。今則并其君士坦丁堡。亦不能保。由是推之。則亞洲土耳其諸民族之紛崩瓦解。爲日當不遠矣。

就上所言。請總括之如下。

一、亞洲土耳其之形勢。易於防守。且其地當三洲之

要衝。苟有好戰尙武之國家。據而有之。更聯絡分居世界各地之回教徒。起圖霸業。可以所向無敵。且必因此釀成世界莫大之戰禍。

二、因其地有絕大之富源。且在商業上占最要之地位。而現在之土政府。又不知謀發展之法。故世界列強。必爭在該國築路開港。謀攫得其農業礦業之利權。


三、現住小亞細亞之希臘亞爾美尼亞阿刺伯諸人種。既不堪土政府之惡政治。勢必引起列強之干涉。其時列強中以利害關係不同。故分排土政府與黨土政府之二派。此二派互爭權利。擾攘不休。則四百年來君士坦丁堡所演之活劇。必重演於小亞細亞之境內。

由是觀之。當知解決亞洲土耳其問題之不易矣。

亞洲土耳其之地位。既若是其重要。苟爲強橫好戰之野心國所占。有則其禍機所伏。必將使全世界人民無

安枕之一日。故謀解決之法。惟有保護亞洲土耳其之道。必取道於此。此鐵道一成。則戰略上之形勢。爲之一

領土安全。使長爲土耳其人所擁有。勿入他強國之手。中然施此種方法。其流弊實不可勝數。有時有強有力者。頓起覬覦之心。其他諸國。無法禁止。亦惟有謀分一杯羹。以圖利益之均霑。於是爭端啓矣。其結果所至。必釀成世界莫大之戰禍。前車不遠。君士坦丁堡之事。可以爲鑑。故欲圖良策。必使列強完全立於局外。於土耳其政府不加干涉。無如此法。又萬萬不能實行。蓋亞洲土耳其爲天富之國。地處世界交通之要道。爲聯絡歐洲大都與中國印度之樞紐。其國政府又不能自謀富強。故諸商業國勢必力謀發展之法。俾便利世界之交通。橫亘歐亞之鐵



(處軍其耳土敗擊軍印英)景風之拉瑪阿爾德克

變。列強商業上之競爭。將一變而爲軍事上之競爭。故經濟上之侵略。其結果將與土地瓜分同爲危害。不特此也。以土政府之暴戾無道。亞美尼亞希臘阿刺伯諸人種。處此惡政府之下。必力圖反抗。其勢且招致列強之干涉。於是種種之國際陰謀。因而發生。巴爾幹之慘劇。將重演於小亞細亞之境內。况亞洲土耳其之地勢。優於進攻。在戰略上與俄國南部及英屬之埃及印度。最有關係。與英俄爲敵者。必設法引起英俄兩國之猜嫌。彼則坐享漁人之利。且乘間得攫有小亞細亞之地。以進攻英俄之領

土而英俄兩國。乃無安枕之日矣。故維持亞洲土耳其

之領土安全。并杜絕列強之干預。愈足引起國際之紛糾。欲謀解決之長策。不可不在此而他求。

亞洲土耳其之地勢之關係。與瑞士可謂絕相類似。瑞士處歐洲之中心。其地勢足以控制法意德之三國。亞洲土耳其則處東半球之中心。其地勢足以控制歐亞非之三洲。之二地者。當爲圖霸業者之所必爭。而世界戰禍之所由肇也。歐洲列強有鑒於是。故共同訂約。定瑞士爲永久中立國。訂立此項條約之本意。非爲維持瑞士安全起見。實爲保障全歐之和平。并圖列強共同之利益。瑞士自訂此約後。列強對於此點之爭端遂息。其法甚善也。今茲亞洲土耳其之問題。與瑞士正同。故謀解決。亦非由萬國共同承認爲永久中立國不可。雖然所謂中立國者。必其國力強固。足以自衛。至若寡弱無力之國家。雖經萬國承認。許其中立。猶未足恃。比利士之前例。可徵也。瑞士之能保守中立。良以其國能自強。故若亞洲土耳其則不然。彼其政府。老大昏庸。國勢

衰弱。臻於極點。既無自衛之力。則雖明訂中立之約。亦等於具文而已。由是言之。欲使亞洲土耳其成爲永遠中立國。以免國際之紛紜。必先使其國能奮發自強。具防衛之能力。土耳其政府之昏庸無能。久爲世所詬病。令其治土耳其人種。猶且不勝。何況令統治亞美尼亞希臘阿刺伯之諸人種。欲其致國富強。殆未能也。爲今之計。必以歐洲諸國中之一國或數國。爲其保護人。監督其政治。導引其進步。善爲扶掖。使臻自強。然後於事乃有濟也。

雖然此保護人應爲一國乎。抑爲數國乎。歐洲列強在亞洲土耳其。無不有特殊之利益。故使諸國共同爲土耳其之保護人。其勢不免於同施陰謀。以相排擠。欲其調劑和協。同盡保護之責。未易言也。質言之。欲使亞洲土耳其之國。返弱爲強。成爲第二之瑞士。俾維持永久之中立。必於歐洲諸國中。覓一惡戰爭無野心之一國。以保護之。此負保護責任之一國。驟思之。如瑞典。如和



蘭。如比利士。皆可勝任。實則不然。此三國人民。與回教。徒。皆無情愔。且其國小弱。其威力不足。以鎮懾土耳其人。而綏懷之。故列強。苟謀選一亞洲土耳其之保護人。則必擇其國力強大。無野心。惡戰鬪。且與回教徒。素有情愔之一國。有此資格。而能勝任愉快者。舍英國以外。無有也。

吾英之求為亞洲土耳其之保護人。舍謀和平外。決無他種之欲望。吾英但在土政府設一諮詢之官。監其政事。經濟。為其指導一切。以盡保護之責任。他則非所希冀。亞洲土耳其境內。可以不必練兵。但照埃及成法。募警兵數千人。以防內亂。則列強之猜疑。或可釋然。至於經濟上之發展。則吾英戰後。必無餘。



底格里斯河風景(河上所係用圓舟)

資。以投入國外。欲謀壟斷商業。亦勢所不能。質言之。英國為亞洲土耳其之保護人。純然為責任之事。而決無絲毫權利之念。存於其間也。

大戰以後。如聯合國獲勝。則法必兼并亞爾薩斯羅倫二州。或更及德國領土。俄則割德奧領土及君士坦丁堡諸地。惟英國所得之代價。則甚希少。德殖民地。將來或歸英國。然其面積甚狹。故此。次英國之戰。為平和而戰。非為領土而戰也。戰爭而後。欲求第二次大戰之不再發生。其最要之手續。惟求使亞洲土耳其。認為局外中立。俄法二國。戰後皆得有價值之領土。以為報償。英國所求之報償。僅此平和而已。英國政府。決無佔有亞洲土耳其之野心。英國之意。不過謀使土人能

自治其國。土政府不知治國之術。而吾英國。則願以教師自任也。

欲謀戰後世界之平和。必使亞洲土耳其成爲永久中立國。欲使亞洲土耳其成爲永久中立國。必先改良其政治。使能達於自強。欲改良亞洲土耳其之政治。必以惡戰。斷無野心之一強國。爲保護人。此保護人。舍英國以外。固莫屬也。英國自矢對於亞洲土耳其。決不敢有侵佔領土之野心。即法俄意希諸國。在該地之經濟發

展。英國亦決不敢有所阻礙。歐洲諸國。苟能信而任之。則世界平和。庶幾有望。苟不然者。列強於英國之任保護人。不能同意。則其勢必在亞洲土耳其劃分各國之勢力範圍。吾英自當分享美索波達米亞阿刺伯二地之特殊權利。勢力範圍。既已劃定。則亞洲土耳其。將無復復興之一日。其結果必至於瓜分。而從古未有之大戰。或將肇端於此。此固亞洲土耳其之不幸。抑亦世界人類之不幸也。



# 德帝威廉第二之心理解剖

譯新日本轉載美國  
毛爾東曉林斯原著

許家慶

德帝威廉第二之反對社會民主黨。無所不用其極。其唾罵社會民主黨。爲「謀叛人」。爲「應掃除之疫病」。爲「不副德國人之名之惡奴」。爲「國家與帝國之仇敵」。爲「不顧國家之人民」。爲「宗教之敵」。嘗謂煤礦同盟罷業者之總代表曰。「朕認社會民主黨一名詞。與帝國之敵國家之敵等語同意義。故朕苟於同盟罷業者之中。發見有社會民主之傾向。必立予處分。不稍躊躇。」又曰。「社會民主黨之宗旨。非但違反神之十誡。及基督教之道德。且完全不可實行。其貽害個人與社會之程度相等。」德帝仇恨社會民主黨既深。遂有假武力以絕其根本之想。一日。在樸茨但姆 Potsdam 面諭少年之兵卒曰。「凡朕之敵。即汝輩之敵。現在社會民主黨有蠢動之象。朕對付該黨之時。或將命汝等發槍斃汝等之親戚兄弟或汝等之父母。屆時汝等不得

違抗朕意。當從朕旨。」德國一九一二年之選舉。社會民主黨之投票數。有四百二十五萬。選出一百一十人之議員。此一百一十人之議員代表二千一百萬人民。故德國社會民主黨之勢力。幾占德國全國人口三分之一。德帝對於如此多數國民所成有勢力之團體。懷如此強烈之惡感。果何故耶。

德帝之漫罵社會民主黨。非某種政治演說家所爲一時的漫罵所可比擬。蓋政客爲屈服其政敵。被感情所驅使。到處漫罵。一過時期。則完全忘却。故其漫罵。不值深論。而德帝之漫罵。出自仇視社會民主黨之惡感。其根蒂極深。是難相提並論。蓋其惡感情。與其強固之人格相結合。致成此種性質。德帝之憎社會民主黨。不由政治上確實之意見發生。而從倔強之自然惡感情來也。凡提及社會民主黨。即起憎惡之念。憤怒之情。不可

抑制。實則毫無理由。吾人於德帝此種惡感情。不可不研究其心理狀態。能將德帝之心理狀態研究明白。則德國政府一切政策所由決定之動機。自迎刃而解。則其所以於社會民主黨如此深惡痛絕之原因。亦自了然矣。蓋德帝生平。反對近代文明思想。專以維持專制是務。其阻止許民自由之憲法政治。禁止言論自由與出版自由。及以不敬罪束縛德國國民自由之政策。皆發源於此。德帝曾援引中古封建時代之法律『不敬罪』以懲治反抗自己者。計自即位時起。至一八九八年止。此



德帝率亨利親王乘汽車巡行凡爾丹陣地

十年中觸此法而監禁者。其刑期之總和。超一千年。至一九一四年爲止。達三萬年云。德帝一八八八年臨普魯士議會。爲即位後第一次演說。即宣言彼所應有之特權六條。一、皇帝對於人民及議會無責任。僅對於自己有責任。二、皇帝有任命首相之權。三、皇帝有任命國務大臣之權。四、皇帝爲軍隊之總元帥。五、皇帝得任命上院議員十七名而支配之。六、皇帝得提出各種立法案。此即明白表示以君主專制君臨德國國民之意。彼自信受命於天。得此帝位。豈知何軒索弗爾氏 Hohenzollern

Noelern 在弗勒得力第一時代。以借款抵押關係。有選舉侯之資格。而始獲得此權利。即匈牙利國王雪其思

又常懷恐怖心。懼有人將迫害此神權。而不能自安。其憎惡社會民主黨者。因該黨宗旨。偶觸德帝之恐怖心。

門。Sigismund 向弗勒

得力第一借款項十萬

格爾鄧。Gulden (貨幣

名稱) 以選舉侯之權

利讓與弗勒得力第一

以為抵押。德帝自謂受

命於天。為巴郎丁堡侯。

實則無非託何軒索弗

爾氏祖先之庇蔭而已。

然德帝胸中絕不作此

想。以為統御德意志國

民之特權。以神之命令。

賦與何軒索弗爾家。此

種思想。凝固而成潛在意識。即所謂神權妄想也。德帝



德皇與保國首相臘濱斯華夫立談之狀

會民主黨一名詞。因有社會二字。往往令人聯想及社

也。若馬格思氏 Marx

(德國社會學家曾因

其學說被德政府放逐

死於倫敦) 所提倡之

社會主義之思想。於政

策上固有可忌之理由。

然今日馬格思氏之思

想。在德國已無勢力。絕

無盡力提倡其學說者。

今日社會民主黨之所

主張。以吾人觀之。極為

穩健。無可反對。更無拔

除其根株之必要。夫社

會主義。但研究其實際。則社會主義與社會民主黨全

心對於此等現象。斷難自安。於是乎欲賴軍隊之力以

然相異。德國實行社會

自衛。遂思以之撲滅社

主義政策之事蹟。獨較

會民主黨矣。

他國為多。故德國政府

研究德帝之人格。當先

尤不忌此名稱。且社會

研究其自我的情操。自

民主黨本單稱 Social

我的情操。為人所盡有。

ist Party。其後改稱

據麥格突額爾德教授

Social Democrat Party。

所說。則云。自我的情操

加入 Democrat 一字。其

發生於兩種生物學的

義即民主也。然則德帝

本能。所謂兩種生物學

之銜。社會民主黨。其理

的本能者。一為與自我

由果安在哉。說者謂實

觀念相混合之自己。主

在民主思想之附加。因

張一為自己卑下。麥氏

帝王神權之思想。與民

謂動物與人類均有此

主政治之思想。不能相容。民主政治之思想。直將肉薄

本能。且皆有生物學的目的。吾人依此而得自我之體


帝王神權之思想之堡壘。而加以危害也。德帝之恐怖

型。第一本能。一名自己銜耀。此本能與積極的自我感



德皇與麥更生將軍及保王立之談圖

情、相、結、合、而、成、主、要、之、本、能。  
 則、吾、人、有、傲、慢、而、具、自、我、觀、  
 念、之、特、性、之、體、型。第、二、本、能。  
 與、消、極、的、感、情、之、情、緒、相、結、  
 合、而、混、和、於、情、操、中。則、吾、人、  
 有、自、敬、之、體、型。麥、氏、爲、說、明、  
 傲、慢、的、體、型。嘗、於、想、像、上、描、  
 寫、一、有、權、力、而、愚、獸、之、貴、介、  
 公、子。公、子、生、平、向、受、他、人、之、  
 諂、諛。從、無、批、評、之、矯、正、之、或、  
 抑、制、之、者。故、他、人、對、之、微、缺、  
 尊、敬。或、當、公、子、之、前、讚、賞、他、  
 人。公、子、必、立、即、憤、怒。不、可、抑、  
 制。公、子、之、自、己、意、識。固、堅、強、  
 不、屈。但、自、我、之、知、識。絕、不、發、  
 達。以、致、內、容、空、虛。德、帝、實、酷、



德皇檢閱保兵於尼薩皇太子及保王之隨

似麥氏所述之貴介公子。  
 德帝既養成傲慢之偏性。遂  
 發現驚倒世界之種種特性。  
 居恆喜多製各式禮服。常一  
 日之間。數易其服裝。時或一  
 日更換五六次之多。在宮中  
 召見臣下。亦常須更衣。帝又  
 喜攝己之影。或使人爲之畫  
 像。或描半身像。或作石版畫。  
 或鏤於金屬。或製成浮彫刻。  
 (彫刻之畫凸起者)每於攝  
 影或畫像時。故意扮作英雄  
 的態度。其有意作態時所攝  
 之肖像。與無意中用快鏡所  
 攝之肖像兩相比較。其態度  
 之不同。相去甚遠。同時觀之。

頗有趣味。德帝故意作態而攝之肖像。不止數千枚。且不僅以德國皇帝之態度攝成肖像已也。或跨駿馬。扮作羅馬皇帝之英雄氣概。或摩擬沙爾大帝。Charlemagne。德帝好自銜其多才多藝。嘗自爲美術家畫工。音樂家製曲家。建築工程師。美術批評家。及演說家等。以鳴得意。此卽自己銜耀之謂也。

德帝不甘受他人之批評。以爲人之於我。除畏敬而外。不當再有他念。曾有一平民向德帝發不敬之語。因而受罰。德帝大驚。以爲出於意外。當時取判詞重讀若干遍。語屢從之。士官曰。『以向未犯罪有身分有教育之男子。對於受天命者發不敬之語。可』



德皇威廉第二及其后

謂不可思議之甚者矣。』

一日。德帝披閱社會黨首領倍勃爾氏之演說稿。至非難德帝之語。勃然語其左右曰。『對朕發如此之語。如國家何。』此自我的情操。令彼酷愛勢力。令彼醉心於世界的勢力。且自信其強大之海陸軍。足以征服全世界。而有餘。彼曾思征服美國。當美西（西班牙）戰爭時。德帝曾曰。『若有稍強大之艦隊。不難抑制美國而征服之。』一八九七年六月十二日。德國海軍中將代德烈。率較美艦隊更強大之軍艦五艘。抵馬尼刺。Manila（斐列賓之首府）守土之官問以何故。則曰。奉德帝命令而來。後知



德帝欲連合歐洲諸國。幫助西班牙。以當美國。因英國不表同情。且曰。如必欲相強。當以海軍助美國。於是德帝之計劃。乃成畫餅矣。

此種偏僻而失權衡之自我的情操。與其他之情操共同活動。遂使德帝於一九一四年輕侮列強。自信確有足以完全屈服俄國及其聯合諸國之強大軍隊。許奧國屈服塞國。如能以威嚇了之。果屬美事。否則直搗俄京。亦未爲難達之目的。於是遂向俄國宣戰。其後對於法國比國英國。皆取同一之手段。德國欲組織強大之海軍。以屈英國。已二十年於茲矣。自謂完全勝利。可操左券。故敢輕啓釁端。與列強開戰。而無所憚。德帝之自我的情操。雖非決定對美國與對列強之態度之唯一原因。然其他種種之原因。莫不同具此性質。如德國具有全世界之勢力。爲全世界唯一之帝國。使德國文化及崇拜戰爭之思想。普及全世界。變列賓諸島及英法殖民地均變爲德國殖民地。擴張德國之版圖。南至愛

琴海。北至北海等。皆德帝生平之慾望也。此等慾望。皆胚胎於自我的情操。此自我的情操。與上述諸慾望。共同活動而成偉大之自我中心之複合體。此卽爲德帝神權妄想之原因。因慮此神權或將受損傷。乃生恐怖。心以至深。惡社會民主黨。盡力發揮其防禦本能。遂欲藉軍隊之力。以迫害之。剷除之。德帝本身固不覺其恐怖。且亦恥言恐怖。彼自身所感覺者。危險而已。惟自旁觀者觀之。則其心理中確有恐怖存在。吾人因研究德帝之心理。而得知德國國內有兩種政治勢力。互相頡頏。其一爲維持人道欲實現其所懷抱之理想。其一則欲竭全力以壓迫之也。排斥日耳曼主義。卽專制主義。與軍隊主義之吾人（美國人）於贊同反對之道。自當知所選擇矣。

# 大戰爭與男女之關係

瑞典謁令  
開氏原著

許家慶

歐洲戰爭之第一年。忽忽已過。當此之時。有美國中年  
洲女子無結婚之希望矣。吾儕少女將奈何乎。

婦人某氏。暫寓敵廬。

一日。某氏謂記者曰。

『此次戰爭中最受

急激意外之變化者。

其惟男女關係乎。今

日多數女子。欲求滿

足對於愛情與子女

之渴望。其困難較疇

昔為甚。此等多數之

女子。將如何另覓滿

足渴望之道乎。』



後經二三閱月。余家又來一美國女郎。此女郎曾向余

曰。『向者我以為歐洲結婚甚易。今遭遇大戰爭。則歐

之數之增加。戰後將較今日為尤甚。必無疑義。故戰後

定有多數女子。為違反道德的生活。而不產子女。終其

以上兩女子。因年齡不

同。而吐屬各異。然其內

容則一。其一為後輩擔

憂。其一為同輩擔憂耳。

大戰後婦女之前途。從

其自然之義務（即為

母之義務）一方面觀

之。確有暗澹之象。

任。不得不拋棄結婚思想

事之女子。今日已較多於

開戰以前。而此種女子

一生有多數女子。產私生兒。有多數女子。存愛國之義。生還故鄉之青年。其數日益減少。以愛國之義務而論。

務之觀念。與殘廢

之兵士結婚。此等

女子。將因不能充

足其正當之欲望。

不能多享幸福。而

大為失望。嫁徵兵

不及格之男子。為

妻者。多產不具之

子女。

正屆結婚期之少

女。而難以結婚者。

今後必更加多。今

日歐洲諸交戰國

無數青年。日日戰

死於沙場者。可不待言。

肉體上精神上。不負重傷而得。而言。其慘狀。恐較前途為更甚。尙未為人妻為人母之



法國果將軍發給勳章於陣亡兵士之遺族

今日女子之天職。

在多產子女。以償

國民之損失。今日

歐洲女界。多明此

理。而又難如其志

願。乃大憤慨。因彼

等皆知為謀自身

向上計。謀種族向

上計。皆不得不屬

望於優良之子孫

也。

交戰諸國之婦人

之前途。其暗澹已

達極點。即就現在

達極點。即就現在

少女直接或間接爲戰爭而死者。爲數之多。姑置不論。今日有多數女子。於戰爭恐怖之中。產生子女而卽夭折者。有子女被奪而無法索還者。有被敵奸污而產生子女者。有失其父及其子女者。有因戰爭而爲寡婦或喪其家者。

年來歐洲人士。籌擬各種方法。以冀救濟此異常之男女狀態者。頗不乏人。一部份之人士。亦常對之極端反對。茲不具論。

倫敦有提倡組織傷兵結婚協會者。其趣意在勸女子發犧牲自己心與愛國心。嫁與廢兵。俾得樂其餘生。產生子女。繼承乃父之勇氣。凡嫁廢兵之女子。須負贍養家屬之責。故須由公家給予工資。其數



目與男子等。又另給結婚費若干以資津貼。該會又附

### 英 國 義 務 服 役 之 女 子

設一委員會。以教士及醫生組織之名曰選擇委員會。俾男女兩方面各得適當之配偶。許男女自由互相選擇。大都不能運搬。凡案之男子。則與體力強健之女子結婚。失明而僅能辨美味之男子。則與擅長烹飪之女子結婚。務就男子之所缺者。藉女子之力以補足之。此協會今已有女會員數十萬人。雖然。活潑自由之女子。安能自甘爲此無視戀愛之悲慘之目的犧牲一身。而無怨乎。

兵以創造家庭之機會。使戰場之勇士造和樂之家庭。在倡議者。亦豫想戰爭之結果。必增多國內之青年寡

婦欲使此等青年寡婦與此等廢兵再婚耳。

有一極富於

思想之德人。

曾陳請政府。

設結婚部。使

經戰爭而幸

得不死之青

年歸國之後。

仍得如疇曩

之例。營社交

的生活。其日


的在獎勵早

婚繁殖種族。

當戰爭之初

期無人能豫測其繼續時期之短長與死傷人數之多

少。德國有提倡女權者著一論文發表於報章極論戰



務服地戰至其准求要臣大需軍向部需軍至隊排子女國英

後結婚之不難。以慰德國之女子。且引證昔日普法戰

英國婦女

之投率最多

入戰之事實

地服之事實

務會以爲定

者列例然今

隊過昔情勢

會場不同昔

即昔日之戰

女參爭之結

政黨果使德

之所國經濟

也狀況異

常良好。二三十歲之青年。皆有再造家庭之機會。故今

之提倡女權者。於開戰之初。豫言此次之戰爭。不過重

演與四十五年以前相同之現象。經二十閱月之苦戰。一夫多妻之思想蔓延日廣。

惡鬪後。至於今日。當早悟此種樂觀論之一無價值矣。交戰諸國賴最近二三十年間之繁榮以積蓄之資本。今正日日急速消失。無可挽留。交戰諸國將來之困苦。因今日之多戰一日而增進一步。戰死之青年。



英國女子在海軍船廠工作



英國婦女在海軍事務處辦公(造英兵被虜人數報告書)

在開戰以前。有德國律師早已提倡一夫多妻之說。該律師曾云。余意以為從種族衛生之立脚點主

張一夫多妻主義並不足為奇。據自戰場歸者言。德國之青年。現正以純潔之心情從愛國的眼光極力研究

此項問題。

向在英國牛津大學專攻社會學人類學之印度貴族

某氏公然發表曰。英國在開戰以前。

女子之人數。本多於男子一百二十

萬。今日因英國男子自二十歲至三

十歲者。日益減少。以致每四女之中。

必有一女。不得不以獨身終其生涯。

實則不獨英國爲然。卽其他諸國之

內狀。亦自然相同。自種族衛生之見

地以言。則許肉體精神道德俱健全

之男子娶二妻。亦未嘗不可。爲愛國

心而犧牲戀愛。亦屬萬不得已之舉。

女子與其守孤獨以終生。不如爲權

宜之計。爲人妻爲人母之爲得也。

從種族衛生之見地言之。一夫多妻

之結婚。與此廢兵結婚孰優。甚難斷言。然在今日。恐決一婚之女子。多不生子女。



無公然採用此種思想之國家。蓋一夫一婦制度。殆已成爲不容假借之公例。况多數獨身自活之婦人。必不

甘捨自由戀愛而爲屈辱的結婚乎。

真面目研究此等問題之諸國。今已

從學理上發見增加出產率之方法。

例如德國。制定法律。禁止有子之婦

人充當教習。向來軍人結婚。格於律

例。有種種困難。曾經離婚者。於再婚

之際。有種種繁重之手續。今乃一概

廢止。

今日德國最爲憂慮之問題。卽戰爭

中傳染病之增加蔓延。波及於女界

之危險。及戰線生活與其神經的衝

動。使豫備將來爲父之青年。釀成惡

劣之結果。故與歸自戰場之青年結

私生兒與私生兒之母之待遇問題。在最近二三十年間。無論何國國家。皆已從文學界、社會事業方面、及種

族衛生之見地詳加研究。向來從人道上社會上之理由主張保護此等母子者。皆被世人認為鼓吹惡德之舉動。距今十年之前。有德國婦人組織協會。專保護私生兒之母親。當時一般德國婦人曾起激烈之運動。拒絕其承認。每經一次戰爭。必變一次形勢。此次開戰之初。有多數已訂婚約而未屆吉期之男女。皆蒙政府之特許。即日結婚。然結婚後立即分離者。實居其大半。其中從此永訣者。亦復不少。此等青



英國女子扮演聖米西耳在街中迎賽

年之妻及青年之孀婦。如有子女。則猶殘留為母之幸福。人類之種族。乃今日之科學所認為最貴重之生產物。年少而愛戀最熱之夫婦所出之子女。最可寶貴。英國去年之結婚率。非常增加。而所謂戰爭結婚。實居其三分之二。

更有多數之兵士。因啓程匆促。不及舉行戰爭結婚。捨其未婚妻於故鄉而首途者。其後政府為保存種族起見。不問已婚未婚。概許於戰爭中輪流歸省。今日各國均有慈善會。收留貧苦之產婦。此等會所。對於入會之產婦。不問其已婚未婚。一樣待遇。收留孩兒之慈善會社。亦不因私生兒與非私生兒而有區別。德國

慈善會社。亦不因私生兒與非私生兒而有區別。德國



政府憂出產率之減少。故於此等措置格外細心注意。以冀得良好之結果。

近年以來。各交戰國喪失於戰場之人口。以千百萬計。

國內男子日少。於是生

產率之多寡。遂爲國家

最重大之問題。而關於

男女之道德觀念。則從

根本上完全顛覆。今日

社會萬事。皆當作國家

問題處辦。兵士之結婚。

特予以種種之便利者。

國家期望兵士於未死

之前留下種子也。法國

霞飛將軍。常於相當之

機會。許法國兵士告假回里四日。蓋即希望於二十年

後獲得良好之兵卒之收穫也。法國有人提出議案。對

於未婚者無子者須課稅金。而輕減既婚者及有子者之稅率。其他諸國。亦用同樣之手段。單爲繼續子孫而毫無戀愛關係之結婚。向來認爲罪



英國女子扮演貞德從軍故事在街中道迎賽

惡者。自今以後。反視爲國民之義務。未結婚而生子。及違反一夫一婦制之行爲。自今以後。益將公然行之。無所忌憚。二十閱月之戰爭。其事實上加打擊於所謂神聖結婚之基礎。較諸所謂鼓吹惡德者合衆力以企得者更爲重大。此種新發生之男女關係之形式。不能全得公式之許可。固無俟言。然或將因社會之習慣而被承認。未可知也。且因社會之習慣而被承認者。較國家之承認尤有

勢力焉。

德國私生兒母親保護協會。去年舉行十週年紀念祝典時。黑連那絲德佳女士演說。證明十年以前視為穢語之「母親保護」一語。在今日已成流行語矣。母親保護協會。與德國之人口增加協會。同以種族之保護與繁殖為目的。去年十月。兩會會員會於一堂。所討論最主要之問題。即如何減少小兒死亡率。及如何推廣母親保護事業。至母親產褥中及病臥中之津貼費。及嬰兒養育費等。則決議求國家之補助。余向主張母親可視作國家之僕。今日此主張。已為德國所採用。且不問母親之曾經結婚與否。

墮胎問題。自開戰以來。又成為輿論界之資料。對於東

普魯士為俄兵所姦污之婦人。應否停止禁止墮胎律之適用。議論紛紜。莫衷一是。此等地方。有大多數婦女。忍非常之痛苦。生敵人之子女。在法國有主張墮胎者。其持極端之論者。嘗云。為維持種族之純潔起見。宜殺戮此等嬰兒。但多數人士。以為從基督教道德之理想觀之。吾輩人類。不可有此離道太遠之行。為。在理論上。固當承認此議論。然以此次之大戰所曝露之事實言之。大可不必拘拘於是說。蓋自有此次之大戰。而知歐洲之宗教。早已無所謂基督教。而代之以國家主義矣。凡利於國家者。無論何種舉動。概得名之為正義。此即以勢力充分表示之定義也。



# 越儒研究科學之一斑

泳之  
自越南  
來稿

阮先生瓚。字黃中。越南北圻河東人。早悟。富於思力。深漢文。藝戰三北。乃廢舉業。轉而講求新學。得中國格致書籍數種。下帷十年。潛心研究。豁然有得。凡所試驗實行。一本書籍所指示。然其能發原理之精微。明物質之効力。則皆匠心孤詣之所爲也。設科授徒。弟子日衆。及先生之門者。多爲俊才。類能以所得於師者。出而經營實業。現時越南人士。爭舍其舊而新是謀。則先生鼓舞唱導之力。居多焉。今年七十矣。每與客談化學之理。猶指畫引喻。條縷明晰。亶亶忘倦。常有西學高等生與之問難。亦不能屈。噫。進乎技矣。謂非我越南舊學界之變相乎。新學界破天荒之人物乎。以淹博授翰林銜。其謝箋有云。悅北方之學者。莫先陳相。求國中之賢者。當始高隗。其自道如此。非飾詞也。有文稿。中有法國行政官昌翁命題二則。今錄其一。

問

化學一道。其事其義。可得聞歟。原行雜質。各有攸分。百家衆技。均資實用。可略舉其凡歟。南邦人士。精習乎此。果有益否。

答

竊謂化學之興。肇自泰西。化學之功。在乎博物。發造化生成之秘。濟民生日用之常。爲學者可以補格致之章。有國者可以底富強之業。其功用亦大矣哉。上古蓋亦有之。徒爲燒煉。中國頗有好者。未獲師資。近年各國教士。丁建良嘉約翰畢利干諸先生。初入中土。所譯有格物入門化學初階指南化學闡原諸書。已稱賅備。但材料繙爲漢字。各有異同。文章出自牧師。不尙修飾。是以文人學士。讀輒生厭。觀於海而難爲水。入寶山而空手回。不大可慨也哉。光緒年間。英

國格致教師。傅蘭雅先生。博通華字。中國徐趙許李諸公。又精英文。奉憲立上海格致書室。益智書會。編譯書局。所譯化學書。有鑑原分原補編續編考質求數等書。名義詳明。文詞簡潔。讀之者。不忍釋手。學之者。不至望洋。惜書值頗貴。道路修阻。是以未能多到南國也。士幸購得數部。奉為奇珍。悅之十年。幾忘寒暑。茲承問及。敢略陳之。夫化學乃格致家之一術。地球物質為其體。日輪光熱為其用。物質本具有受攝之性。光熱以成其變化之能。於是乎有化學造物之功。妙在化合。格物之功。妙在化分。分之至不能再分。乃為原質。近已考得原質六十有五。其中氣質五。流質二。餘皆為定質。乃察其性情而分列之。為非金類十四。養輕淡綠弗溴碘硫硒碲磷砒矽炭是也。餘皆為金類。則有鐵金類六。鐵土金四。土金類十。賤金十二。貴金類九是也。又考得雙原質之似乎綠氣者。為炭淡。即生物之真。似乎鉀鈉者為淡輕。即能飛之。

。近今新法。又列輕為金類。以其有正電氣之性。常為本質也。列鉀為非金類。以其有負電氣之性。常為配質也。金類與非金類。交互化合。遂成雜質。雜質生植物。植物養動物。動植二物。相為循環。於是乎有生物化學。故化學家分為兩大類。化成類。死物之謂也。生長類。生物之謂也。門類甚繁。能近取譬。較為明晰。譬如西字二十六。其中五個眼字為金類。餘皆非金類。以字合韻。是為本質。以字切韻。是為配質。字字交互。是為雜質。字義專指。乃化成類。字義泛指。乃生長類。字學分合無窮。化學分合亦無窮也。學者精心攷究。洞悉造化無窮之蘊。用法製造。盡探造化自然之妙。然後知分合有定劑。結珠有定形。人效為之。亦復如是。故合汞硫以成硃。而色變。分輕養於清水。而形變。淡輕合而氣臭。鉛醋并而味甘。認金剛之為炭。分鉀養而得金。化力大而發熱發光。更為奇怪。愛力顯而為正。為負。遂判陰陽。夫然後配合材料。而醫藥可

以起沉疴。升蒸煤油。而神奇得之於臭腐。銀鹽經光而變黑。用以傳神。汞醇遇熱而漲長。用爲測候。鈣燐補田地之薄瘠。播植者利之。棉藥礫山石之陡峻。工程家便之。至於飲食居宅。皆有衛生之道。開礦冶金。各有便當之方。化學之有益於天下。爲何如哉。南國

安南人之風俗



地廣民稠。山澤之利。未盡墾也。樹藝之功。未盡善也。人狃舊習。學尙浮文。疾苦相尋。見聞未博。今若先講化學之書。使家喻而戶曉。廣傳化學之事。使農服而工循。將見民有餘力。國有餘財。可以自強於南服。天不愛道。地不愛寶。尙能媲美於歐洲矣。

# 德國之實狀

許家慶

本篇見倫敦泰晤士報。著者在開戰前。久居德國。而平日所處地位。最便視察該國民情。現僑居瑞士。其所述多屬實情。與懸擬之詞迥異。

使余之經驗而非全然誤謬。則自開戰以來。至於今日。一般德國人關於戰爭之意見。確乎未曾稍變。即使略有變化。決無失望落膽。或意氣沮喪之徵象。德國人中間。或有可認爲失卻初開戰時之意氣者。亦不過存『今乃可以講和之好時機也』之見解耳。然彼等之所謂講和




德國聯合國司令部所居平房之內部

之好時機。指依德國所提出之條件講和而言。其條件所載。舉足表示與德國之勝利相當之報酬。若輩非但信德國之戰勝。且確信斷無敗戰之事。開戰之時。德國首相荷兒惠克在帝國議會演說。德軍侵入比利時事。德國人不承認首相此演說。爲自認德國犯一罪惡。德相所謂『必要之前。無法律』一語。德國自謂爲正當防衛。至今猶深信不疑。若輩心理。以爲既處四面楚歌之中。惟有竭盡種種手段。以圖滅敵。而鞏固存在之權利。以伸本國之權威耳。當開戰之初。


德國人之感想。以爲是役必不久延。而以德國勝利告終。德人之信用軍隊及將校。可謂無限。國內之日報及雜誌。無不記

載頌揚軍人之言論。嘗見某報登一滑稽畫。俾斯麥之亡靈。出現於法京巴黎之空際。作攫取巴黎之狀。蓋暗示一八七〇年之普法戰爭。將再見於今日。在



(碼十五及不線火礮軍法距成造料木用全)壕深之軍德

之感想。故於麥痕之役。德軍不得已而退卻之事實。在若輩並不視爲重大關係。惟戰爭可以早了之思想。則



圖花型模之建所士兵中壕戰軍德


從此拋棄。確已變爲持久戰之思想。據若輩傳說。麥痕之退卻。不過因欲佔領某地點而故意暫時前進。至麥痕。追目的既達。遂將麥痕

巴黎爲城下之盟而講和也。德人之心目中。常有如此拋棄。至所占領之某地點。係於十五年以前。德國參謀

本部所注意選擇者。『德國爲鞏固存在之權利而戰』之信念。因歷時之久。愈使德國國民受極深之印象。德政府務使『德軍雖執攻勢。然是不過作戰上之形式。其實德國處於防禦地位』之思想。深入國民之腦裏。此種觀念。今已盤踞於德國國民之腦裏。絕對不能拔除也。

德國人胸中『斷無敗戰』之信念。在德軍未曾實際戰敗以前。不能打破。故非將德軍全然擊退。則除全依德國提出之條件外。決無議和之希望。德人對於

無論如何之艱苦。概有忍耐之決心與勇氣。此種決心最鞏固者。爲巴威略邦。巴威略軍決不爲敵所敗之信



德軍塹壕中司令部之餐室

念至深。故縱令普魯士軍敗北。然巴威略軍而未敗北。仍不足置重也。

柏林政府究用何種巧妙之方法。指導國民之感情。使一致擁護自己之政策。恐非聯合軍一方面意想之所及。柏林政府專利用官報。今日稱讚波美拉尼軍之勇敢。明日讚歎巴朗丁堡軍之剛勇。後日稱道薩克遜軍。再後日稱道巴威略軍。如此周而復始。循環不已。並依最有規律之組織。對於各方面。實行指導之方法。使國民更無添加自己意見之餘地。此實聯合軍方面大可注意之點也。

余謂必向德軍加痛烈之打擊。且杜絕其與東方之聯絡。而後始能從根本上顛覆德意志人之確信。使德國



永遠如今日之情狀。主要食物及他項物品之供給不絕。恐無德人自屈而向聯合軍求和之事。若德軍敗績。或與東方之聯絡斷絕。或兩者同時並至。則忍耐性豐富之德國國民之抵抗力。當然呈土崩瓦解之象矣。

德國經濟界之狀態如何。英國雖能精確了解。但於德國國民因現在政府所定之方針。感如何之不便。受如何之困難。波及如何之影響於德國輿論界。則英國不甚明悉。且有視之過於重大之傾向。余深信德國國民對於無論如何之境遇。皆能以非常之決心。非常之勇氣。順應之。對於橫梗彼等前途之種種難關。皆能突圍而出。種種困難。皆能忍耐。是為德人所特有之精神。德國國民皆信本年冬期仍繼續戰爭。苟以此次戰爭何時可了。詢問德人。彼等無不答



德太子參與謀官商會進軍方略

曰。『本年冬期恐尙不能了。』德國全國人民之思想。皆認今日之困難為短時間之事。抱一勞永逸之觀念。故無論困難至於如何極度。無不可以忍耐。彼等確信。自開戰至今。德國已屢占勝利。自今以往。再博勝利。以

德國最後之勝利。結平和之局。則彼等歷來所忍耐之種種困難。亦同時消滅矣。

糧食之缺少。為德人現在所受諸種困難中之一種。德人對於此事。現在頗抱樂觀。以為五穀收穫。困難自去。余曾周遊德國各地。視察耕種情形。覺其景象之良好。悉如

德政府所發表。德民於德國政府關於糧食之供給之方針。攻擊最力者。因政府不僅盡力制限其消費。且欲從而監督之管理之也。去年十月。德國突然缺乏糧食。為世人所咸知。當時收穫方畢。國民豫期可稍寬裕。而

實際則收成減色。致有此現象。本年秋季。德國收穫。有須蒐集統計。德國政府於七月著手於小麥統計之蒐

豐富之望。則

德國政府。將

寬其稍費之

制限。以慰國

民。固不待言。

即使收穫實

際減色。亦將

設法安慰國

民。略寬其制

限也。

德國政府日

謀發見前途

之光明。豫期

耕種物之收成。能有正確之測定。與未來之實際相符

合。特向地主發詳細之訓令。本年自六月一日以後。即



伏斯 巨斯 德軍 所建 司令 部之 內部 壁上 懸掛 德皇 及德 國皇 太子 之肖 像



德軍 手於馬鈴 薯及甜菜 之統計之 蒐集。以備 中製造耕作 物全部之 詳細統計 表。德國自 開戰以來。 田野間停 種不關要 需之物而

改種食用植物者。比比皆是。而尤以種馬鈴薯之地為

最遼闊。

德意志國民之生活。今陷於非常困難之境域。麵包等食物。政府所限定每人每日之食量極少。彼等何以能支持其生命。非吾人所得而想像。住居都市之人民。較居於鄉間者更苦。居於鄉間者。食物之不足。雖與都市同。然得依種種之方法補充之。目下德人之用馬鈴薯。較平日大為增加。近且得有意外之賜物。德人大為喜悅。即捕獲鯡魚之量大增也。德人皆不知此魚從何而來。或謂大致來自北海云。

游德之時。最惹人注意者。

各工廠中雇用女子及兒童為工人之數增加是也。全用女工之工廠。殆占過半數。德國自從開戰以來。未嘗



實行停止兌現。Mortatorium 德人常以此自誇。然實際德國民間業已停止付帳。農夫對於地主不付租金。租戶對於房東不付房租。借款不付利息。有五六間房屋出租之房東。今陷於非常之窮境。德人之生活狀態。無論在都會在鄉村。一律呈現陰鬱氣象。咖啡店及啤酒酒店中。罕有座客。德國人民於德軍所受之損害皆以為甚輕。因政府不發表各戰線德軍損害之總數。且於所有各兵士之死傷數目。亦概秘而不


宣故也。

聯合諸國。僉謂德軍攻凡爾日。雖經長期之時間。犧牲

德兵築深於東普魯士恩奇拉潑河之沿岸而伏居無事時高歌唱國

德兵築深於東普魯士恩奇拉潑河之沿岸而伏居無事時高歌唱國

巨大之生命財產而進步極緩。未能實現所希望之效。報因德國報紙不載此事。德國政府公報。僅言俄軍之果此種事實。足使德國國民醒悟。知難而退。依余之經驗觀之。聯合諸國。此種思想。實屬誤謬之極。德人之觀念。以為凡爾且之戰。本非易事。欲一舉而取之。斷無其事。除按步就班徐進而外。無他法也。德人堅信進行雖緩。而該要塞歸德軍掌中之日。則日近。固無日不引領而望捷音之至也。德國國民聞英國實行強迫徵兵制度。而憤恨英國之不承認德國所已得之勝利。且堅信勝利之鍵在德軍之手。斷不至因英國實行強迫徵兵制度而為其所奪也。




(處營本大設皇德)市斯綿之畔河因萊國德

進擊為德軍所阻止也。聯合諸國於德國國民之心理狀態。尚未十分了解者。不一而足。如德人汎德主義之抱負。即其一也。近十年或十五年以來。歐洲報界屢次對於德國汎德主義之抱負。發揮議論。謂德國將掌握從漢堡達波斯灣之路權。然他國人未有真能了解如此之思想。浸透德國國民之心裏。深至如何程度者。德人之熟悉德國對外關係者。及顧慮德國之前途者。其所抱之思想。皆以為關於近東問題。即使不得

余離德時。俄軍已取攻勢。惟德國國民不知俄軍之捷

已而訴諸武力。亦須依有利於德國之條件解決之。德國欲關一陸路一水路。以便直達東方。即為德國真正

之抱負。德國全國人民皆主張之。奧塞之起葛藤。不過利用機會耳。使保加利亞參加奧德聯軍。亦出於同一之目的。至英國開始實行對德封鎖時。而德國開通直達君士坦丁堡及巴達之通路之舉。在德國愈覺其緊要。蓋德國急欲征服巴爾幹諸國。以扼歐亞之海峽。而以土領小亞細亞為德國之倉庫。從此方面獲得棉花羊毛金屬火油等原料。近時德國與土耳其所訂通商條約中。有一條云。向自意大利輸入德國之果品。以後概由土耳其輸入德國。使土耳其於德國境內獲得果品之銷




13:00 0

路。

德國國民心理。皆以為現已滅塞爾維亞。由保加利亞直達君士坦丁堡。德國國民之大抱負之一端。業已實現。由德國通東方之道路。已可保安全。如敵人承認戰敗。則德國實為從盜凡爾達波斯灣之一大關稅同盟之盟主。世界無論何國之封鎖政策。舉不足以使我等受饑餓之困苦。現在自盜凡爾至君士坦丁堡之間之特別快車。每星期開行二次。德人咸深信此為永久之狀態。德人以為既已獲得直達東方之道路。則於博斯破路斯扼俄

國之咽喉。易如反掌。現正規劃開鑿一運河。藉以使盜凡爾、漢堡、不來梅及沿德國大河之重要諸埠互相聯絡。且從多惱河直達黑海。使一千噸之船舶得以自由航行。此運河開鑿問題。曩為巴威略之問題。今則成爲德意志國家之問題矣。巴威略於二十四年前。組織運河開鑿期成同盟會。極力從事於鼓吹。近復特開大會。巴威略王亦到會與議。王在會場演說。有『開鑿此運河。則巴威略與德意志同盟之關係愈形親密』之語。後於德勒斯登、柏林、繆尼幾等處。亦開同目的之集會。



德國運兵前往戰場

德國輿論界。今極注意於多惱河問題。德人之目的。欲將多惱河上流至河口之兩岸。皆置於德意志治權之下。即經過奧匈。並支配塞保兩國境內之河流。欲實行此項政策。必須引羅馬尼亞爲與國。故有主張宜使羅馬尼亞得多惱河下流之俄國領土。而引爲與國者。至運動羅馬尼亞之法。先則派人游說。苟不允從。則藉武力以達目的。此目的而能達到。則內地水運與陸上鐵道兩者相待。而德國與東方之聯絡。更達於完全之域矣。（譯八月七日日本時事新報）

# 法國海軍近來之增加

某西人  
稿

法國海軍自軍興以來。雖與德國海軍有時搏戰於驚濤駭浪之中。然至今並未損失大裝甲戰艦。惟寶衛號(普威 Bonvet)一隻於進攻達達尼爾海峽時。碰撞水雷沉沒耳。但該戰艦爲數十年前舊物。本來無甚價值。則其消滅於海底。究屬無關緊要也。又穠巴號(Jean-Bart)一隻。在加大勞(Ouessant)海面。陡遇魚雷艇。被其擊傷。當時該艦善於趨避。逃出戰線。陸續將其損傷之處。修理鞏固。今此艦已完全恢復原狀矣。

法國大戰艦。二年間之損失。不過如上所述。沉沒一隻。損傷一隻而已。至其海軍大戰艦之擴充。則有一日千里之勢。現已造成無畏裝甲艦五隻。行下水禮。卽行放洋。加入海軍提督麾下。與其軍艦一律服戰鬪之職務矣。其中法蘭西巴黎二隻。係穠巴(Jean-Bart)古爾伯(Courbet)式之艦。載有十寸口徑之大砲十二尊。分設

於四中塔樓。二旁塔樓之內。五寸口徑之砲二十二尊。分設於艦中適宜之處。載重二萬三千五百四十噸。此二艦性質能力。與(Jean-Bart)(Courbet)相侔。其他新造之艦伯大尼號(Bretagne)羅連號(Lorraine)包衛納號(Provence)三隻。噸數速率。與前艦同。而其所置之砲。較前更巨。均係十二寸口徑者。分配於五中銅塔之內。觀此足證其威力比前艦甚大也。

此等最大之新式裝甲艦。若加以都韜爾(Danton)式六戰鬪艦。魏利德(Verte)式五戰鬪艦。則成一極強大威猛之水師矣。該艦隊多在中海往來巡邏。蓋因先時聞悉奧國海軍將離其包拉(Pola)根據地。馳往達達尼爾海峽。以圖突入黑海。而與俄海軍搏戰。職是之故。所以英法海軍提督布置一切。防守達達尼爾海峽。緊要孔道。奧海軍聞有英法海軍截攔。迄今未敢出海。

現尙埋頭於其色拉港中耳。

法國從前之海軍。既悉數無恙。新式戰艦。又逐日增加。且軍裝無不畢集。軍火無不充足。軍士無不精練。軍術無不詳明。以此制敵。何敵不克。倘敵軍不自量力。一旦出海。則其結果必遭挫敗。可無疑也。

記者書至此。忽憶及德海軍之損失。本年六月一日。英德兩國海軍。戰於北海。翻波倒浪。衝突極烈。德軍大敗。遁回其所根據之港。彼時德政府檢閱報紙。甚嚴。對於戰中所受損失。不許洩漏於外。惟現已漸漸喧傳於世。今特爲布露。以餉閱者。

### 陣中沉沒之德艦

大戰關艦二隻

無畏式最強巡洋艦二隻

新造巡邏艦二隻


巡邏快艦一隻

驅逐艦至少亦及九隻潛水艇一隻

其外德之各種軍艦。受有輕重之傷者。更居多數。所以德海軍全體。如負重病。已有不能掙扎之勢。自非休養大多時期。萬難復原。以出海與人迎戰也。蓋其沉沒之艦噸數。已達十一萬之巨。以全部計之。損去百分之十矣。再將受傷之艦。包括在內。則其海軍損失之總數。必至全部百分之四十三。受此重創。求其補足。不其難耶。







# 笑之研究

譯日本「東洋哲學」雜誌 (續)

章錫琛



## 四 笑之心理及其分類

分類之立脚點——滑稽笑——滑稽之意義——滑稽笑之心理——憤怒笑——憤怒之意義——憤怒笑之心理——虛飾笑——虛飾之意義——虛飾笑之心理——喜悅笑——喜悅之意義——喜悅笑之心理——悲哀笑——悲哀之意義——悲哀笑之心理——生理的笑——生理的笑之意義——生理的笑之心理——病的笑——病的笑之意義——病的笑之心理

欲述笑之心理。先將類目區分。一一加以說明。較爲便利。笑之分類。依表出之形式。事所難能。不若從其原因

而分之爲適當也。今依此法分類如左。

- (一) 滑稽笑
- (二) 憤怒笑
- (三) 虛飾笑
- (四) 喜悅笑
- (五) 悲哀笑
- (六) 生理的笑
- (七) 病的笑

以上自(一)至(五)皆隨情緒之質而發之笑。(六)稱爲生理的笑。尙嫌未允。不若謂之機械的笑。或因外部刺戟之笑。較爲適當。蓋此笑爲身體的。非如他六種之由於內的原因也。(七)常見於患精神病者。亦可稱爲斯里的 Hysteria 的笑。今就此七種依次述其心理

如後。

滑稽笑。欲言滑稽之笑。不可不先解釋滑稽之為物。滑稽 Komik 之解釋。有兩學派。亞里斯多德、賓斯、霍布斯、裴因等之貶詛說。謂依事物之無價值及卑鄙而生滑稽之美感。然賓斯、赫爾、康德等之所謂不相應說。以事物之不相適合為滑稽之原因。而調和此兩說之斯賓塞、立浦斯、福伊等。則謂兩原則互相為補。今解剖滑稽之要素而考之。蓋滑稽之美感。乃成立於主觀在注意張弛之時間的經過之上。以其緊張淺而輕。弛緩之相繼甚速。多為直接經驗而意識不及。康德因此遂謂滑稽乃成立於緊張突然消滅之處。惟滑稽之美感。起於對微小之對象時。即有覺自己優勝之快感。混於其間。霍布斯觀於此點。遂謂一意識及自己優勝之時。斯覺滑稽。又滑稽的感情。實含使吾人自覺優勝者之破壞的驕慢的感情。與置吾人於與他同一立脚點之寬容哀憐。即含詼諧 Humor 也。郝富定謂詼諧者乃

基於同情之滑稽的感情。要之滑稽者。注意之張弛。更多於情緒之張弛。即知的較多於情的也。

次言滑稽笑。滑稽笑之中。所含滑稽要素之一部或全部。茲姑勿論。其最重要者。為勝利之笑。即表勢力及自由之愛情之笑。又為同情之笑。即詼諧之笑。其表勢力及自由之愛情者。一部分以嘲笑表之。然嘲笑於憤怒笑亦有關係。故跨於兩類之間。此種之笑。大抵起於在艱難之競爭而得勝利時。及見加害於其生命之事物無能力無危險時。此在個人如是。而軍隊尤甚。如伏敵時所發之嘲笑。不僅救護及赦免之感情。蓋因視為極有勢力之敵人之心象突然變為失勢之敵人之心象。霍布斯謂笑者乃突然卓越之感。即突然之光榮。意即指此。但嘲笑亦非必表實際之卓越。雖知己之無能而決意讓人時。亦發嘲笑。

同情之笑即詼諧。以同情為其根底。如笑小兒之天真及笑恐怖及孤獨。皆其例也。斯時笑者與被笑者。因以

同情相連接。二感情即對象覺可嘲笑。與一方認其價值。皆暫時適用。而滑稽之感情失其尖刺。要之滑稽笑者。乃緣其先認爲偉大。後竟突然出於豫料之外。而爲劣小之現象。於時以感情及認識爲因。依張弛之急速。繼續而發洩於笑。是其理也。

憤怒笑 分析憤怒 *Zeuthen* 之心理。略含四要素。

(一) 爲求活動快感之傾向。依憤怒而起之感情。覺非常緊張。此緊張之勢力。洩於諸方向。在普通爲復讐。此後或暫時爲意志所抑制。因後日記憶之再現。感情再來緊張。或竟以忘却。不復再現。

(二) 生覺的快樂。見妨害自己自由者之苦痛煩悶。起一種覺的快樂。其程度則以前屢次經驗者較有密接之關係者更甚。

(三) 權勢自覺之快感。攻擊仇敵加以苦痛。而覺自己之優勝時。生權勢快感。

(四) 安堵之情。仇敵不能再加害於自己時。乃生安堵

之情。霍布斯所謂勝利之快感。即自覺權勢之快感與安堵之情結合者也。

憤怒之笑。起於發激怒及緩和之怒之際。某學者以爲憤怒笑非憤怒之時之笑。乃憤怒之情移轉於快感以後之笑。然吾人依下舉(一)(二)兩例。知其說之未足據。蓋依憤怒時之心理狀態。固往往有笑之發生也。更述如次。

(一) 以自己之憤怒示仇敵或他人時之笑。此笑含虛飾的要素與輕侮的要素。前者所以示自己度量之大。與夫雍容舒徐之態。後者所以誇自己勢力之強大。見汝曹之侵害。事同滑稽。不足比數。

(二) 真發自輕侮之笑。達爾文謂笑之起於含怒之輕侮者。一方表示其怒。一方表示其輕侮之念。即指此而言。

(三) 憤怒中不覺因滑稽而失笑。其中因憤怒時。仇敵之言語及態度。往往滑稽。或自覺對於仇敵之言語及

態度爲滑稽。因而失笑。但此不得爲純粹之憤怒笑。蓋由憤怒之情移轉於滑稽之快感。實可稱爲滑稽笑。特發於憤怒之經過中。不能截然分之爲兩耳。

虛飾笑 此所謂虛飾笑者。指以利用與虛飾之目的。強爲笑容。以掩蔽其隱衷。其中分爲左之種種。

(一)起於隱蔽自己不快之感情者。如憤怒笑之(一)。於此部亦有關係。又競爭失敗時。掩飾不快之虛飾笑。亦包含於此中。

(二)因求寵取容。或裝作嬌媚之態之笑。即媚笑。ziert Lachen 是也。

(三)悲哀或憂悶時。對於訪問賓朋掩蔽不快之表出之笑。

喜悅笑 依喜悅而生之笑。即達爾文所謂標本的笑。笑之大半。發於喜悅與滑稽。其最著者也。夫所謂喜悅 Freude 者。言愉快之情緒。起自對於自己或他人利益之意識。而悲哀之反對也。郝富定謂吾人所受快樂之

感情。與惹起其快樂之原因之觀念相聯合時。生喜悅及愛情。斯時吾人生無識之衝動。欲將惹起快樂之原因。永久保持及保護之。喜悅即爲此無意識的衝動之受動的沈思的側面。而其活動的側面。則爲愛情。喜悅之情。由其人之生理的狀態。延擴而有密接關係於有機感覺。且因人之年齡。與各時期亦有關係。

喜悅之情之表出。概爲擴張的。其及於血管與肌肉系統之影響。亦極活潑。常起拍手雀躍等於實際不甚有益之舉動。此情運於極度。則如悲哀之時。刺戟淚腺流涕而起肌肉之痲痺。其事與悲哀之情。達於極度時之笑。正屬相等。要之喜悅笑者。其動機原因。存於喜悅之情。其笑之發於顏面之度。因情緒刺戟之程度而異。是故有微笑。有較微笑稍起顏面筋收縮之笑。有哄笑。達於極度。則反覺苦痛。如壓迫腹部之痠痛的痛楚。此其異也。

悲哀笑 悲哀 Kummer, Weh 者。對於他人及自己

損失或不幸之情緒。不僅關於物質的苦痛之感覺。並隨觀念、記憶、想象等而起。黎波氏分悲哀為三階段。

(一)因物質的苦痛之記憶者。即因前受物質的苦痛經驗之再現。而悲將來之苦痛也。

(二)起自複雜之再生表象時。即因反省、推理、想像等。而對於不幸之消息、疾病零落之悲哀也。如學生入學試驗失敗之悲哀。其中有再起之希望。故可視為積極的形式。然如親友死亡之悲哀。全然活動中止。可謂消極的形式。

(三)因於純粹概念之悲哀。如哲學家之苦於懷疑。科學家對於研究不成功之失望。所生悲哀。皆主觀的悲哀。其對象觀念。較為模糊。此種悲哀。頗有文學性質。如傷春悲秋。皆入此類。

因悲哀而笑。其例見於薩利氏所著 "An essays on laughter"。中達爾文、斯文奇等曾報告中國人當深沈之悲哀時。輒發翁斯的里的笑。斯賓塞亦以急激之

苦痛苦腦為笑之原因之一。然因悲哀而發之笑。學者

以為此實非笑。乃為類似於笑之表情。如狄雅瀾謂常人以身體及精神受苦痛時。表出於顏面之似笑者。為笑。觀察不免粗漏。此種表出。實因非常強烈反射之感情。在腦皮質起擴張之放散。遂生此類似之笑。薩利氏亦說明聞訃報之笑。因大腦生異常緊張之感動。故而駁之者。則謂表出之作用。不係於感情之質之差異。而歸於表現形式之同一。如笑達於極度而泣時。其起運動而分泌淚液。泣笑殆不可辨。故吾人亦贊成斯賓塞及他諸人之說。以悲哀為笑之原因。

生理的笑。茲所稱為生理的笑者。係指由於生理上之原因者。即因肉體的及器械的原因而笑也。其中含起自感官刺戟之笑。與嬰兒衝動的本能的之笑。

(一)起自感官刺戟之笑。即癢笑也。黑格兒曾為關於此笑之說明。謂癢笑之起。乃因身體上起血管運動神經及交感神經之興奮。瞳孔之開張。眼之光輝及脈管

之收縮等諸現象。其感覺之必要條件。在其刺戟之間歇的。呼氣應於接觸之時。吸氣應於其妨止之時。當呼氣時橫隔膜向上。吸氣時則橫隔膜下降。要之癢笑乃皮膚之間歇刺戟。與間歇的興奮於血管運動及呼吸。而更迭快感與不快感。其於生活之機能。在於補腦中血壓之減少。文德之說亦略同此。

其他起自生理上之笑。尚有因酷寒而起之笑。橫隔膜蒙傷者之笑。及路德維加懷輔斯所謂絕食過久後食物入口時之笑。至於因藥品之笑。雖於生理有關。然當屬於病的者笑也。

(二) 嬰兒之衝動的本能的之笑。據浦拉醫兒言。嬰兒之笑。僅在滿足之氣分時。此氣分足以誘起嬉笑及微笑。嬰兒實際之微笑。起於生後第四星期。此時眼已有光。成滿足之容姿。輾然而發微笑。其笑雖亦可入於喜悅笑。然細加考察。嬰兒初期所發之笑。與成人之喜悅笑。起自喜悅之情緒者。稍異其趣。蓋來自本能的衝動

的之刺戟。不過因一般感情上生理的勢力過剩之滿足。表出。非發自複雜發達之喜悅。其原因與成人不同。故當入此部。

病的笑。此笑亦可謂原因於生理的。然實根於精神病理上。故不得不特為分類。精神病者。因意志之抑制。力與感情之調和。大受阻礙。遂發違反肉體的感情之笑。若用亞爾箇保兒。尼科丁等類藥品。亦生相同之阻礙。茲略舉精神病中關於笑之症狀。如躁狂。Euphorie。係精神病中感情生活之錯亂。其始翁斯的里之感情狀態。有轉動特質之現出。其次則感情狀態。於身體上生隨伴的現象。而強烈特甚。躁狂之重者。雖接家人之詰問。遇自己之腹痛。亦發大笑。又患麻痺病者。常呈一種多幸病。Euphorie。狀若得極大之幸福。時發歡笑。而早發性癡呆。Dementia Praecox 之經過中。亦類類發笑。然此等之笑。實未嘗有快樂之感念。亦無迫之發笑之事物。故通常稱為空笑。Leeres Lachen 以其無上述

之動機(即以感情爲主者)特因精神病而致神經之調節力變調。是以假定爲純粹發於身體之笑。欲證明此說。可徵之於強迫嗤笑。Zwangs Lachen 強迫嗤笑者。違反自己意志。無爽快之感。被強迫而表嗤笑之容貌。甚且頻發痙攣的之笑。因而呈出可分爲筋萎縮性側索硬化(進行性球麻痺)與多發性硬化之現象。中亞爾箇保兒毒之笑。因亞爾箇保兒能使神經麻痺之故。而尼科丁中毒者理亦相同。凡所謂病的笑。即翁斯的里的笑是也。

### 五 笑之生理

情緒表出之種類——情緒及於身體之影響——起笑情緒之

二典型——不快感與生理——快感與生理——憤怒與生理——

悲哀與生理——喜悅與生理——笑與血行及呼吸——笑與發

聲器官——笑與落淚

凡情緒之表出。大別之爲三。(一)在脈膊及呼吸之變化。(二)顏面表出。(三)其他全身之態度及手足之

動作是也。今論笑之生理。不能僅在顏面表出。必兼及此三種。且既言起笑情緒特有之表出。尤不可不論笑之典型喜悅笑之生理及笑時動作之反射的及於身體之變化。爲感情所規定之心狀。常有擴布於全身之傾向。其結果忽由腦傳播於心臟。劇烈之情緒。如恐怖、憤怒、悲哀、喜悅等。皆可爲致死之原因。此等各情緒之結果一致起於其際者。是爲驚愕。若刺戟不甚劇烈。則心臟暫時之後。爲迅速之鼓動。而送多量之血液於腦。因之腦感自己運動之反動。心臟既爲情緒而起強烈之鼓動。血管即急就收縮而妨礙血液之注流。或脈管筋肉擴張而增多血液之注流。其他情緒。更不僅心臟而已。且影響於內部器官。淚腺、腸、肝臟、呼吸器等。均起變化。又使運動中樞之刺戟性益強。或禁止而惹起強直麻痺等。據蘭咳氏所論七情緒及於身體之影響如次。

有意衝動之減少……………失穩

有意衝動之減少

+ 血管之收縮..... 悲哀

+ 血管之收縮 + 不隨意筋之痙攣..... 驚愕

+ 運動之擾亂..... 狼狽

+ 不隨意筋之拘攣..... 緊張

有意衝動之興進

+ 血管之膨脹..... 喜悅

+ 血管之膨脹 + 運動之擾亂..... 憤怒

據蘭該氏云。血管神經興奮之大小。皆惹起他筋肉活動之原因也。

情緒及於身體之影響。既略如上述。惟述笑之心理時。又可分笑所原因之情緒為二。(一)屬於不快感者。(二)屬於快感者。前者即悲哀、憤怒之笑。後者即喜悅之笑也。快感之時與不快感之時。生理的變化各異。綜合法累、文德門斯的比、斯蒂林等之實驗結果。知快感乃隨筋力之增加而增大。四肢之容積。其於筋肉運動。伸張速而屈曲遲。不快感之時。筋力減少。四肢容積亦減縮。在筋肉運動。則屈曲速而伸張遲。快感時脈膊興

進。歸於心臟收縮力增進與血管開張之二原因。不快感時容積減縮。繼而增加。則心臟及血管之血液。始流入於內臟。致減外部器官之容積。後乃復其舊態。至於筋肉運動之方向。快感時外向。不快感時內向之理由。經幾多學者之說明。皆謂人類天性趨快避不快之故。此外笑之原因之情緒與其表出。不可不一述之。凡情緒與其固有之表出。既如上述。係進化的結合。如憤怒有憤怒特有之表出。而吾人所謂笑。又不僅顏面表出。故一人因憤怒而笑。乃加顏面表出於憤怒之表出。憤怒笑比之憤怒特有之表出。第一。顏面表出之不同。第二。由顏面表出反射的及於脈膊呼吸等之作用。故笑為某情緒特有之表出。乃非祇顏面之表出。精密檢察。殊多異點。然其反射的之變化。則其情緒之特有表出。既非顯著。而笑之一要素。亦無甚差異。故以下特就各情緒之表出一論述之。

(未完)





# 德國徐伯林飛艇小史

譯倫敦雜誌  
Harold J. Shepstone 原著

劉振華



今試執德人而問之曰。世之足以加害於英國者以何為最。彼必立以其國之徐伯林飛艇 Zeppelin 對。蓋此新奇之飛艇。在德人想像中。其摧陷城鎮礮台軍港戰艦之效力。實非他種武器所可及。而用以克服其痛恨之仇敵如吾英者。當首賴乎斯。比年以來。德國所以獎勵鼓舞斯器之發達與其完成。可謂不遺餘力。其處心積慮。凡稍悉德國內情者固所洞悉者也。德皇與其政府。認徐伯林飛艇有足以加害於三島之價值。彼即隱密徧示



圖為徐伯林第五十二號之攝影體長五百二十英尺徑五十三英尺又七英寸外罩內有氣球十八共含輕氣二萬七千方米突價五萬鎊

其國人以為斯器之製造。倘再續行進步。俟戰機一至。用以破壞英國。可操左券。然當徐伯林伯爵 Count Zeppelin (發明徐伯林飛艇者) 未完成其發明俾臻應用之地位時。其政府與其國人。初無一注意及之者。迨後經各大報館各大學教授與多數軍事著作家之稱揚讚許。德人始萬眾一心。視徐伯林飛艇為戰勝英國使其國一躍而為世界最強國之武器。德人用飛艇破壞吾英之奢望。可謂始於一千九百零八年。是年有一種改良徐伯林飛艇出現。大足震驚世人耳目。以其能

航行二百英里之距離。為前此所未有也。當七月中德

皇閱新式徐伯林飛

艇試演後。開秘密會

議於 Potsdam。遂為

極可注意之演說曰。

『上帝已授我以拯

救吾國於危險之方。

舉凡前此足以動搖

吾國之安寧。限制吾

國之幸福者。庶從斯

已。諸君想識我意。我

意即彼最可欽敬之

徐伯林伯爵所發明

之新飛艇也。此新發

明乃我主所榮賜。藉之可拯救而光大我祖國者。斯實

不啻上帝授我以權。使吾德戰勝其現有種種困難而

造乎至善者也。』



飛艇上中  
途搭客用  
小餐之情  
形下圖為  
飛行停止  
時搭客下  
地之狀況

時之言論即可了然。彼曰。『當得有充分徐伯林飛艇  
隊時。吾即立與宣戰。我已下令使加急製造多數徐伯

德皇所謂動搖德國  
之安寧者。意指國內  
社會黨及共和黨之  
分子而言。彼蓋欲藉  
克服吾國之虛望。以  
轉其意向。俾專力向  
外。消滅其固有之主  
張也。且彼之得徐伯  
林飛艇。一似天與以  
施行其惡魔計畫之  
機會。藉以戰勝全世  
界。而己為之霸主也  
者。此讀其演說終局

林飛艇。俟一日告成。舉凡英國北海艦隊海峽艦隊與大西洋艦隊。吾將一舉而燬之。然後長驅直達倫敦。世固無人可以限我馬足者矣。」

數月前某英國保姆將其德皇族宮中所見筆之書而公於世。謂彼所

看護之三數孩童。

如何玩弄徐伯林

伯爵所贈之玩具。

如何必欲毀滅倫

敦後方進朝食。飛

艇玩具徘徊於倫

敦模型之上。而拋


擲炸彈於 Buck-

ingham 宮 Westminster

寺院及其他著名建築之

上。蓋其寺院其塔其塔橋及英倫銀行之建築等。此保

徐伯林內之狀況



云。

彼又謂『當一千九百一十二年夏。余在火車上曾遇一事。使余耿耿不忘。吾人將到德京時。忽見一徐伯林飛艇從窗外突然飛過。在坐諸客。無有不眉飛色舞慷慨

(甲)速射鎗用高角度射擊上面攻擊之飛機  
(乙)頂面欄杆(丙)橫隔壁之地位(丁)各橫隔壁共分飛艇全體為十七部(戊)梯之隱道附着於橫隔壁下半乃切去其中以示梯形  
(己)將氣球移去指示由中車至頂面之梯及其隱道(庚)網狀鉛絲附於各樁柱之上外罩即覆其外面(辛)釋放炸彈之絞盤(壬)滿水之巨袋當試演時用以代炸彈者(癸)樁柱


死命者也。彼當時蓋意余為美國人。故怛然宣諸口。不稍顧忌。』

向使德皇與其政府不以徐伯林飛艇為毀滅吾英武

激昂者。就中有一儀容端重之老人。微顛其老手。遙指天際半隱半現之飛艇。而言曰。彼英國行將不克獨立於世。此種機械。即所以制英人

力之器械教示其國人。則吾將益形欽佩。徐伯林伯爵一艇。並對於伯爵機器室少有供給焉。

之聰明毅力。與其百折不撓之決心。蓋此飛艇之歷史。實為與艱難困苦抗戰許久之戰紀。其所歷種種患難。足使號稱堅忍之士。心灰而氣阻者。也。此飛艇之產生地為



飛艇之覆棚及飛艇航行之攝影



飛艇在水面靜止時之攝影

此老伯爵者。因彼現年七十（七歲）已犧牲其半生精力於輕氣機學。其最終結果。乃為堅式飛艇之告成。為木與某

年前。法人 M. Santos Dumont 曾於其地試演其飛  
Friedrichshafen。位於美麗之 Constance 湖旁。十四種金屬之組合體。共分若干部。每部實以滿裝輕氣之氣球一。復以外罩護其全體。俾支持其形狀。後本此意


更加研究而實驗之。迄彼六十歲時。遂為第一號徐伯林之飛演。然此第一號徐伯林命運殊短。在廣場中。忽為暴風所擊。碎於樹上。此飛艇長四百二十六英尺。直徑三十七英尺。歷經三次試演。而得最良之結果。即在一

定之速度內。此偉大之飛艇可迎風而行。且可任意在空中為環形之飛繞也。然以供給斯數次試演之故。康德之財產遂至罄盡無餘。彼於是進而懇求其政府。復懇求各公共團

體及其國人。量為資助。俾得繼續研究。然百呼無一應者。迨後竭蹶四年之久。始集得足用之資金。徐伯林飛艇第二號乃克製出。然此飛艇之命運仍屬甚短。當末次航行時。其發動機忽停止動作。遂任意隨風飄蕩。卒至墮於草地。當晚又遭暴風擊於樹上。不移時此偉大之製造物。又完全歸於破滅。然伯爵銳氣。毫不為所挫。仍策勵前進。後卒有



從地上直望徐伯林飛艇下面之情形



一九一四年耶誕日英艦隊與德飛艇在斯克海文之戰圖



當克格斯海文戰前約六閱月英艦隊在幾爾河時有一徐伯林飛艇飛過其上此圖即其攝影

徐伯林飛艇第三號之告成。試演時能載十一人。於兩

點十七分之時間內。航行六十九英里之距離。平均速度約每鐘三十五英里。此次飛演後。伯爵之飛行事業。與其飛行學業之價值。雖未經德政府所承認所獎勵。然有可謂為徐伯林飛艇之大成功者。則能引起德皇之注意是也。

伯爵被召至 Potsdam。並受命於政府。謂倫克製成一飛艇能為二十四鐘繼續航行且安然落地者。政府允出十萬鎊購之。伯爵既受斯命於政府。遂造返其機器室。急行製造徐伯林飛艇第四號。

一千九百零八年七月。新飛艇告成。次月以平均每鐘十八英里之速度。航行二百二十六英里之距離。又逾數週。康德乃宣告以博得政府之善價為目的。而為二十四鐘之航行焉。沿來因河 Rhine 而下。經過 Basle



(一其)圖之關戰艇飛德與艇水潛英

Mulhausen、Strassburg、Mannheim。最後抵 Manzig。共用十六鐘四十分。降下微行整理。遂回向飛駛。然以飛艇外罩微生罅隙。加之發動機動作復不一致之故。伯爵遂迫而降於 Stuttgart 附近之 Fechtendingen 地。

方。正當實輕氣於氣球時。忽為暴風所襲。痛擊於石上。石腦油燃着。少頃又延及氣球內之輕氣。於是數月之功。又廢於一旦。

然德皇則大喜過望。謂徐伯林飛艇為德國戰勝他國之新發明。且不以此次之不幸加諸伯爵。更電諭其最可欽愛之伯爵。使彼為祖國利益計。仍勉勵前進。勿稍懈怠也。各大報館復為之募集重資。不數週遂集有三十萬鎊之巨款。俾伯爵更製多數徐伯林飛艇。且後此所製。非以研究科學為目的。非以航行空氣之樂趣為目的。實俟時機一至。用以襲擊吾英也。(未完)

# 說鱒魚

譯日本地理學界雜誌

章錫琛

## 一 各國之名稱及其在分類學上之位置

鱒魚惟初夏時有餘時則無。故名。屬丁屬 *Hilsa* 之外。有 *Alosa* 及 *Clupea* 等三名。種名 *elongata* 外亦尙有七名。英文之 *Whad* 有 *Alosa* 及 *Clupea* 之屬名。正譯即鱒魚。普通字典多釋爲鱒類。似宜改正。德文之 *Aise* *Eise* *Maifish* 亦然。 *Maifish* 意即五月魚。與鱒魚之字義暗合。亦奇。法文曰 *Alose* *Alosa* 之屬名。本此立此屬名者。寇維爾也。日本名ヒラ。又有ヒラゴノシロウミヒラメヒラゴキヅナン等稱。或更以ハス爲鱒。則誤矣。

鱒魚屬硬骨魚類。軟鱗類。鱒魚科。屬名曰鱒魚屬。雖從鱒魚屬分立。然二者常常相混。要之鱒與鱒。其緣屬固甚近也。

## 二 外狀及其分布

鱒魚狀似鱈魚 *Conosirus Punctatus* 而較扁。普通約長一尺五六寸。大者達二三尺。沿腹側正中線由舌下至肛門。生大而且堅之鱗約四十枚。此鱗具棘及銳稜。脊鱗一枚。在體側正中線上。中央較前後兩端略短。惟起之頗高。鱗棘三枚。硬而直。鱗刺一枚。計十二枚。柔軟。背鱗由肛門直後起。幾達後方尾鱗。相距極短。鱗刺數約五十條。內外。尾鱗爲正尾。兩尾端頗尖。中央部凹陷。刺骨之數。在上下兩端。明白可數者。鱗棘各三枚。硬直。鱗刺各一枚。各五條許。中央部四五條或七八條。胸鱗鱗棘一枚。硬直。鱗刺一枚。計十條許。其位置。生於腮裂之後緣。後下部之腹鱗。在胸鱗所生部位與肛門之中。央。近於腹側緣。位甚小。呈萎縮之狀。硬直。鱗刺一枚。有尋常之鱗刺條。皮膚銀白色。光澤燦爛。背側帶藍青色。口邊奇鱗。遊離緣帶黑色。鱗大而薄。除頭部。項部。鱗屬

於圓滑鱗外全體各部均係無色透明。其形狀大小依所在之部位而殊。惟概近圓形。掩蔽上皮。向外面之部分略作正菱形狀。其鈍角部在鱗之前後軸上。挾鈍角之二邊。即鱗之後緣。側線爲神經。縱走皮膚下層之組織中。但並不貫通鱗片。在側線上鱗片之數約五十餘枚。與身體節狀構造之數一致。又左右側鱗之橫列數在最多之部位各十六枚。此外體之背側正中線有一列。又腹側正中線有一種特有之稜棘鱗。左右各一枚。厥狀似翼。極細長之部分在腹側正中線上。挾狹隘之角度相合而生銳利之稜。稜之後端成三角錐狀。尖利之棘。腹鰭以後稜棘之數尋常十五。異常二。腹鰭以前者尋常十五。異常一。所謂尋常者。即與身體之節狀構造相關。異常者。每節一枚。形小。介於尋常鱗之間。與身體之節狀構造無關係。此外特有之鱗片。由胸鰭基根之上部似鰭而伸長於胸鰭之上緣內側者。及腹鰭基根之上部極闊大者。各一枚。前者曰胸鰭扇鱗。後者

曰腹鰭鱗。更就頭部之皮膚觀察之。則後頭部顛頂部之皮膚。皮面生微細之小突起。表面極粗糙。眼瞼之發育至爲顯著。前後相對。眼裂長於上下之方面。非橢圓形。眼瞼不開閉。及其附近。皆全透明無色。頰部之皮膚極弛緩。上顎骨之外側部最著。前後運動於皮膚之上。在閉口時之狀態。前眼瞼前部所存之皮膚。來於疵狀隆起之下部。口角之皮膚。附著上顎首外側部之內面。而移行於固著在上顎骨上面之上皮。皮面所開之裂。爲口裂。眼裂。每側各二之鼻孔。鰓裂。肛門。生殖孔。尿孔。等肉中多細骨。與鱈魚同。

鱈魚產於東印度近海。馬來羣島近海。黃海以南中國諸海。及國內諸大江。日本則瀨戶內海以南九州近海皆產之。

### 三 習性及國人之嗜好

鱈魚本爲暖海外洋性之魚。五六月時。多數成羣。遊入諸大江產卵。因南風甚烈。使海底混濁。故其來必在



斯時。餘月殆不之見。游泳海水之中層。以小動物爲食。餌自其體形推之。其游泳必速。漂泊移棲於遠海頗適。而其皮膚之銀白色。每誘起強敵之迫害。故喜混濁之江海。而不願淹滯於清澄之近海。鱒魚爲我國人所喜食。稱爲最上之珍品。價值甚高。每尾值一二元。食時帶鱗煮。肥美異常。

#### 四 養殖法之講求

鱒魚價值之高如此。果能設法養殖。殊爲有利之事業。考美國水產局出版之水族養殖小志。曾述及 *Salmo* 魚人工孵化之成功。美國水族養殖成績之最佳者。莫如 *Salmo* 魚之人工孵化事業。鱒魚本與 *Salmo* 魚同。則鱒魚似亦不難養殖者也。



## 令人流淚之毒草

譯美國科學報

胡學愚

此次歐洲大戰。德軍嘗用毒氣體。以禦敵人。此種氣體。驟聞之。令人狂笑不止。繼則肺葉擴張。呼吸困難。漸至於死。協商諸國。多以其有背人道。力加詆斥。然近聞歐洲戰地。更有一種新毒氣體。發現。已屢經實用。頗有禦敵之效。此種氣體。有稍接觸。即能刺激心臟。流淚不止。遂至盡失戰鬥之力。傷害人道之法。層出不窮。吾爲人類悲矣。

此種毒氣體。自撒巴提拉 *Sabadilla* 植物中製出。撒巴提拉爲屬於百合科藜蘆屬之一種毒草。其學名爲 *Veratrum sabadilla* *Resinus*。僅產於墨西哥及南美洲之委內瑞拉二地。其有毒之種子。向供藥用。自此種子。可製出撒巴提林 *Sabadilline*。撒巴提林爲有芳香之有機鹽基。接觸之能增進脈搏之速力。因之起酸鼻流淚之作用。故可利用之以供戰事上禦敵之用焉。

此物未供軍用以前。委內瑞拉人多採其種子粉末。以製藥料。其粉末能刺激眼目咽喉。而於鼻管爲尤甚。偶一接觸。則嗚咽酸哽。令人難堪。故委內瑞拉人恆戴一面具。以採摘之。委內瑞拉之業畜牧者。以此種藥粉殺妨害牲畜之寄生蟲。頗有效驗。至在歐洲。多以製消滅傳染病毒之藥物。巴爾幹及俄國。則用以硝製上等皮貨。并充染色之腐蝕劑云。

此種藥粉。當二十五年前。始自委內瑞拉輸入德國漢堡。每年輸出之額。未有逾五千包者。蓋以其物應用甚少。故價亦低廉。此種植物。皆產於山野。未經人工栽種。然若於軍事上果有價值。則其需要將大增加。固不難以人工培養之也。

# 石遺室詩話續編卷十二

(不許轉載) 侯官陳衍

杜詩除課伐木園官送菜追酬故高蜀州人日見寄觀公孫大娘弟子舞劍器行同元使君春陵行八哀詩諸篇題下並有小序外有長題多至數十字而非序者大概古體用序近體絕不用序杜亭說杜謂蘇大侍御訪江浦賦八韻紀異一首是逸去元題草堂本遂以小序爲題別本有此題者乃是後人增耳五律中天寶初南曹小司寇舅於我太夫人堂下墨土爲山云云亦是小序之文東坡每仿此爲長題究非詩家正式此說實不然長題如小序始於大謝少陵後尙有柳州杜牧之李義山諸家柳州前編已論之義山如永樂縣所居一草一木無非自裁今春悉已芳茂因書卽事一章題道靜院院在中條山故王顯中丞所置虢州刺史捨官居此

今寫真存焉韓冬郎卽席爲詩相送一座盡驚他日徐方追吟連宵侍坐徘徊久之句有老成之句因成二絕寄酬兼呈畏之員外牧之如今皇帝陛下詔徵兵不日功集河滄諸郡次第歸降臣獲親聖功輒獻歌詩李侍郎於陽羨里富有泉石某亦於陽羨粗有薄產紋舊述懷因獻長句四韻道一大尹存之學士庭美學士簡于聖明自致霄漢皆與舍弟昔年還往牧支離窮悴竊於一麾書美歌詩兼自言志因成長句四韻呈上三君子皆長題而無序非至東坡始仿爲之少陵則如得舍弟觀書自中都已達江陵今茲暮春月末行李合到夔州悲喜相兼團圓可待賦詩卽事情見乎詞見王監兵馬使說近山有白黑二鷹羅者久取竟未能得主以爲

毛骨有異。他鷹恐臘後春生。鸞飛避暖。勁翮思秋之甚。眇不可見。請余賦詩。送大理封主簿五郎親事不合。却赴通州主簿。前閩州賢子。余與主簿平章鄭氏女子。垂欲納采。鄭氏伯父京書至。女子已許他族。親事遂停。皆近體也。古體則秋行官張望。督促東渚。耗稻向畢。清晨遣女奴阿稽。豎子阿段。問一首。亦是故南曹小司寇。真云云。實題而非序也。

杜陵古詩。往往將後面意。撮在前面預說。使人不易看出線索。退之作文之善於蔽掩。卽此法也。如遺懷詩。爲高適李白敘哀而作。芒碭十字。似登臺語。而寓意極微。語切友生。懷深先帝。上句喻雲。馭上賓。時事改易。下句喻庸庸求食。無復功名之想。此二句置在未入先帝之前。故無所闕口。而使人不覺。下面卽緊頂先帝好武。絃拓境後。便接以存歿。中間全無曲折。蓋亦倒找勢耳。通篇要指全在氣酣二十字。中言先皇升遐後。三人皆無望於進取。白狂狂詩酒。懇辭還山。原是避諸楊之禍。集

中有權讒一詩。又句云。讒惑英主心。恩疎佞臣計。史稱帝每欲官白。輒爲妃子所沮。適先會授鉞淮南。爲李輔國所沮毀。改授詹事。後來攝鉞西川。旋經內召。身雖顯於肅代間。特以資格遷官。以云受知則未也。甘林詩子實四句。卽長老語。却用主人二句。倒押在後。杜詩如此筆法甚多。

學古人總要能變化。曹孟德苦寒行中云。熊羆對我蹲。虎豹夾路啼。少陵石龕詩云。熊羆哮我。東虎豹號我。西我後鬼長嘯我前。猱又啼。蓋變本加厲言之。而用之篇首。與曹公用之篇中者。尤見突兀。水會渡詩大江動我前。又用此種句法。草堂詩之舊大喜我歸。低徊入衣裾。隣舍喜我歸。酤酒攜胡盧。大官知我來。遣騎問所須。城郭知我來。賓客隘村墟。則用木蘭辭而小變換之。他人之學少陵者。王荆公思王達原云。廬山南墮當書案。溢水東來入酒卮。非從沱水流。中座岷山到此堂。來乎。少陵奉觀嚴鄭公廳事岷山沱江畫圖十韻句。青山

捫。坐。黃。鳥。挾。書。眠。非。從。鉤。簾。宿。驚。起。丸。藥。流。鸞。嚙。來。乎。少。陵。水。閣。朝。齊。奉。簡。雲。安。嚴。明。府。句。但。廬。山。一。聯。視。拖。水。一。聯。無。不。及。鉤。簾。一。聯。何。等。自。然。青。山。二。語。則。所。謂。是。底。言。矣。山。谷。之。懷。其。望。諸。葛。則。明。用。晚。登。灑。上。堂。之。凄。其。望。呂。葛。耳。

少。陵。別。唐。十。五。誠。因。寄。禮。部。賈。侍。郎。至。詩。言。唐。負。經。濟。才。九。載。相。逢。仍。舊。未。遇。豈。甘。稿。餓。老。死。設。其。此。舉。一。虛。勢。必。干。謁。鎮。帥。謀。以。他。途。進。身。胡。星。六。句。所。以。著。驕。將。悍。帥。之。夥。末。念。子。善。師。事。歲。寒。守。舊。柯。二。句。祝。其。遇。合。如。其。不。然。不。可。改。操。後。來。昌。黎。送。董。召。南。序。用。意。全。本。此。詩。

少。陵。詩。用。字。之。有。來。歷。者。甘。林。之。脫。粟。爲。爾。揮。言。長。老。留。飯。也。揮。字。用。范。彥。龍。恨。不。具。雞。黍。得。與。故。人。揮。句。放。翁。古。詩。善。於。用。短。贈。劉。改。之。秀。才。云。君。居。古。荆。州。醉。騰。天。宇。小。尙。不。拜。龐。公。况。肯。依。劉。表。胸。中。九。淵。蛟。龍。蟠。筆。底。六。月。冰。電。寒。有。時。大。叫。脫。烏。幘。不。怕。酒。杯。如。海。寬。

放翁七十病欲死。相逢尙能刮眼看。李廣不生楚漢閒。封侯萬戶宜其難。不多爲委折。用古樂府法作古詩也。改之沁園春詞。末云使李將軍。遇高皇帝。萬戶侯何足道哉。同用史記語。未知孰爲先後。

春夏之交。衰病相仍。過芒種始健。戲作有云。倒壺猶有暮春酒。開卷遂無初夏詩。切而不費力。此樂天長技也。排闥有云。君能洗盡世閒念。何處樓臺無月明。病中有感云。新亭對泣。猶稀見。况覓夷。吾一輩人。幽居云。春風染柳條。不染君鬢絲。山園云。藝果極知非老事。接花聊復效兒嬉。十月十九日大風作。寒閉戶。竟日。云。霜風捲地起。落葉擁蝸廬。終日澹無事。一窗寬有餘。坐多知力耗。食少覺心虛。懶惰無新句。松聲忽起予。登山亭云。登高臨遠雖多感。歎老嗟卑却未曾。讀史云。南言尊菜似羊酪。北說荔枝如石榴。自古論人多類此。簡編千載判悠悠。泛舟觀桃花云。初來自被春留住。枉道當時爲避秦。讀書未終卷而睡有感云。暮年緣一懶。百事俱棄置。

今遂懶到書。把卷輒坐睡。故山云。傍水無家。無好竹。卷簾是處是青山。夜過魯墟云。月出菱歌長。林間積火壯。露坐云。蛙聲經雨壯。螢火避風稀。時有新趣。

朱九江次琦字稚圭。南海人。有集十卷。外年譜一卷。其門人簡竹居(朝亮)緝九江工駢文。有北行抵清遠縣。與季弟宜城書。置諸洪。北江集中。直不能辨。書云。五弟無恙。征期既邁。遽逾十晨。願言之懷。昔人所唱。愛而不見。如何如何。吾弟內娛護背。外隆德聲。雖曾與鬻指而動操。召南樵山而振臂。絮其勤勞。無以喻之也。曩束裝後。待友佛山鎮。兩日乃得成行。舟師謳權。若汎鳧鷖。游子寄音。眇望魚雁。是夜宵半。衝風驟激。頽波彌厲。玄雲靄空。夙夕不解。雨雪告零。先集爲餞。曙發盧包之汎。莫宿黃巢之磯。嚴霜隕而葭莢淒。玄冥深而若英晏。鼈頸之灘。迷茫乎津遠。龜手之藥。歎惻乎水工。行路之難。論我端倪矣。家累凡百。弟克當之。回睨舊鄉。心魂慰藉。惟吾弟續昏一事。軫結未忘。上有黃髮。罷勞晨夜。下有離

稚。噢咻啼笑。茲事之亟。豈煩覩縷。願鄉土是諮。亦云省便。而此邦之人。內教陋壤。習錮既久。庸計門戶。宛宛處子。或有季蘭之好。悠悠靡俗。恐入齊咻之教。天下多美。何必是求。權輿弗戒。後快焉集。行子過計。是用悽悽。風水蹇逆。行郵遂淹。以今二十七日。到清遠縣。兄弟健好。餐飯猶昔。兼多徒侶。解譁憂虞。誥誠家人。勿我爲念。從茲渡嶺。浮滄西下。楚歌千些。湘波萬重。背湖涉江。釋舟趣陸。更復馬首斷雲。千里隨夢。雁足飛雪。崇朝灑襟。七聖皆迷之野。惘惘而驅車。耦耕不輟之鄉。栖栖而問道。山川合沓。息影何時。靜言思之。百憂集矣。夫人情迹接。則多忘。景逝則恆憶。歲華不居。游譙未極。往時家術。羣從如龍。齋居盤盤。言笑晏晏。東方未明。已對牀相語。西柄之揭。猶露坐未眠。論難紛起。聲與百舌競。鴈詠橫飛。酒微一斗亦醉。魏文有言。當此之時。忽不自知其樂也。由今以思。曠若星漢。擬諸形容。尙繪心目。每當落帆江濟。擁衾無寐。清角朝風。游鴻夜吟。我懷云勞。不可說。

也。自惟寡薄。豈辦任官。此行邀福。或叨一第。思遂南歸。寄迹丙舍。將吾叔仲。長奉板輿。對鷓占門。徒魚築宅。陸機之屋。不問乎東西。何點之山。略分乎大小。時及霜露。言羅雞豚。祀先之餘。兼以速客。雖飯生塵。而日晏風吹。穉而歲寒。而風詩教睦。取鹿食之。相呼金石。歌商結鵲衣。而不恥明明如月。長照其素風。温温恭人。永垂爲家法。閉門養親。至于沒齒。雖三公上哀。百城南面。何以易此哉。其許我乎。非敢望也。有問訊者。達此。靈言音塵未積。風雲滄闊。家食餘閑。幸勸光采。勞人草草。筆不抒心。此書施諸兄弟。稍覺客氣耳。

九江詩如讀史云。廿載深裁車服費。百金終缺露臺工。君王自惜中人產。獨有銅山賜鄧通。長門宮怨久煩紆。瀾起泉鳩慘重誅。聞道至尊慕黃帝。不妨脫屣視妻孥。典衣絕句云。典衣原不損丰裁。盡篋筠籠取次開。我喜他家收拾好。未因金盡降顏來。思量雜珮拋何所。約略陳書失已多。到底敝裘能戀主。歲寒時節祇饒他。別久

相逢意倍憐。記從何處話前緣。春衣與我同飄蕩。南北東西寄歲年。絳袍贖得當金貂。恰是杯觴不寂寥。袖底雨花襟上酒。可能留到上元宵。守歲與閨人夜話云。漸衣棧凍。娟娟鬢影深。鏡奩今共命。燈火此愁心。萬熊趨殘夜。孤思殿苦吟。高懷吾媿汝。卒歲恥言金。(宋真山民詩。貴無可買恥言金)萬熊句似前人說過。記不真矣。乙未閏六月初一夜記夢云。天風抱瓊臺。盪作江海聲。手拓西北窗。水遠天崢嶸。階礧石璀璨。浩與鏡面平。明月自出入。雲扉長不扃。起蹙冰絲弦。坐鼓一再行。得非飛龍引。雜以寒雁鳴。聲希月流素。梅朵霏英英。嗅梅得馨逸。有語無聲騰。粲者何人斯。忽與予目成。斧冰持作糜。飲我碧一泓。戰吻吐復嚙。肝肺餘孤清。長揖粲者言。忍寒我則能。九江素講道學。此詩可作廣平梅花賦讀矣。

九江以進士作令山右。飲水外不名一錢。有答康述之書云。弟晉中需次。補缺尙無其期。然自省庸虛。正須閱

歷。即稍稽時日。為將來道虛筐之謂。固可以少安無躁耳。見住省城浙江會館。館後室為典守僧禪堂。西偏屋數間。即其出息弟賃居之。出則徒步。入則齋鹽。作官是何物事。不過與和尚捫隔壁耳。昔魏敏果官京師時。不攜眷屬。王漁洋尚作戲詩嘲之云。三閒無佛殿。一箇有毛僧。弟今有佛。勝瓊翁矣。一笑。讀此。可想其清况。竹居為九江入室弟子。有讀書草堂詩一册。有客館呂中曾氏草堂云。板橋松路入莘村。小住疎林近水園。好鳥呼人多種樹。閒花行影自知門。遠看野色過春髓。倦止書聲話晚尊。笑我邑人還是客。客居初作邑居論。送友人北上云。百年意態何曾異。却喜聞君有遠行。慷慨古稱燕壯士。衣冠行見魯諸生。風船獨火江神動。驛館寒山夜語清。報道北梅花事好。歸來攀折一枝輕。韓文公釣魚臺云。劉生詩句區生序。笑汝相尋寂寞濱。何事陽山關路遠。竟來同作釣魚人。自注韓文公劉生詩云。手持釣竿遠相投。劉生者劉師命也。又送區册序云。南海有區生者。擊舟而來。與之翳嘉木。坐石磯。投竿而

漁。寄酬梁大鼎芳五首云。草堂百事不吾知。松竹當門水綠漪。猶笑點塵飛。欲到誰歌防有鵲。巢詩焦頭上客。負前身。曲突參參告。徒薪曾幾太邱車。馬會萬言宿草。意如新。寒燈驟止。讀書聲。簷外星芒徹。夜明聞道東征。鄉信至。邊風吹入鳳凰城。國士勳名古實多。知兵宰相美如何。由來風月江門老。七十生平事菊坡。千秋金鑑自先嗟。名重唐書耀史家。問有曲江風度否。又從南海寄梅花。節。寄題簡竹居先生讀書草堂云。腹中萬卷可支餓。世上點塵不到門。至念陳康天下士。一嗟無命一分源。迎陽故作軒臆敵。耐冷還依水石嚴。今日承平無箇事。乾龍何必問飛潛。高密通儒經傳熟。濂溪老人風月溫。諸子紛囂無用處。始知南海此堂尊。多種竹松扶士氣。間論禾稼識農功。旁人莫笑先生隱。儒者勳名本不同。別來滄海還多夢。老去茅庵尚未成。余經營廬山臥龍庵未成。絕羨武夷精舍好。談經何日罄微誠。竹居五首絕句中。有本事未能盡悉。晤節庵當詳詢之。

(未完)



# 餐櫻廡隨筆

(續前號)  
(禁止轉載)

蕙風

漢毛亨作詩訓詁。以授毛萇。作小序。故曰毛詩。世稱亨為大毛公。萇為小毛公。清時亦有二毛。蕭山毛大可。(奇齡)與兄萬並知名。人呼萬為大毛子。大可為小毛子。施愚山集有毛子傳。

中國人愛花。泰西人愛葉。往往層樓傑閣。萬綠環之。謂綠色於目為宜。資裨益也。近人某說部云。錢塘蔡木盒布衣。居於武林門內之斜橋。性愛草。沿牆上階。一碧無隙。湘簾菜兒間。益盞羅列。皆草也。凡草經其栽植灌溉。輒芊緜娟蒨。迥殊凡品。有翠雲草。尤所珍惜。亦書好之特別者。朱柏廬四時讀書樂句云。綠滿窗前草不除。第一不除云爾。非所好在是也。

康熙閒。山西布政使王顯祚。風雅好客。尤愛重朱竹垞。一日。請竹垞出玉盃為飲器。蓋曾藏晉恭王邸者。盃高五寸。深四寸七分。徑七寸許。瑩潔逾羊脂。昔人所稱一

捧雪。弗速也。綴黃點數十如金粟。相映益璀璨。竹垞露醉。持盃幾墜地。每罄一酌。盃輒觸案有聲。它座客相顧色動。或移置王前。王笑曰。何見之小也。盃信珍秘。與其完於它人手。何如頓於竹垞手乎。先是某鉅公願以千金易之。王弗許。至是遂以贈竹垞。並諭庖丁。月致佳釀。二甕焉。此事若在竹垞未試鴻博已前。則尤可傳。弗可攷。

明鎮國中尉朱睦㮮。字灌甫。鎮平王諸孫。(隆萬閒人)世稱西亭先生。有萬卷堂書目。(見貝簡香千墨盒精鈔七家書目)蒐羅閱富。按明外史諸王傳。睦㮮家故饒。逐十一利。資益大起。因訪購圖籍。當時藏書之富。推江都葛氏。章邱李氏。睦㮮不惜高訾致之。據此。則萬卷堂博極羣書。得力於貨殖者深矣。藏書家族姓。多有敗德。佞行。不恤摧殘雅道者。錢遵王

(曾)牧齋從孫之子也。編也是園述古堂書目。多藏宋元版書。鑒別不在牧翁下。牧翁逝世。族中亡賴。烏合百人。託言牧翁舊有所負。加闕於堂。收柳夫人畢命。遵王實爲之魁率。荆駝逸史載此事甚詳。葉林宗(奕)石君(樹廉)從兄也。愛日精廬藏書志。孫觀大全集。葉石君跋。此書爲從兄林宗借去。幾十年矣。乙巳之春。林宗卒。爲之整書。始得檢歸。詎宋樓藏書志。沈下賢集。葉石君跋。崇禎戊寅。得沈亞之集。爲林宗乾沒。近來林宗物故。書籍星散。宋元刻本。盡廢於狂童敗婦之手。予生平不欺其心。自信書籍必不若林宗死後之慘云云。張子謙(承渙)月霄(金吾)之從子也。月霄言舊錄。道光六年七月二十九日。從子承渙。取愛日精廬藏書十萬四千卷去。償債也。憶渙爲予作詒經堂銘曰。達士曠懷。豈計長久。空諸一切。詒於何有。不竟成此舉之譏耶。先是承渙妻以資假月霄。蓋預爲要挾攬計。至是遂罄其所藏。捆載以去。月霄浩歎而已。之三人者。何嘗不好古操

雅。顧其所爲。詎士君子所忍出耶。汲古閣刻板存亡。攷相傳。毛子晉有一孫。性嗜茗飲。購得洞庭山碧蘿春茶。虞山玉蟹泉水。患無美薪。因顧四唐人集板而歎曰。以此作薪。其味當倍佳也。遂按日劈燒之。此舉誠奇特。然而視彼三人爲猶愈矣。鄞縣范氏天一閣藏書。自明迄今垂三百年。未經散佚。今春被人盜出數千本。售於滬上坊肆。六藝書局來青閣兩家。價僅數百金耳。其中宋元本無多。(余僅得見宋小字本歐陽文忠集。元本朱淑真詩集)明初精鈔。居十之八九。如明太祖成祖實錄之類。皆有關係不經見之書。頃之爲舶販金頌清者。一人所得。價則騰至舒萬。冀以不分售故。乃至一鱗片甲。靡有子遺。俄范氏後裔某。來滬謫訟。籤符甫下。雷厲風行。未幾。不知若何構解。其事遽寢。書則穩度重瀛。永無歸國之期矣。惜哉。

康熙間。太倉吳元朗(曠)梅村子。有西齋集。海寧查聲山(昇)有澹遠堂集。仁利湯西厓(右曾)有懷清

堂集)爲戊辰進士同年。並負詩名。同官京師。恆唱酬。竟日夕。某夕。社集聲山寓齋。時值初春。天寒雪甚。因下榻焉。漏已三商。聲山西厓同榻先寢。元朗猶推敲未已。聲山戲於枕上。屬對云。孤吟午夜。文章有性命之憂。元朗應聲云。雙宿春宵。朋友得夫妻之樂。聲山聞之。戲拍西厓肩云。湯婆子。吾儕速睡休。勿令若人攪清夢也。三人皆爲之軒渠。

東南爲鶯花藪澤。丁明清之間。復社之流風未沫。士夫知重氣節。卽衒衒亦留意風雅。其出類拔萃者。恆欲附託名流以自增重。以視今之名妓。所爲容悅。不出薰香傅粉。輕身便體之浮薄少年。乃至辱身非類。而亦悍然勿恤。其智識相遠。奚啻萬萬。柳如是嘗之松江。以刺投陳臥子。陳性嚴厲。且視其名帖。自稱女弟子。意滋不悅。遂不之答。柳志甚。泊遇錢牧翁。乃昌言曰。天下唯虞山學士始可言才。我非才如學士者不嫁。牧翁聞之大喜。曰。天下有憐才如此女子者乎。我亦非如柳姬者不娶。

又夏麗貞。珠湖伎。有殊色。工翰札。與諸貴人唱酬。意無所屬。崇禎癸酉。閩古古相遇於水閣。拈花分韻。遂定盟焉。別既久。夏以手書及詩寄古古。促其來。時閩以身世飄零。中原多故。答書中止。麗貞怨不自勝。夫陳闓當日。必非慘緣。翩翩矣。卽錢亦髮如柳之膚。膚如柳之髮。柳夏皆明慧。萬不至誤用其情。其微尙所寄。詎尋常兒女子可與知耶。若夫李香君之委身侯公子。董小宛之傾心冒辟疆。則迥乎非其它少年之比矣。

托活絡忠敏。生平不蓄姬侍。督兩江日。夫人至自京師。攜垂髫婢二。聞將出京時。物色得之者。意在屬之抱衾之列。忠敏略不措意。未幾。其一以贈觀察任某。其一贈某京卿。辭焉。則以儷某材官。蓋忠敏於金石書畫而外。絕無它嗜好也。唯觀察者。殊龍鍾。尤非能惜玉憐香者。(按。錢牧翁有惜玉憐香小印。爲河東君作。小紅之贈。未經伴色。揣稱讀玉若堂。紫嬌紅一曲。不能無感。苑平查蓮坡(爲仁)夫人金氏。名至元。字載振。一字含。

英。山陰人有芸書閣贖稿（附蔗塘外集後鐫板絕精）秦半閨房唱酬之作。趙秋谷爲之序。稱其清麗孤秀。無綠窗綺靡之習。當其結襦伊始。蓮坡賦催妝詩云。十年香霧攪情塵。留得霜華百鍊身。此夕星光盈錦幄。向來春色阻花晨。誰言蔗境甘無比。久識蓮心苦有因。差喜高堂稱具慶。鹿門借隱莫辭貧。紅燭雙行照玳筵。鳳簫吹徹下瑤天。壁存敢詔連城貴。珠在還欣合浦圓。賦就桃夭期覺後。迎來鵲駕路爭先。夢中欲乞生花筆。待寫春山滿鏡妍。夫人和元韻云。句好如仙絕點塵。青蓮原是謫來身。詩傳採筆歌偕老。籍記丹臺署侍晨。（元注引松陵集注。執蓋侍晨。仙官貴侶。）四照花開融瑞色。九微燈點締良因。牽蘿補屋休嫌陋。得貯珠璣敢道貧。百和香濃結綺筵。雲璈如奏大羅天。龍泉那肯豐城掩。光彩依然桂殿圓。此日授綏休論晚。它時委畚計當先。試看歐碧鞞紅種。留取春光分外妍。錦字聯吟。功力悉敵。誠玉臺佳話也。

棗林雜俎云。山陰朱雙元。總督雲貴川廣。石砮宣撫司。女士官秦良玉。雅度侃議。儼從俱美少年。朱公子壽宜。訪之。酒閒微諷。良玉笑引南宋山陰公主。陛下後宮百數。妾唯駙馬一人云云。以答。蕙風按。此說誣也。竹垞詩話野紀。亦謂良玉有男妾數十人。夔州李長祥力辯其誣。謂川撫嘗遣陸錦州遜之。按行諸營。良玉冠帶飾佩。刀出見。設饗禮。酒數行。論兵事。遜之誤曳其袖。良玉引佩刀亟斷之。其嚴肅若是。烏程董祝有詠良玉詩曰。追奔一點繡紅旗。夜響刀環四馬馳。製得饒歌新樂府。姓名肯入玉臺詩。良玉手握兵符。儼然嫖闔。誠如雜俎野紀所云。則令不肅而氣且靡。何能捍賊立功乎。無論尊俎譚談之間。對於向少晉接之人。而爲蕩蕩不經之語。良玉亦奇女子。斷乎不至如是。矧遐方閨秀。雖有出類拔萃之才。亦決不能諳悉史事。至於倉卒之間。輒能舉似山陰公主之言也。竹垞時代。距良玉已遠。野紀云云。殆沿明人記載之譌耳。

相傳康熙時一老侍衛直乾清門三十年。俄外簡荊州將軍。舉室慶。其獨愀然。繼之以泣。或怪而問之。則曰。荊州形勝之地。爲敵國所必爭。智勇如關。法者。清語貴神之稱。尚不能守。我何人斯。而得免於東吳之手乎。親友爲之解釋勸慰。某固執成見。弗之悟也。乾隆末。福文襄征廓爾喀時。有刑部滿郎中某。以阿文成薦擢召見。上問福康安海蘭察二人。外間聲名如何。某應聲曰。外間咸服二人將略。以比羅成尉遲恭也。上笑遣之出。文成悔之。告於人曰。老夫以某相貌豐偉。故登薦牘。孰意爲熟諳小說人也。人傳爲笑柄云。此二事絕相類。咸豐季年。石達開竄四川。滿御史某上言。川南瀘州一帶。必須嚴重設防。恐賊衆渡瀘。勾結諸蠻洞。聯絡一氣。稱兵內嚮。則爲患不堪設想。今日安得七擒七縱之才。如諸葛亮者。而征服之云云。此奏亦流傳爲笑柄。曩閱某說部云。滿人初入關。得三國志演義。奉爲韜鈴秘笈。故有滿漢合璧絕精刻本。當時凡識字之滿

人。殆無不熟讀是書。乃至錮蔽如某侍衛。猶無足異。不圖二百數十年後。聲明文物。同化已久。猶有中演義之毒。如某御史其人者。則誠匪夷所思矣。咸豐己未朝考論題。二子之心。非夫子孰能知之。見論語不念舊惡。章程子注。當時以不知題解。失翰林者。禦矣。有清二百數十年。士子以四書藝進身。然不讀朱注者。有之。讀外注者。百無一二焉。即如二國之俗。唯夫子爲能變之。見論語齊一變。章程子注。儻以命題。大約知者亦虛。雖句中有變字。較易觸悟。而殿廷考試。決無攜帶四書者。即亦何從攜帶。而證其必是耶。它如天下無不是底父母。見孟子天下大悅。章李氏注。膝下見小弁。章趙氏注。膠柱調瑟。見任人章外注。按膠柱調瑟。常語調作鼓。亦猶莊子注對牛鼓簧。常語鼓簧作彈琴。語之有本而小變者也。不相干。見論語如有博施於民。章程子注。皆習見常語。儻問出處安在。亦未必能舉注以對也。

孟子仁也者人也。章外注。或曰外國本人也。之下有義也者。宜也。禮也者。履也。智也者。知也。信也者。實也。凡二十字。按所云外國。疑即日本。日本自唐時通中國。繼此齋書之使。絡繹於道。涂彼國經籍刊本。容亦有流傳中土者。而其初祖。或屬秦燔已前古本。亦未可知。而宋人遂據以入注耳。它日當訪求和文孟子印證之。

婦人生髮前筆兩見。茲又得三事。宏治六年某月。應山人張本華婦崔氏。生髮長三寸許。見明孝宗實錄。又嘉靖癸丑。青浦魍魎鎮。按魍魎二字。各字書所無。不可識。此鎮名絕奇。有婦人忽生髭鬚。時縣差以事攝其夫。從壁間窺之。以爲男也。夫亦無獲。攜婦以歸。邑市衆觀甚衆。明年遂有倭變。見青浦縣志。又萬曆二十一年。嘉興包彥平。館華亭。余塘宋氏。其鄰有婦人。髮長五六寸。二十餘莖。時年六十。自二十三歲始生髮。拔去仍出。至五十歲而止。見包彥平集。

七律限溪西雞齊曉五韻。中嵌一二三四五六七八九

十百千萬丈尺諸字。眉廬叢話所載。鏗矣。借諸作或未盡妥帖。穩成。茲又得一首。爲春明詩社冠軍之作。題爲閨怨。詩云。六曲圍屏九曲溪。尺書五夜寄遼西。銀河七夕秋填鵲。玉枕三更冷聽雞。道路十千腸欲斷。年華二八髮初齊。情波萬丈心如一。四月山深百舌嘯。清詞麗句。妙造自然。允推合作。

近人某氏筆記有云。阮文達譎金石索。屬汪容甫輩助之搜羅。一日汪以片石進。古色斑連。隱約似有款識。篆勢奇古。文達問所自來。汪曰。是即公所訪求之某石器也。吾竭數月之力。僅乃得此。雖殘破。價兼金矣。文達審諦久之。曰。良是。竟償容甫鉅貲。而據以入石索。它日容甫又問。曩爲公訪獲之某石器。佳否。文達曰。良佳。容甫曰。公曷更往求之。因相約同詣濱河某茶肆。指臨流亂石。問文達。視曩石器奚若。文達注視有頃。愕然曰。奈何戲我。容甫笑曰。庸何傷。留爲金石家一矚耳。文達喻其指。復厚餽容甫。屬祕勿宣焉。蕙風按。今通行之金石索。

南通州馮雲鵬撰。阮文達亦有金石索。未之前聞。某筆記云。殆未必可信耶。容甫本寒素。廣陵詩事。江都注。明經中幼年孤貧。家無書籍。於書肆中借閱。過目能記。既而販賣書籍。且販且誦。遂博覽古今文史。父躬字可舟。亦工詩。生平坎壈特甚。廣陵詩事。可舟性不諧物。偃蹇貧病。杭董浦與沈沃田書。盛稱其和丁隱君貝葉經歌。長春觀老子像絕句。有嘔崑山人集八卷。容甫中年已還。處境頗豐。力能收藏金石。羅致賓客。馮氏小玲瓏山館。或曰後歸汪雪礪本。或曰歸容甫。且增飾崇麗焉。漢射陽畫像石刻。亦以貧致之。蓋遭遇承平。風雅未墜。寒士謀生。未若今日之困難。而其接物涉世。殆亦圓通於名父多矣。

板橋雜記。顧喜一名小喜。性情豪爽。體態豐華。跌不纖妍。人稱爲顧大脚。又謂之肉屏風。然其邁往不屑之韻。凌霄拔俗之姿。則非籬壁閒物也。漢武帝悼李夫人賦。有云。佳俠含光。余題四字。顏其室云云。當時纖足之風。

盛行。不圖枇杷門巷。猶有參玉版禪者。則亦不繼足之雅故矣。

托活絡忠敏獨齋藏石記中。有非石刻二種。一北齊高僑爲妻王江妃造木版。墨蹟字猶朗晰。唯背面稍模糊。一唐麗山府果毅都尉梁君妻李氏墓誌。朱漆書。未經鐫刻。凡五百九十七字。模糊者僅九字。木版於高僑妻殉。迺曰爲戒師等所使。與佛取花。蓋佞佛已甚者。下云。書者觀世音。讀者維摩大士。語尤荒誕不經。殆其它石刻所未有。

楚辭夕餐秋鞠之落英。後人或駁其非誼。謂菊花雖殘不落。宋羅大經鶴林玉露云。落始也。按爾雅釋詁。俶落權輿始也。如詩訪落之落。謂始英也。據此。則屈自不誤。後人誤會爲墜落之落耳。又芙蓉雖落不散漫。蓋秋花真貞肅之氣。非春花可同日語矣。按宋閩秀朱淑真菊花詩。甯可抱香枝上死。不隨黃葉舞秋風。亦謂其雖殘不落。又宋姚寬西溪叢語。引宋書符瑞志云。

英葉也。離騷餐落英。言其食秋菊之葉也。按神農本草。菊三月上寅采葉。名曰玉英。是英亦謂葉也。唐韻。葉亦謂之英。于良切。讀若央。毛詩本音。舜英重英。俱叶央。離騷夕餐句。下云。苟余情其信姱以練要兮。長顛頷以何傷。政與央叶。按九歌雲。中君浴蘭湯兮沐芳華。采衣兮若英。靈連蜷兮既留。爛昭昭兮未央。華花也。英葉也。下與央叶。是亦一證。符瑞志云云。似較羅說為優。總而言之。必非花之墜落者。今人以麥屑裹菊。煥葉和以鹽菜。入沸油煎。極脆而食之。每年重陽前後。講席間多具此品。

史記趙世家。武靈王十六年。主遊大陵。它日。王夢見處女鼓琴而歌。詩曰。美人煢煢兮。顏若苕之榮。命乎命乎。曾無我贏。異日。王飲酒樂。數言所夢。想見其狀。與楚襄王遊雲夢之浦。夢與神女遇。以白宋玉事絕類。太平廣記。隋末有督君謨者。善閉目而射。志其目則中。目志其口。則中口。有王靈智者。學射於謨。以為曲盡其

妙。欲射殺謨。獨擅其美。謨執一短刀。箭來輒截之。唯最後一矢。謨張口承之。遂留其鏃。笑謂王曰。汝學射三年。吾未教汝留鏃之法。此事與逢蒙殺羿絕類。

盼盼有二。詞苑叢談。山谷過瀘。帥有官妓盼盼。帥嘗寵之。山谷戲以浣溪沙贈之云。脚上鞦兒四寸羅。脣邊朱鬢一櫻多。見人無語但回波。料得有心憐宋玉。低徊無奈楚襄何。今生有分向伊麼。此燕子樓外。別一盼盼。驚鶯有三。隨隱漫錄。錢唐范十二郎。有二女。為富室陸氏侍姬。長曰鶯鶯。次曰燕燕。此雙文外。別一鶯鶯。羅虬比紅兒詩。何似前時李丞相。枉拋才力為鶯鶯。此又一鶯鶯也。

唐歙州李廷珪。父超。子承浩。以製墨世其家。見晁氏墨經。又李義山子。亦名廷珪。進士及第。以司勳員外郎知制誥。遷中書舍人。累遷尚書左丞。朱全忠兼四鎮。廷珪以官誥使汴。客將先見。諷其拜。廷珪佯不曉。曰。吾何德。敢受令公拜。及見。竟不肯加禮。見懷慶府志。



顧亭林有二。見前筆。按居易錄云。顧野王讀書處。名顧亭林。在華亭。由來邈矣。康熙己未。薦舉博學鴻詞。亭林不肯赴試。常熟吳龍錫詩云。到底不曾書鶴板。江南唯

有顧圭年。亭林元名絳。見明詩綜詩話。漁洋感奮集小傳。其一字圭年。則未見箸錄。近人罕有知者。

彙譚蕙風移隨筆有云。列子湯問篇。韓娥謠歌雍門。既去而餘音繞梁。三日不絕。《樞》或作麗。莊子梁欐。可以衝城。殷敬順曰。阜梁也。今人但云餘音繞梁。不知下有樞字。某說部引之。謂繞梁爲樂器之名。尤誤。今按文選張景陽七命。音朗號鐘。韻清繞梁。李善注引尸子曰。繞梁之鳴。許史鼓之。非不樂也。則但云繞梁。亦自有本。前筆未審。應訂正之。《按許史二氏皆漢貴戚。此許史則善鼓琴者。猶秦之蕭史。》

余森《玉篇》古文本字。字生生。《號鈍菴》四川青神人。

有增益軒草。《閩爾梅號古古》。《字調鼎》江南沛縣人。有白羣山人。泃置草堂等集。以疊字爲字號。此外殆不多見。

常熟孫扶桑。《曙》爲諸生時。好昉駢儷爲制藝。所選丁亥房書。名曰了閑。大率妃黃嬪白蕙香掬豔之作。家弦戶誦。風氣爲之一變。會滿大臣某。彈駁文體。乃與進士胥廷清等同被逮。扶桑緣是褫衿。後更名承恩。順治戊戌。以第一人及第。了閑首篇。學而時習之。全章題文。雖署名它氏。實扶桑自作。講首云。且自芸吹。擷古之香。杜隕求聲之草。桂殘招隱之花。以此三句。括全題三節。《見柳南隨筆》。惜其全篇。不可得見矣。彙讀王農山《廣心》。莫春者。至詠而歸。題文。鄭人芍藥。樂此姪。委。女柔桑。言思公子等句。按漢搗華。其了閑之嗶引歎。

《未完》

# 文苑

## 文

讀管子

陳三立

管子書務於重農貴粟賞信罰必同民好惡以是爲富國強兵之效此其本真也其他附益剽掇之言宜不可盡信然管子之烈爛然春秋政法號令猶多可攷見要自爲有放依非盡鑿空虛造之比其幼官圖諸篇篇次宜各具圖表列指要今已亡其舊管子於漢初最爲顯學賈晁所習司馬遷所見亦悉莫能原其師說非可惜哉或謂管子始變周官之舊王道驟霸術興矣曰非管子之爲之也成周之初禮制未定而太公與周召並封立國子民各有制度不必皆秉周禮且周官要盛行成康之世故太公之封於齊也尊賢而尚功周公之封於魯也親親而貴德其不同如此吾以太公鷹揚蹈厲用濱海之國簡其禮易其俗凡管子所稱參國之法輕重

之議鹽鐵之利太公當創謀略具躬與施設遺諸後世當是時成王命太公曰東至海西至河南至穆陵北至無棣五侯九伯實得征之齊之爲霸國蓋自太公始也管子修先公之舊政恢一匡之大烈因其勢導其利宜其才豈可誣乎故漢志太公二百三十七篇管子八十六篇俱列道家明其相一三代之際春秋之時道各有出治各有祖尙未有公擅法制變易天下者以孔子之聖志在復周公而已曰吾從周吾不復夢見周公故孔子述周公者也管子者續太公者也世多疑管子用霸易王莫原其終始故綴而論之

汪穉卿先生墓誌銘

林紓

嗚呼吾友錢塘汪穉卿先生沒六年矣丙辰夏其弟詒年以書至京師請余銘其墓余感先生慷慨大節不竟其志事爲可悲也因爲誌之先生諱康年穉卿其字也

晚年復自號曰恢伯。謂灰心時事也。父養雲公。母關宜。人大母關太夫人。晚年得先生。喜甚。願生甫涉月。洪楊兵入杭州。遂避地湖州之新市。迨長。英博驚其長老。養雲公以知縣需次。卒于嶺南。先生已補博士弟子員。除喪以優行第第一。爲優貢生。明年中式。主試者爲順德李公文田。詫爲奇才。將置第一。以第三篇爲離騷體。梗於衆議。抑置第六。庚寅。應南皮張文襄公聘。教授其二孫。壬辰。捷南宮。甲午。補應廷試。列三甲。時我師燿于大東溝。先生大憤。計非變法。不足圖全。乃立時務報于滬。上招梁任公主編輯。議論一出。舉國傾靡。以爲得未曾有。先生著自強三策。弁其端。力言中國宜伸民權。重公理。尙創作。而賤安閒。尙改革。而賤守常。開利源。求新學。宣達民性。振奮士氣。欲化愚弱爲明強。非立議院。選議員。不可。時執政大老。惡言民權。而先生仍侃侃力持之。毋懈。旋改爲中外日報。益風行海內。西人爭譯述其說。詫爲公允。故四明公所事起。旅滬之寧人。爭出與外人。

撓抗。而無抵冒。殊并之舉。因先生言。用公理。以自勝也。庚子亂。稔中外。騷然。先生著論。歸獄政府。言排外之舉。其恠毒。蓋出于有所激。咎不盡在國民。西人頗聽其語。拳亂既弭。俄師久駐陪京。先生合同志。力爭於政府。雖不效。然西士咸歎異。以爲中國固有人在也。甲辰。關太夫人服闋。入都。授內閣中書。丁未。復設京報于都下。時老奸擅國。某某飾名。妹楊翠喜。以媚其子。賸金鉅萬。遂得黑龍江巡撫。先生惡其無恥。於報中。抉摘其醜。經言官論列。某遂罷斥。于是權貴憾入骨髓。嗾某部封禁其館。先生終不以是自餒。復設芻言報。持論益嚴。正顧莫能救。而辛亥九月。武昌事起矣。時先生已病。羸徙居天津。聞朝議起用項城。默然就枕。夜午。患作。遲明。大漸時。爲九月十三日。先生卒。年五十有二。歲。生平建議。不主激烈。一一中于時病憂國之心。至死無變。願乃摧挫。不能一展其意。沒之日。余曾一臨其喪。配王夫人。前卒。續娶陳夫人。均無子。以弟子某嗣。貽年書來。言既葬于某。

山。余。因。為。補。其。銘。曰。

魁。清。以。澄。濁。而。奮。者。胡。覺。朋。挺。忼。醜。日。斷。斯。特。立。不。輔。  
身。焉。托。餽。許。務。以。過。過。乃。莫。抵。乎。羣。蓋。純。節。弗。遂。而。國。  
以。不。藥。嗚。呼。城。可。燒。金。可。燻。萬。禩。弗。瞑。此。忠。魄。

詩

題。章。直。州。銅。官。感。舊。圖

陳。寶。琛

天。人。交。勝。一。子。定。成。敗。何。常。死。生。命。湘。鄉。宏。毅。聖。者。徒。  
勛。業。所。存。要。非。性。入。屯。出。險。特。原。往。得。喪。區。區。總。退。聽。  
當。時。設。竟。從。彭。咸。知。命。豈。非。順。受。正。多。君。手。援。在。天。下。  
假。以。護。持。偷。天。令。拯。危。惻。怛。寧。前。知。重。為。中。興。生。李。晟。  
山。川。再。過。戰。聲。在。箕。尾。已。歸。哀。感。迸。舍。生。自。是。儒。門。眞。  
恐。濟。留。查。兵。事。鏡。左。記。王。詩。各。有。激。目。擊。諸。難。足。旁。證。  
津。津。施。報。婦。兒。言。莫。澤。太。清。心。未。淨。

次韻奉酬完巢老弟

前。人

犬。患。吾。情。正。有。身。異。於。禽。獸。始。為。人。憂。來。老。我。難。歸。隱。  
書。至。知。君。又。食。新。未。死。髮。膚。終。自。惜。平。生。肺。腑。幾。相。親。

亂。棋。半。局。須。看。竟。萬。一。殘。年。作。幸。民。

海。藏。樓。雜。詩

鄭。孝。胥

酒。樓。燈。下。飯。飛。蟲。爭。投。盤。肥。濃。久。見。欺。腹。疾。驚。夜。寒。味。  
爽。起。盥。漱。朝。飢。得。澄。觀。五。味。初。無。根。屏。除。豈。為。難。泊。爾。  
忽。見。道。蕭。然。罷。晨。餐。麥。稜。足。自。活。捫。腹。殊。閑。安。百。邪。寧。  
妄。侵。有。欲。眞。吾。患。辟。穀。雖。未。能。不。食。乃。金。丹。

崑。仙。降。滬。市。涉。江。往。觀。之。坊。神。忽。關。白。靈。眞。當。泄。斯。須。  
與。稱。洞。寶。字。若。風。雨。馳。笛。聲。吹。江。城。一。字。已。小。奇。浪。盡。  
為。蒼。生。六。言。次。猶。疑。坤。乾。妙。用。韻。暫。嗟。還。涕。淚。將。亡。聽。  
於。神。我。意。不。欲。為。哦。詩。三。太。息。回。仙。良。吾。師。（天津路  
富。康。西。里。巷。尾。樓。上。有。扶。乩。者。呂。洞。賓。留。詩。曰。梅。花。玉  
笛。吹。江。城。春。滿。蘆。瀟。醉。上。仙。我。為。蒼。生。流。盡。淚。更。無。良  
法。轉。坤。乾。涉。江。旁。觀。大。驚。）

秋。分

前。人

碧。雲。翻。墨。墜。秋。光。殘。暑。長。廊。一。雨。涼。松。竹。欲。成。樓。漸。隱。  
陰。晴。數。變。桂。初。香。隨。波。籍。湜。應。俱。叛。易。暴。夷。齊。故。不。忘。

巖。登。高。新。強。起。霜。風。好。爲。作。重。陽。

丙辰重九

前人

雲。飲。吳。天。日。愈。涼。風。生。雁。影。氣。初。霜。添。衣。猶。覺。樓。難。倚。  
入。肆。翻。樽。酒。未。嘗。短。髮。誰。從。藍。田。客。（杜有九日藍田  
置氏莊詩）放。歌。聊。試。接。輿。狂。栖。遲。自。是。違。天。者。莫。爲。  
違。人。訝。海。藏。（陳仁先自西湖寄書云聞九日逸社有  
高會先生購馬于何處登覽耶）

次韻酬劍丞過滬上舊居寄懷

陳三立

門。前。青。松。枝。縛。作。掃。塵。帚。塵。入。溪。水。流。蜂。蝶。滿。晴。牖。廢。  
書。屬。有。念。一。凡。古。無。偶。開。闔。見。憶。篇。幻。影。疊。邱。阜。故。椽。  
殘。紙。堆。罪。言。中。八。九。臥。疾。十。日。雨。子。爲。裹。飯。友。作。癡。認。  
巢。痕。身。亦。栖。栖。久。

重九日逸社諸公於哈同園登高詠九言屬遙和

一篇

前人

煩。窺。律。兀。伏。處。無。與。娛。坐。玩。溪。光。山。影。相。縈。紆。鴉。鳴。鷓。  
噪。暖。乘。風。日。處。而。我。拒。戶。獨。酌。掀。髯。須。回。首。故。儕。招。邀。

作。重。九。令。辰。媿。負。塵。隔。挈。榼。俱。哈。同。之。園。勝。絕。冠。海。甸。

醵。池。虹。棟。怪。麗。塗。金。朱。况。有。桂。蕊。千。株。叢。菊。映。依。依。奇。  
冠。雅。步。翔。魁。儒。登。樓。逢。迎。秋。風。一。萬。里。蓬。萊。方。丈。綽。約。  
雲。氣。轟。赫。然。雌。蜺。連。蟠。犯。日。馭。妖。狐。山。鬼。叫。嘯。爲。朋。徒。  
仰。天。嘆。暗。所。託。更。何。世。且。保。旦。暮。對。酒。留。殘。軀。一。時。哀。  
歌。狂。嘯。動。閭。闔。莫。問。飄。鷓。斷。雁。啼。江。湖。

靈石巖

曾習經

蒨。蕩。青。蔥。竹。柏。間。郊。游。首。數。六。鄉。山。乾。隆。舊。剎。重。經。眼。  
康。樂。新。詩。故。汗。顏。社。後。川。原。風。物。美。雨。餘。巖。溜。水。聲。潺。  
疏。鐘。遙。度。須。彌。頂。一。樹。棠。梨。半。揜。關。

過汪吏部故宅

前人

平。生。汪。吏。部。寂。寞。見。心。期。贈。對。陶。公。宅。誰。營。孺。子。祠。疏。  
松。猶。礪。礪。秋。菊。少。華。滋。寥。落。貞。元。士。同。誰。共。此。悲。

雨後湖上

俞明震

水。鳥。無。聲。風。滿。亭。起。看。微。月。在。南。屏。雲。山。款。我。秋。前。雨。  
露。葉。如。沾。曙。後。螢。思。逐。遠。鐘。同。脈。脈。身。經。殘。夢。但。冥。冥。

養心漸喜知茶味。預汲寒泉入夜瓶。

中秋日約同人飯於法相寺

前人

涼雨霏霏釀桂天。寺樓衣薄欲裝綿。客真淡泊渾忘敬。僧解周旋即是禪。儘有寒山期晚歲。更無明月記今年。餘生甲子山中曆。看到秋花始惘然。

九日一首

陳曾壽

杜老佳辰對翠盈。盜陶公九日關持膠。幽憂不出古人下。極目依然天界高。莫菊暫酬秋寂寞。江山定覺氣蕭颯。舊京餅字無消息。斷雁西風首重搔。

九日同人各攜酒看至龍井登高 前人

紅飯杯盤野興長。招提蕭散作重陽。坐深潭影閒雲過。望淺秋暉暮氣涼。却笑清遊貪寂住。翻因高處怯蒼茫。今年今會還如此。濁漚何辭奠侍郎。(于晦若侍郎墓在龍井左近)

廬江雜詩一首

陳詩

傘家千樹桐。慣向春風綠。低柯不盈丈。漫天張翠輦。昨

歲我云歸。偶為桑下宿。恰逢桐花開。白如玉簇簇。幽會

靜不喧。花落耳微觸。樂此靜者趣。欲去還往復。主人重

貨殖。謂此十年蓄。落實當深秋。一樹珠一斛。養生有內

外。既富方式穀。瘠土使人貞。好山勝華屋。(俞邨桐)

邑南有小岡。神寺名亦詭。華屋久山邱。神靈何栖止。惟

餘土穀祠。沿歷五百祀。神曰廬江侯。德名何為氏。事蹟

史已湮。膏澤民舊紀。春秋隆報享。馨香雜蓬蓋。水旱紛

禱祈。侯兮昔疆理。朱明無炊火。孝陵此並峙。我民懷有

仁。列辟宜視此。感激丁叟。(拙儒丈)言拾遺聊述是

(何德祠)

詞

西河

徐珂

孫谷級秋思集題辭 谷級曾拈黃仲則舊題

賦都門秋思四律因并同人和章刊為秋思

集藝社第七課以之徵題

歌舞地。銅駝幾閱興廢。蓬萊宮闕。易生塵。暮鴉四起。夕

陽。猶。自。戀。江。亭。秋。聲。搖。動。葦。葦。搔。短。鬢。闌。獨。倚。頽。年。  
書。劍。留。滯。庾。郎。詞。賦。鬱。清。商。似。聞。鶴。唳。待。憑。客。燕。話。滄。  
桑。西。山。依。舊。寒。翠。酒。酣。擊。筑。弔。易。水。望。燕。臺。雲。樹。千。  
里。予。出。京。十。五。年。矣。我。亦。悲。秋。身。世。更。驚。心。曙。色。寒。  
催。笳。吹。殘。夢。重。尋。雞。聲。裏。

鎖窗寒(詠簾)

陳寅恪

鳳。節。妨。香。鸞。花。薄。媚。親。珠。深。裏。瑤。街。靜。擁。漱。漾。夢。痕。難。  
掃。紺。風。絲。晴。廊。燕。翻。石。泉。金。點。疑。沾。抱。最。玉。樓。十二。銀。  
河。涼。挂。碧。笙。吹。曉。窺。笑。當。年。少。記。高。捲。南。薰。神。仙。人。  
妙。橫。街。放。夜。坐。送。千。門。歡。鬧。更。玲。瓏。遙。倚。未。眠。夜。情。密。

意。飛。不。到。幾。花。時。省。識。春。風。宰。地。銀。鈎。悄。

破陣子

前人

頽。玉。秋。香。樓。底。裁。雲。粉。絮。簾。前。莫。把。尋。常。花。月。恨。譜。入。  
鈿。箏。舊。雁。絃。春。城。話。可。憐。一。自。蘭。橈。催。發。幾。回。荔。浦。  
情。牽。錦。被。半。堆。金。線。暗。冷。落。閑。門。逐。繡。轡。東。風。伴。醉。眠。

浣溪紗(早春作)

前人

伏。枕。鏷。煙。睡。起。遲。小。山。殘。雪。欲。來。時。鬢。邊。風。信。玉。梅。枝。  
來。往。江。城。惆。悵。客。淚。痕。和。墨。教。題。詩。洞。房。空。想。碧。螺。卮。

(正誤)前號文苑內「奇和石遺登海天閣」「題初安盜麓歸耕圖」兩詩均係陳寶箴作誤為

陳寶箴特此更正

# 小說叢證卷一 (續前號) (禁止轉載)

諸暨蔣瑞藻孟潔輯

南戲始于宋光宗時永嘉人作貞女王魁二傳。或曰濫觴于宣和。狀自南度始盛行。時曰永嘉雜劇。又曰鶻伶。其始皆用宋詞。而益以里巷歌謠。不盡叶宮調。士大夫少留意者。元初北曲流行。風靡南土。宋詞遂絕。而南戲亦衰。順帝時稍稍復興。終不逮北曲。及永嘉高則誠造琵琶記。新詞妙律。冠絕當代。卓然與北曲並峙矣。(曲苑叢談)

臧晉叔云。自高則誠作琵琶記。首為不尋宮數調之說。以掩其短。世遂謂曲嚴于北。而疎于南。而徐文長則謂此正則誠高處。則誠辟亂四明樓社。撰琵琶記。坐臥一小樓。二年而后成。其桌按拍處。板皆為穿。亦非不知律者。(同上)

朱竹垞靜志居語。高明字則誠。顧仲瑛輯元者舊詩。為玉山雅集。中議高則誠作。傳其長才碩學。為時名流。

可知則誠不博目。習曲擅美也。蔣仲舒堯山堂外紀。謂撰琵琶記者。乃高拭。其字則成。別是一人。涵虛子曲譜。有高拭而无高明。蔣氏或有所據。按琵琶記為高則誠撰。舉世皆知。今觀此則又有異說矣。(茶香室三鈔)

靜志居詩話又曰。楊廉夫有送沙可學序。其略曰。某官來總行省事。求从事掾之賢能者。首得一人也。曰沙可學氏。又得一人焉。曰高則誠氏。又得一人焉。曰葛元詰氏。三人者用。而浙俯治。狀則高明兼以政事稱矣。(同上)

王暉今世說。載嘉興王翊字介人。少失學。論孟不卒讀。識字而已。弱冠偶覽琵琶記。忻狀會意。曰。此无難。吾亦能之。即據按咿唔學填詞。竟合律。自后學不稍解。工詞曲。遂能誣。所著二槐少存。有前路夕陽外。行人背山。中句。為陳子龍所賞。此豈琵琶記所有邪。滄浪論說。謂誣。



有別才。洵已。朕此不過天機偶爾。湊泊得魚得兔。筌隲  
久弄。若必從此中求文章。則是金聖嘆一流見識矣。  
(九九消夏錄)

### 三國志衍義第十三

明人作琵琶記傳奇。而陸放翁已有滿村都唱蔡中郎  
之句。今世所傳三國衍義。亦明人作。朕東坡集記王彭  
論曹劉之澤云。涂巷小兒。薄劣爲其家所厭苦。輒與數  
棗。令乘坐。聽說古話。至說三國事。聞玄德敗。則嘔噎有  
出涕者。聞曹操敗。則喜躍暢快。以是知君子小人之澤  
百世不斬云云。是北宋時已有衍說三國野史者矣。又  
李義山驕兒詩。或聽張飛胡。或笑鄧艾吃。似當日俳優  
已有以益德爲戲弄者。(交翠軒筆記)

關西故事。載關公本不姓關。少時力最猛。不可檢束。父  
母怒而閉之後園空室。一夕。啓窗越出。聞牆東有女子  
啼哭甚悲。有老人相向而哭。怪而排牆詢之。老者訴云。  
我女已受聘。而本縣舅耶。聞女有色。欲娶爲妾。我訴之

尹。反受叱罵。以此相泣。公聞大怒。仗劍徑往縣署殺尹。  
並其舅而逃。至潼關。聞關門圖形捕之甚亟。伏于水旁。  
掬水洗面。自矜其形。顏色變蒼赤。不復認識。挺身至關。  
關主詰問。隨口指關爲姓。后不復易。東行至涿州。張益  
德在州賣肉。其賣止于午。午后即將所存肉。下縣井中。  
舉五百斤大石掩其上。曰。能舉此石者與之肉。公道至。  
舉石輕如彈丸。攜肉而行。張追及。與之角力。相敵莫能  
解。而劉玄德賣肉履亦至。從而御止。三人共譚。意气相  
投。遂結桃園之盟云。語多荒誕不經。殆演義所由出與。  
(歸田瑣記)

三國志衍義言王允獻貂蟬于董卓。作連環計。正史中  
寔无貂蟬之名。唯董卓傳云。卓嘗使布守中閣。布與卓  
侍婢私通云云。李長吉作呂將軍歌云。檣檣銀龜搖白  
馬。傳粉女郎大旗下。蓋即指貂蟬事。而小說從而演之  
也。黃右原告余曰。開元占經弓三十三。旻惑犯須女。古  
注云。漢書通志。曹操未得志。先誘董卓進刀蟬以惑其

君此事異全不可考。而刁蟬之即貂蟬。則確有其人矣。漢書通志。今亦不傳。无目斷之。(浪跡續談)

三國志演義言關公有裨將周倉甚勇。而正史中寔无其人。惟魯肅傳云。肅邀與關相見。各駐兵馬百步。上但諸將軍單刀俱會。肅因責數關云。語未究竟。坐有一人曰。夫土地者。惟德所在耳。何常之有。肅厲呼呵之。詞色甚切。關操刀起。謂曰。此自國家事。是人何知。目之使去。疑此人即周倉。明人小說似即因此而演單刀二字。亦從此傳中出也。狀元人魯貞作漢壽亭侯碑。已有乘赤兔。分从周倉語。則明目前已有其說矣。今山西通志云。周將軍倉。平陸人。初爲張寶將。后遇關公于臥牛山。遂相从于樊城之役。生禽龐德。后守麥城死之。亦見順德府志。謂與參軍王甫同死。則里屈事跡。卓狀可紀。未可目正史偶遺其名而疑之。又王械秋證叢話。周將軍倉殉節麥城。而墓无可考。稽其遺跡。卽長坂坡。曹劉交兵處焉。因訪麥城故址。在呂東南四十里。久被沮水衝

坍成河。僅存堤埝。名曰麥城堤。有任生者。夢將軍示以葬所。遂告知縣陳公。掘其地。深丈許。露石墳一座。頗堅古。乃掩之而封樹其上。植碑以表焉。或有疑任生之作僞者。夫去墓丈餘。烏知有墓。且一經掘。昭狀不爽。英靈所格。豈子虛哉。(同上)

玉泉山。在當陽西三十里。形如覆舟。疊嶂回環。飛泉迤邐。爲四大名山之一。山麓有寺。剏自隋開皇間。有禪師智顛者。來自天台。愛此山佳勝。欲建寺。而沮洳旋遶。无基可卜。乃入定喬木之下。見金甲神謂曰。余漢壽亭侯也。願捨此地爲挂錫處。請安禪七日。以觀其效。至期之夕。万壑震動。風呼雷赫。化湫潭爲基址。而寺果成。事上隋主。賜額玉泉。其說載山志及呂乘中。前明孫松山作關廟記。謂浮屠立不經說。目侯願護法玉泉。誣侯寔甚。余宰當陽。詢諸父老。皆稱其異。且云掘墓尺餘。卽水。試之良狀。又理之不可解也。寺東爲顯烈廟。有等表。勒漢壽亭侯顯烈處。蓋因帝顯聖建寺。目倉神功者。三國衍

義謂帝殉節后。顯聖于普淨禪師。攻之志棄。並無其事。未知何據。(殊證葉語)

王允與呂布謀誅董卓。初无煩人預其事。惟后漢書呂布傳曰。卓以布爲騎都尉。誓爲父子。甚愛信之。嘗小失意。車拔手戟擲之。布拳捷得免。由是陰怨于卓。卓又使布守中閣。而私與傅婢情通。益不自安。狀則鳳儀擲戟。俗傳固出有因。而所謂貂蟬者。殆卽因婢事而附會成之也。後漢書董卓傳。卓朝服升車。旣而馬驚墮泥。還入更衣。其少妻止之。卓不从此。少妻當別一人。非卽呂布所通之傅婢也。至呂布妻不詳何人。三國志呂布傳注。引英雄記曰。布見備甚敬之。請備于帳中坐。婦牀上令頰向拜。酌酒飲食。又云。建安元年六月夜半時。布將河內郝萌反。將兵入布廬。治下邳府。詣廳事閣外。同噴大呼。布不知反者爲誰。直牽頰。科頭袒衣。相將從。濶上排壁出。詣都督高順營。又曰。布欲令陳宮高順守城。自將騎斷太祖糧道。布妻謂曰。官順素不和。將軍一出。官順

必不肯同心共守城也。如有蹉跌。將軍當於何自立乎。妾昔在長安。已爲將軍所弃。賴得龐舒私臧妾身耳。今不須顧妾也。布得妻言。愁悶不能自決。是布固唯頰言是用。狀不知妻爲誰氏也。又關雲長傳注。引蜀記曰。曹公與劉備圍呂布于下邳。雲長啓公。布使秦宜祿行求救。乞娶其妻。公許之。臨破。又屢言於公。公疑其有異色。先遣迎看。因自留之。雲長心不自安。據此則呂布妻必美。且又牽涉關公。雜劇有關公月下斬貂蟬事。亦因此附會也。(小浮擘閒話)

魏叔子曰。錄云。料事者先料人。能料愚者不能料知。能料知者不能料愚。余嘗覽三國衍義。孔明于空城中焚香掃地。司馬懿遇之而退。若遇今日山賊。直入城門。捉將孔明去矣。未子之言良是。狀孔明空城一事。自出郭冲所紀諸葛隱謀五事。非盡演義之說。冲之廬記不確。裴松之蜀志已駁之。惟通鑑蕭承之事。乃絕相類。元嘉中。魏攻涉南。太守蕭承之。備數百人御之。魏衆大集。

承之使偃兵開門。衆曰：賊衆我寡，奈何？輕之承之曰：今縣守窮城，事已危恐，若復示弱，必爲所屠。唯當見疆以待之耳。魏人疑有伏兵，遂引去。此殆聞冲之說而用之者與。（松爐小錄）

俗傳關公善用刀。至今有關刀之名。攷之正史，張益德之用矛，則洵有之。本傳云：先主奔江南，曹公追之一日一夜，及于當陽之長坂，飛據水斷橋，瞋目橫矛曰：身時張益德也，可來共決死。此張益德用矛之證也。關公本傳无一刀字。傳云：紹遣大將軍顏良攻東郡太守劉延於白馬，曹公使張遼及羽爲先鋒擊之。羽望見良，麾蓋策馬刺良于萬衆之中。按周禮攷工記：刺兵欲无娟，鄭注云：刺兵，矛屬。古人用字精審，關公傳既用刺字，則其殺顏良，疑亦用矛。若用刀，必不云刺也。吳志魯肅傳：肅住益陽，與羽相距，肅邀羽相見，各駐兵馬百步上。但諸將軍軍刀俱會，此却有刀字。狀恐是佩刀爾。明章漢圖書編軍器類中，列鞭鏑二圖，稱鞭爲尉遲敬德所用，鏑

爲秦末寶所用。識者譏之。世稱關刀，殆亦秦鏑尉遲鞭之類也。（按陶弘景刀劍錄云：關雲長爲先主履重，不惜身命，自采都山鐵爲二刀，銘曰萬人及雲長，敢惜刀投之水中。關公有刀，此其一證。狀似是佩刀，又其刀凡二，與衍義所謂青龍偃月者不合。惟明包汝楫南中記聞：戴荆門州南十五里，峯名掇刀石，有關帝廟，神坐右偏，帝所用大刀，插石巖上，搖之則動，提之不能起。廟僧云：重一百八十斤，刀桿圍可七八寸，刀脊甚厚，長一丈四五尺許，色澤蒼紺，體式精緻，雄壯，又似關公寔有大刀矣。未知足據否。）又考殺顏良事，見本傳。至文醜則非關公所殺。魏志武帝紀云：紹騎將文醜與劉備將五六千騎前后至，縱兵擊，大破之。斬醜。世以顏良文醜並關公所殺，非事寔矣。（案洪邁容齋二筆有云：關公手斬袁紹二將顏良文醜于萬衆之中。知宋時俗傳已如此。衍義非无原本者，狀曰景盧之博洽，而歛有此失，何也。）又殺良醜在建安五年之六年。紹使劉備略汝南。

汝南賊共都等應之。遣蔡揚擊都不利。爲都所破。是蔡揚事與顏良文醜事不在一年。世并以蔡揚爲關公所殺。更失之矣。諸葛武侯六出祈山。亦增飾之談。攷蜀志諸葛亮傳。建興五年。帥諸軍北駐漢中。六年。身帥諸軍攻祈山。馬謖爲張郃所破。亮拔西縣千餘家。還于漢中。此一出也。是年冬。亮復出散關。圍陳倉。曹真拒之。亮糧盡而還。此再出也。七年。亮遣陳式攻武都。陰平。魏雍州刺史郭淮帥眾欲攻式。亮自出至建威。淮退。還遂平二郡。此三出也。九年。亮復出祈山。糧盡退軍。此四出也。十二年。亮帥大衆由斜谷出。據武功五丈原。其年八月。亮疾病。卒于軍。此五出也。然則亮自出伐魏。止有五次。且惟第一次第四次至祈山。則六出祈山。非事寔矣。后主傳。建興五年春。書丞相亮出屯漢中。六年春。又書亮出攻祈山。目亮本傳攷之。此實一役。蓋自五年出。六年還也。俗傳六出。或卽因後主傳分書兩年而致誤耳。（同上）

宋范公稱過庭錄曰。忠宣守信陽時。漢上有巨賊曰羅。壘擁衆直壓郡界。忠宣集郡僚謀守御。皆懦怯。无敢當者。有酒吏秦生請行。獨以數十騎直對敵壘。賊副小關索者。領十餘騎。飲馬河側。秦射中賊關索心而死。賊衆竄走。世俗目關索爲漢前將軍之子。寔无其人。乃宋時盜賊中卽有小關索之名。卽其流傳亦遠矣。（茶香室叢鈔）

雲南孟密安撫司。卽漢孟獲之地。朝廷每歲取辦寶石于此。其地夷俗鬼術甚怪。有名地羊鬼者。擅能以土木易人支藏。當其易時。中術者不知也。馮其術數。几肯而發。發則腹中痛矣。痛至死而五藏盡爲土木。或惡人不深。但易其一手一足。其人遂爲殘疾。又有名撲死鬼者。唯欲食人屍骸。人死。親朋金鼓防之。少或不嚴。則鬼變爲禽獸飛虫。突入而食之矣。皆不可目理喻者。嘗讀衍義三國志。諸葛亮七擒孟獲。蠻巨多有怪術。于今驗之果然。今孟獲子孫尙餘。（七修類稿）

三國演義記于吉事甚怪異。按北齊顏黃門之推還宛  
記云。漢孫策既定會稽。引兵迎漢帝。時衛人于吉在策  
軍中。遇天大旱。船路艱澀。策嘗自出督責軍中人。每見  
將士多在吉所。因憤怒曰。吾不如吉。遂收吉縛置日中。  
令其降雨。如不能者。便當受誅。俄頃之間。雲雨滂沛。未

及移時。川澗涌溢。將士頻來賀。求免吉死。策轉忿恚。竟  
殺之。因是策頗異常。每彷彿見吉。復射獵為刺客所傷。  
治療將差。引鏡自鏡。鏡中見吉。顧則亡之。如是再三。象  
撲鏡大叫。瘡皆崩裂。須臾而死。羅氏政自有本。稍點綴  
耳。(花朝生筆記)

(未完)





# 內 外 時 報



## 肥人衛生論 進步雜誌譯美國柯生原著

體肥問題。為近日言衛生者所注重。夫肥者常人之所欣羨也。雖然。此僅為未肥者之理想而已。已肥者莫不苦以爲苦。徵特肥則體重。不良於行。且一切動作。均感遲滯。雖外視甚健。而往往有猝亡之病。以其體中所聚之物質過多。積而不用。易爲病毒所乘也。壽險公司。見肥者投保。常婉言卻之。蓋謂肥亦病之一種。絕非健徵。而年齡在三十五以外者。危險益甚焉。

二年前。有自署麥特氏者。著一研究體肥之書。湯姆森氏爲之序。書中詳述體肥之害。與治療之法。及減肥之食單頗詳。願當時社會。猶未覺悟體肥之爲病。率一笑置之。至於今日。則書之銷行絕廣。所言亦著奇效。實行減肥。可以卻病延年。

證據鑿鑿。無庸置辨。所當研究者。乃如何減肥。始有衛生之價值。著者嘗徧謁當代有名科學家。生理學家。衛生學家。及減肥之實驗家。集其言論。萃作此篇。以供讀者之探索。

人之求減肥者。大率以不飲食或少飲食。爲惟一秘方。此大誤也。減肥自減肥。飲食自飲食。惟於飲食之種類。宜加慎耳。按麥氏書。凡食物之富有小粉糖質脂肪醇酒等質者。皆能令人體肥。故減肥者有當除之食物九類。(一)豬肉火腿及一切富於脂肪之肉類。(二)麵包餅乾及一切麥粉所成之品。(三)米類薯玉蜀黍扁豆等。(四)牛乳酪乳油等。(五)橄欖油及一切油類。(六)雞蛋餅肉包子等。(七)冰牛乳及富含糖質之沙打水。(八)糖菓及蜜漬之物。(九)一切酒類。以上九類。皆體肥者所宜屏絕也。或曰尋常食物。舍此九類而外。更有何者可果口腹乎。則麥氏之書亦詳列之。如早餐則可啖各種生熟之果。與未加牛

乳之咖啡。飲其甘。亦可少和砂糖。每二星期中。可食半熟之鷄卵二次。午餐晚餐。則凡肉類之脂肪較少者。如禽類魚類。無不可食。菜蔬除所指出者外。若青菜番茄黃瓜香蕈等。不勝枚舉。而水果中。香蕉葡萄之外。亦均無害。

麥氏又云。食不宜多。不饑不必食。不渴不必飲。如必需麵包。則烘而後進。於食物之外。尤要者。睡眠不宜過多。步行不宜過少。運動為無上減肥妙法。而宜戒劇烈。人果能一一遵此以行。則三月之內。必能減其體重自二十磅乃至二十五磅。須知人之體肥。一原因為食物。一原因則為多眠。起遲息早之習慣。當矯正之。他若樂觀與正當之生活。關係亦甚大。運動斯以行。必獲顯效。

麥氏書之大意。略如上述。而其序文中。尤有一奇語曰。自科學家之眼光觀之。世界最大之慘劇。莫過於肥人持預囊而嘆之。其意謂囊中富有小粉。能令人肥。其人既肥而復嘆囊。則更益增肥。將有不測之險發生。其語雖怪僻。而理則甚顯也。威爾密勒氏者。美國紐約城衛色特青年會之體育幹事也。生平所治療之體肥者。為數甚多。或曰威氏之化除人身脂肪。其量等於一肥皂廠之牛油。非戲語也。著者耳其名。爰踵訪之。會居紐約城之邊境。房屋八層。威氏之應接室。則在屋之一隅。而鄰於健身房。健身房中。喧囂至甚。威氏導觀之。則練體者多至百數。體肥者甚多。皆商界與職業之屬於靜坐者也。威氏自稱從事於減人體肥者。已二十年。初無不能減之肥。而肥之

原因。含其器官中有特種病症外。則必為多食多坐多睡。而少治事。故肥者。懶之結果也。其治療方法。不外乎運動。其運動亦不必劇烈。蓋肥為病。病則於劇烈運動為不宜。第求其稍出汗。能疏解肥質。而漸施以化除作用。以排洩之而已。此其官頗與麥氏之主張相同。惟麥氏慎選食物之說。則威氏非之。威氏曰。按麥氏之食單。全除含有脂肪小粉之食物。而專取多生酸質者。酸固可以致瘦。然積酸過多。亦不免受其毒。殊非適中之道。且脂肪小粉等質。為人生營養之不可少者。肥者之誤。在於食之過多。今因噎而廢食。則失之不及矣。所幸讀麥氏書者。於其食單。鮮能作嚴格之遵守。故尚無影響。非然者。害其可勝言乎。若夫威氏之主張。唯一目的為運動。其言曰。世界萬事成功於努力。減肥無他。亦曰努力而已矣。

耶魯大學健康學教授費希耳氏者。美國延壽會健康部之部長也。以研究健康為專職。按其主張。則人體之所受取者。宜與其所耗費者平均。故人體之肥。苟非水腫心病腎病甲狀腺分泌腺等症者。則必為多食與少運動之結果。人食若干。則有溫素若干單位。供其動作之用。然苟多食五百單位溫素或少用五百單位溫素者。則此溫素將自化為脂肪。而堆積於體中。故減肥之道。可以簡單之算學得之。即量所進之溫素而用之。或量所用之溫素而進之。勿貪勿惰。肥自遠離矣。

依費氏之言而減肥者。甚易且效。美國前總統塔夫脫其一也。塔氏之證言曰。余自一九一五年三月四日。立志減肥後。以



於今。體重凡減七十五磅。其法每日不多飲水。晚餐時始進一  
二杯。麵包與粉之食物。牛乳與油類。完全極絕之。豬肉小  
牛肉與多油之魚。各種糖菓。亦力事遠避。所進者。僅牛羊之  
肉與禽類耳。而菜蔬則含積毒外或食之。水菓之富糖質者。不  
敢多進。更日行緩和之運動。如球戲行路等。凡數小時。須知  
人之減肥。勿求其驟。驟則傷心臟之肌肉。必致於病。非福也。  
尤宜常近名醫。時加檢驗。取食物種類。與之斟酌而定之。誠  
能十日或二星期。作一次之檢驗。而遵行其所指示者。則體肥  
自減。而健康自至。至煙酒本為害物。體肥者自當戒除。不待  
言矣。以上皆塔氏之說也。

人有於三十而後。往往體重日增一日。此決非佳象也。費氏  
曰。人生三十而後。其體重當保持恆度。固不宜減。亦不宜增。  
美國衛生學會總理菲司克者。年已四十八。嘗曰。余之體重。  
自三十歲以來。未嘗變更。自信能至七十而如故。余之所以致  
此者。第一加謹於飲食。而佐之者則適宜之運動也。凡體育專  
家。於減肥之法。大率相同。曰作簡易之運動。其次則進不生  
肥之食物與減食。故減肥法無他。慎飲食與運動而已。奈何世  
有以藥物主治者。至於禁食。則一二日猶或可為。久之。亦  
未有不受害者。蓋減肥法甚簡易乎。初無庸於奇立異也。

菲氏又曰。職務之為靜坐者其食料當含溫素二千五百單位。  
故人而苟能知各種食料所含溫素之多少。則量出為入。自無過  
肥過瘦之慮。且食物之貴賤。與所含溫素。並無相當之比例。

故能知溫素之量。亦可以求廉其食費。例如價值一角之糖。其  
所含溫素。乃與價值九圓之番茄相等。故與其購九圓之番茄。  
不如食糖一角之為得矣。

菲氏又曰。運動毋取其劇烈。劇烈亦能傷身。日行三四英  
里。或泅水。或遊山。於自然中而得運動之益。斯可矣。即飲  
食亦然。每飲咖啡加糖三方者。則減為一方。每餐進麵包二片  
者。則亦減其一。而薄其牛油。夫如是。初不感減肥之困難。  
而肥自減矣。

著者曾以湯姆森氏肥人嘆積毒之言叩之。菲氏意不盡爾然。  
曰理固無誤。特一薯之溫素。僅當一方半之糖耳。何至若其言  
之甚。故節則可矣。絕殊弗必。余意節飲食。乃減肥之要。以  
今日世界之日進文明。靜坐生涯。日增一日。非節飲食。必無  
以收衛生之效。若矯枉而過於直。則立說之較也。

康納耳大學醫科教授勒司克者。食物學之專家也。研究精微。  
而言論則主切實用。嘗謂人之體肥。由於食時所進溫素之適量。  
故減肥之法。減進多量溫素之物而已足。例如雞卵一物。誠富  
具營養料。願常人每食所得之溫素。其得自雞卵者。且不若雞  
包與牛油之多。則以價值較貴。食之多寡有不同也。勒氏又曰。  
職業之為靜坐者。日需溫素二千五百單位。如著作家繪畫家醫  
生縫工司計之類皆是。其次如製餅者牙醫製玻璃者。則常立而  
活動。需溫素三千單位。木工漆工。則需至三千二百單位。農  
夫三千五百單位。石工四千五百單位。最勞動者為伐木之人。

則非五千單位不可。至若運動比賽。終日馳驟。則需溫素一萬單位以上。然非常例也。故將各類食品所含溫素之量。列表廣為傳布。使人共喻。則按一己之職業。而自行調劑。甚為便易。勒氏有同志曰：難法脫者。會就尋常食譜。列一溫素與價值之比較表如下。

食品	溫素單位	價值
早餐 葡萄乾	七十五	一角
半熟雞卵二枚與加牛油之烘麵包	三百六十五	一角半
咖啡(加牛乳或糖)	一百九十五	五分
共計	六百三十五	三角
中餐 火腿麵包	二百	五分
牛乳一杯	一百四十五	五分
共計	三百四十五	一角
晚餐 濃湯	一百九十五	一角
小燻肉積薯及加牛油之麵包	九百六十五	三角半
蘋果餅	三百三十五	五分
咖啡(加牛乳或糖)	一百九十五	五分
共計	一千六百九十五	五角半
總計	二千六百七十九	九角半

上表為普通人之所食。大概如此。苟其人為靜坐職業者。則每日已多進溫素一百七十單位。日日累之。烏得不肥。故人苟如上表。每日減進一品。或少增運動。則體肥自減。而健康可

期也。

勒氏於肥人嘆積蓄之語。亦加非難。蓋薯中含有糖質。能排除體內之尿酸。甚有功用。至於含糖及小粉之食品。雖王張少食。而不贊成全絕。蓋此等物品。供給炭料。生人體溫。為工作時精力之來源。亦甚重要也。勒氏又言。麥特氏之食譜。非無效益。特價值絕昂。更非大都會不能致。求減肥者。不盡富人。於實用上殊困難也。

### 近世技術界之偉人 錄進步雜誌

#### 技術家之大事業

學問之要。在能實際活用。自有利於人世。苟學問而毫無裨益於人世者。可稱之謂死學問。不過一無用之長物耳。雖然。能實際應用此學問者為難。技術家是已。

技術家之根本。必以最新之學理。發見人世最有益之事物。蓋除發見以外無事業。即有事業。亦無價值之可言者。技術家也。故發見實為技術家之生命。特此之所謂發見。在於發見 Discovery 之中。含有發明 Invention 之意。是真技術家偉大之事業矣。

一國之工藝界。全恃技術家之發見。而益進步發達。社會之文明。恆與發見相伴而不可離。故世界之有希望。無非技術家以其腦力心血。發見事物之結果。而技術家最大之任務。不僅以世界已有之學問。應用於工業上而已。尤貴取未發見之新事

物。有益於人世者。想像或構造而出之。故無論其技術之如何優劣。苟無何等之創意。而惟知墨守前人之準繩者。吾人決不能認之爲大技術家。而其名猶不足垂於後世也。

尋常之技術家。毫無何等之新機軸。足以表異於他人者。其名必不能傳諸後世。今獨有一人於此。其技術上之學問。雖低微不足論。然有發見之一端。爲人世所需求。則人之對於其所發見者。必因物及人。而讚美之不已。其名遂於不知識聞。與其所發見之事。並傳不朽。下文所列舉技術界之偉人。孰不以發見爲其唯一之手段者乎。可以觀矣。

#### 富爾登與汽船

今日全球之上。無論相距之遠。有幾千萬里。重溟阻隔。風浪不時。而皆可於坐談之間。穩達彼岸。此極大之恩惠。出自何人所賜。不得不歸功於發明汽船之技術家。即富爾登氏焉。去今百餘年前。航行所利用者。悉恃帆船。試思以帆船而渡此茫無涯際之大海。其危險果何如。而以蒸氣行船之理。未有人發明及之者。自富爾登出。航海行之不便。立志欲造一船。用蒸氣力爲運動之具。日夕研鑽。致忘寢食。有嘲笑之者曰。鐵非重於水者乎。君以多量鐵造成之船。而藉蒸氣一機。鼓行於海上。其與夢想何殊。然富爾登對於此等嘲笑之聲。置若罔聞。依然熱心進行。數年之後。成一汽船之模型。浮之於水。方欲試其運轉。因製造未臻完善。其船竟沉沒於水中。他人當此。必灰心不復從事矣。然富爾登之決心。猶絲毫未減焉。幸

苦經營。不厭不倦。而世界第一之汽船。遂能試驗於哈德孫河上。往來自如。操縱甚便。而昔日之嘲笑。一變而爲驚歎。一無名之小技術家。竟一躍而成從古未有之大事業。功德之偉。與世無極。當斯時也。歐洲學問家之高出於富爾登者。不知凡幾。俱未計慮及此。致令北美一荒村中。農夫之子。因而成名。是亦大可異矣。

#### 史蒂芬生與汽車

百餘年前。英國之紐克司爾鄉。有茅屋數椽。屋外有牧場一。場中有一少年牧童。其名曰史蒂芬生。父爲附近某煤礦之雇工人。所入僅足糊口。家計如此。其子教育費之無著可知矣。以故史蒂芬生少時。未嘗一入學校。受初等教育。至十四歲。由牧童轉而爲坑夫。然自幼即好技術。嘗於工作之暇。以小刀造成一煙突之模型。翌年。自坑夫升入機械部。自慙無學問。乃決計專心苦學。以謀智識之增進。自升入機械部後。乃於日中勞動之外。每晚入夜學校以自勵。惟家極貧。中夜由學校歸。尙作修繕皮鞋之工。以助家計。如是者凡十年。

史蒂芬生之入機械部。凡礦中各機械之構造。服役既久。又經細心考察。乃無不一一精通。一日忽某機械破損。全礦工業將有停止之虞。雖由機師極力修繕。終不能如前之靈活而適用。礦山主聞彼精通有素。乃試命研究其故。史氏即熱心修繕者久之。竟得完全如舊。受礦山主非常之賞識。與以酬金十磅。更任爲本礦之機師焉。

自是之後。史氏益從事於機械學。嘗以蒸汽之力。既可運轉機械。何不運轉車輛。遂思製造一機關車。以蒸汽運轉之。行於鐵軌之上。其速率與載重。必能大有利於人世。於是處心積慮。為汽車之發明。不數年。居然如願。雖當日一時間。僅能行四英里。遠不若後來之進步。然如此大專業之發端。實肇於史氏。使人言及汽車。不能不聯想及發明之人。覺其以一貧家子。而卒能造福於世界人類。成爲一大技術家。無他。毅力與堅忍心而已。

### 摩爾司與電信機

今日大地之上。縱橫密佈。有如蛛網者。非電線耶。消息靈通。於一霎那間。得數萬里外之音訊。蓋自電信機發明以來。而世界傳信之狀態一變矣。尤奇者。發明此電信機之人。非專門之技術家。而爲一有名之美術家也。其人曰摩爾司。以擅長繪畫稱。惟於學校時代。嘗讀普通電學書。覺其非常有興。故每遇暇時。輒復研究及之。卒至發明此文明之利器。得最大之名譽焉。夫電力之能瞬息相通。靡遠弗屆。此在稍具電學初步之知識者。無不知之。何至惟一摩爾司。始能利用此性質。而有此大發明乎。是即偉人與凡人分別之點矣。

摩爾司發明電信機之觸動。實爲大西洋船中。某電學家之一夕話。蓋摩氏因研究繪畫事。赴歐洲考察。既而由歐返北美。渡大西洋。同船開電學家某之談論。心頗嚮慕。歸國後。乃盡棄其繪畫。裝色筆色板等。而專心從事於電信機之發明。積多

年之苦心。非許多之障害。更與種種困難力戰。始達於成功。而爲一大發明家。於世界進化史有光焉。噫盛已。

### 世界第一之時計製作者

大禮拜寺威司明斯德者。英國國葬之地也。凡古來著名之偉人。悉葬於此。其中有哲學家有大詩人。有政治家。有格致家。乃不謂時計師格蘭漢者。亦墓焉。然。有一位置於是間。不知者得無訝其不倫乎。

格蘭漢者時計師。而實時計之第一製造家也。英國格利集天文台。有名於世界。其柱上之大時計。即格氏所手造。在世界所有時計中。推爲最準確。蓋一百六十餘年前之製作物矣。此大時計之尤善者。爲其懸擺。蓋懸擺爲物。往往因溫度之變更。而生遲速之差異。於大時計上特甚。格氏深究其故。費種種之苦心。乃發明即懸擺之靈物。裝以水銀柱。遂奏無上之效果。同時又創造時計之齒輪調節機。自是而時計始達於完善。與世界人類以莫大之利益焉。

格氏發明。除時計之外。凡關於示天然之位置。及其方向等之機械。製作甚多。以之供獻於天文學家。而偉人之名。因之不減云。

### 發明金類抽絲之華修朋

金類抽絲。現今之需用甚多。無論何種工業。不用者殆稀。即如文明利器之電信電話。荷無抽絲極精之金類物。亦有不克應用之虞。發明此法者。爲華修朋氏。華氏世居於美國麥撒九

畫法之海岸。本一貧家子也。自幼失怙。全賴寡母之撫育。得不死。以貧甚。未受學校教育。年八歲。爲製造馬具者之徒弟。於學問一端。不過由其母授以初等教育之智識耳。天性好工藝。偶見珍異之機械。其心勃勃不可遏。必欲窮其奧妙而後已。於是終辭馬具師。而學鑄冶焉。

三十歲時。發明金類抽絲法。當時美國之金屬各絲。悉自英國購入。而各處需用既繁。頗感其不便。就美國論。微獨無製造此之工場。且其製造法。亦無有知之者。且金類絲中。尤惟製造細絲爲最困難。華氏以多年苦心研究之結果。創出一自備機。專供製造細金絲之用。每日每人。可造出五十磅。自後益益改善。數年之後。其業乃大發達。更設一大工場。而雇用人至千人之多。自是華推爲美國金絲製造者之始祖。而後世長記其名不忘云。

#### 培爾與電話機

現今推爲文明之利器。而最爲世人所重視者何。電話器是也。發明此電話器者。卽爲德國之物理學家拉伊司氏。裨益人世。功績甚大。然在發明之初。於實用上尙有缺點甚多。改善此種種缺點。而令此發明臻於完全有益之境者。更有培爾。

培爾生於英國愛狄拔拉。先入愛狄拔拉大學。後入倫敦大學。因勤學過度。漸損健康。乃移住坎拿大。旋復移住美國。入波斯登大學。爲聲音生理學教授。

嘗其居坎拿大時。見拉伊司發明之電話器。過於複雜。乃立

志改善之。苦心研究者多年。遂於一八七五年六月。製成第一培爾電話器。更改良之。造出第二電話器。翌年陳列於希臘但爾阿之萬國博覽會。而實驗之。約相距十三英里。尙得聞聲音。甚爲明悉云。

拉伊司之於電話器。雖爲創造者。然不適於一般之應用。自經培爾苦心改造之後。其器械乃一變繁複爲簡易。而價格亦日廉。於是培爾電話器會社之創立。其最初八年間。因器械之需用甚多。約股金需八百萬圓云。

培爾既得大發明家之名譽。旋擁有巨額之資產。各國政府。亦對於其學術上之功績。無不贈以勳章焉。

#### 麥古尼與無線電

有線電信爲摩爾司之發明。前已言之矣。而發明無線電信者。則爲麥古尼。

麥古尼於一八七四年。生於意大利。入博洛尼亞大學。研究電氣學。以爲電氣者。決由以脫爲媒介。故能於一秒時間。傳播七萬六千里之速度。遂依此理。發明無線電信。時在一八九三年間。麥氏方十九歲也。一八九六年。又於博洛尼亞大學。發明一種電波無線電信機。擇地於博洛尼亞市外試驗之。其裝置先頗簡單。於竹竿頭懸以鐵葉箱。卽爲容電器。全器形如玩具。然成績頗佳。據當時以實驗報告於英國遞信長官勃里斯之言曰。以容電器懸於二米之竿上時。通信距離可達三十米。懸於四米之竿上時。通信距離可達百米。更懸至八米之高。則可

遠達至一英里有半云云。

麥氏抱此自信。即於同年七月。運其試驗之器械。赴英國倫敦。願以其器械願。稅關吏不察。直認之爲無政府黨員所用之暗殺機。將其器械破壞之。麥氏絕不改其初志。訪勃里斯而得其贊助。更熱心從事於此。其第一次之試驗。通信距離。僅爲二英里。由二里而五里而八里。至翌年末。遂得於十八英里之距離。明確通信矣。未幾竟於二百五十英里之內。通信往來。非常便利。而麥古尼之名。亦與此機並傳而益遠。其時年僅二十四歲耳。以二十四歲之青年。至推爲世界之偉人。其榮譽何如哉。

#### 麥克遜與機關砲

近日學術進步。各種新奇之武器。亦陸續發明。其中具最大之攻擊力。而令敵人膽戰不已者。厥維機關砲。據從軍兵士之言。武器中最可惡者。莫如此物。由其能以自備的。於一分時間。由幾百發之彈丸。向敵如雨點之集也。發明之偉人。曰麥克遜。生於美國門州一寒村中。自幼即好機械學。惟家中甚貧。雖小學教育。亦不能完全受得。十四歲時。爲某車輛製造所之徒弟。於晝間業務之暇。尙專心研究物理諸書不輟。

及長。受雇於非拉拔克市之機械製造所。後爲波斯登市理化學機械製造所之職工。數年之後。更爲紐約之鐵工汽船會社之製圖師。被在此間。不僅研究學術技能。且有數千貯蓄金。爲發明事業之豫備。移居英國。從事於自備機關砲之發明。經

多年之困苦艱難。始完成此精巧無倫之武器。能於一分時間發射七百次。且每發必中標的。其發射之速度。與命中之準確。在各種機關砲之上。於是各國之陸軍。無不爭用此麥克遜式之自備機關砲。而麥克遜無上之名譽以著。

#### 裕脫海德與水雷

海軍中強有力之武器。其功效與陸軍中之機關砲相等者。爲水雷。水雷之爲物。雖數萬噸之大艦巨舶。遇之無不立碎。誠海戰中最可惡之物也。

水雷之發明。在十九世紀之上半。苦心研究者。雖不止一人。然皆不能應用。自裕脫海德出。乃完成之。裕氏生於英國倫敦須亞一小村中。及長。始研究工學而爲技師。居於奧國之托利哀斯。即爲當地某機械會社之支配人。偶與海軍大尉曰留畢相者善。於是發明水雷之念矣。

裕氏嘗初發明之時。所經之困難。有不可以言語形容者。且無人不嗤其妄想。費研鑽之功。凡二年。裕脫海德式之水雷。居然出現於世界矣。此水雷之全體。以鋼鐵爲之。直徑十四吋。各鑄之長十六吋。重量爲三百磅。

裕脫海德之水雷既出現。歐洲各國。喧傳殆遍。未幾而全世界上。無不知有裕脫海德其人矣。而就中尤以各國之海軍。視爲最重。蓋以水雷固海軍中之物也。裕氏既發明此水雷。即以此發明權。得多額之金。讓諸英國。至是不但以技師一職而爲世界之發明家。其前之貧乏不堪者。亦居然富有矣。

### 飛行船與飛行機

空中飛行機。數百年前。已有人研究之。惟與普通之輕氣球。大同小異。未嘗有新異之製作出現焉。及徐柏林出。始完成之。

徐柏林爲德國之貴族。二十一歲時。畢業於陸軍士官學校。嘗出助美國南北戰爭。普奧戰爭。普法戰爭。因軍功而任爲陸軍中將。後爲胡爾索勃爾希王之侍從武官長。徐氏之研究飛行船。自一八七〇年始。即普法戰爭之時也。積三十六年之功。至一九〇六年之秋。始完成此理想的飛行船。至一九〇九年。能留空中三十八時間。飛行五百五十英里之距離。而徐柏林之名。遂喧傳於全世界矣。

飛行機於一七八四年。先有法人求拉爾者。製出一鳥形之飛行機。自此有梅爾華因麥克遜、阿諾但爾等。陸續發明不一。然以不能裨於實用。未免徒勞心機。自徐柏林之飛行船成功後。飛行機之事業。亦因之而十分促進。若無德秋門爾爾盟倫脫等。各用其苦心。而從事於發明。至是飛行機之種類。一時雜出。與飛行船頗類於空中矣。

### 大技術家愛秋孫

於電氣學上有種種之發明。而負大名於今世。爲人人所崇拜。推爲第一人者。非美國之愛秋孫乎。愛秋孫爲世界獨步之大技術家。大發明家。與大學問家也。當四十年前。僅一極貧賈新闖者之子耳。彼在貧苦之間。獨熱心自修電氣學。爲電氣技手。

自後改善電信機。電話機。更發明電燈。發明蓄音機。及活動寫真等。此外又有電動機。發電機。蓄電機。磁電抵抗測定器。電氣印字機。電氣送畫機。印刷電信法。電氣死刑機。音調電信法。分礦器。塞門丁製法。電流計器。鑽孔器。真空唧筒。皆爲彼所發明者也。

世人欲有一種之發明。已非常困難。而總計愛氏之發明。何啻千種。且今後更有何種之大發明。尙不可知。人有稱之爲世界發明界之霸王者。洵非過言焉。愛氏之豫言曰。因學術之進步。與發明之大成。將來必能令地球與火星通信。而達於現今吾人所不可想像之境。然則此後技術家之活動。正有不可以限量者在焉。

### 英國之國會與內閣 錄進步雜誌

英國者。平民政治之母國也。今世界文明各國。其號稱君主立憲國體者無論矣。乃至若瑞士。若美利堅。若法蘭西。其國體則皆民主共和國體也。考其憲法。亦無不備型英國。特因國勢攸殊。行政上之組織。彼此互異而已。其憲法綱領。則莫不從同焉。尤足異者。他國儀型英制。其憲法皆有明條。法家謂之成文法。而平民政治母國之英國。其憲法獨無成文。事事惟故例是循而已。所以然者。英國之平民政治。乃由伊古以來。遞進遞演而成。民權發達。國勢隆盛之效。初非數十年間一瞬可幾。其得有今日之政治昌明。文化流被者。蓋以其民書歷數

十世之民權政治。其經驗多。其智識富。故能造成今日平民政治之奇績。號稱世界平民政治之母國而無愧色也。由斯而論。溯英國國會之歷史。考其體統進化之跡。以明其國會政治（即內閣制之政治）之作用。固我邦人士。留心國故。期望民權者。所宜注意者矣。

按英語謂國會曰巴力門。Parliament。本訓討論。引申之則為討論之所。與討論之人。其義則舉國王與上下二議院。皆以斯言暇之。考英國國會之沿革。可分為四大時代。一為中古國會時代。一二九五年之國會。即其模範。次為國王與國會爭權時代。圖德司帝亞二朝是。又次為革命時代。自一六八八年始。至一八三二年止。更次為近世時代。即一八三二年以來之國會是。試略考之。

英國史家弗利門 Prof. F. A. Freeman 1823-92 有言。英人為條頓民族。自其為部落人種。未遷英土之時。即已有集議之制。如羅馬史家丹昔脫 Tacitus 所紀者是。且此不特條頓民族為然。其他亞利安人種。亦莫不然。蓋部落集議之制。即後日國會之嚆矢也。弗利門之說如是。然其言無徵。似弗可信。必欲溯國會之起源。其惟求之於盎格羅撒克遜人種中之自治團體乎。盎格羅人種。既入德不列顛而有之。其中派別部分。恆有兵爭之患。和戰之議。都民會而決之。即部落中他事。亦取決於此。迨後大小兼併。不列顛分為七國。其國王者。必有左右顧問之賢人。以取決大計。是為賢人會議。其制則較都民會議

為進矣。賢人固不由民選。特國王召詢之時。意固取其足以代表民意也。其後羣雄割據之世。變而為一統時代。賢人會議之制。仍無改其初。其人則皆代表全國者也。且其間尚有宗教家列於中。頗足抑貴族之豪暴。而伸平民之自由。今上院中必有教會大僧正若干人。與貴族平列。謂之宗教貴族。其由來遠矣。自臘門族人僭英。法王惠廉一世分裂英土。以封功臣。封建之制。始行於英國。賢人會議之制。隨而滅焉。自是英國乃入於國王專制時代。惠廉既逝。其嗣王弱不自振。分封之世臣。乃稍得勢。然君臣之間。勢均而力敵。欲求勝者。宜得平民為聲援。於是平民之勢復重。其時賢人會議之制。雖已無存。然宗教會社。巍然立於民間。其各封地之小議會。猶保存於不墜。以故英人獨立自治之精神。終未盡滅。又其時民生日益富庶。郡邑繁興。國王轉戰於內外。繁費不貲。國用所入。不足以給軍實。其勢不得不取之於人民。人民彼此團結。以抗橫征暴斂者有年。久之君民之間。以賦稅與權利相貿易之勢成。英民之克享自由。而有代表制度。蓋自此始。已而英王約翰失敗。民起而抗。訂大憲章。以抑制君權。英民自由之基礎。乃益鞏固。後雖有暴主。莫能違焉。其後數十年。朝政不綱。人民水深火熱。日甚於前。有利司脫之貴族西門蒙脫佛爾者。Simon de Montfort of Leicester 為有衆所戴。與英王戰。大敗之。以一二六五年一月二十八日。召集國會於威司明德。此為英人有史以來第一次之國會。會中即英國三階級之代表皆與焉。（三階級



者貴族教會平民也。其召集之形式。蓋與今日國會召集之法。甚相同也。至愛德華一世即位。國會召集者凡數次。其一二九五年一會。召集之法尤善。故有模範國會之稱。國中貴族教會平民三等。無不與召。蓋自是以後。而平民亦入據立法院之一席矣。然其時三階級集議之時。猶同在一所也。至愛德華三世時。國會始析而為二院。一曰上院。貴族居之。(宗教貴族亦列入)一曰下院。平民之代表居之。一切法律。非經上下二院共議允可。即屬非法。蓋自是而國家權力乃漸移於國會。非國王所得專擅矣。而下院之權力。尤見擴張。如國會年必一舉。決賦稅之多寡。與其用途。乃至黜陟大臣。皆聽命於國會焉。愛德華三世理查特二世遜位以後。其入承帝統之人。亦二院決之。至今王位繼承問題。雖曰世襲。而國會亦得有容條之餘地者此也。

圖德一朝。君多雄主。亨利八世及女王以利沙白。其尤著者。亨利八世。於英王中最稱暴傑。常假國會之名。以自便其私圖。當彼之時。雖有國會。其權力乃在若隱若現之間。蓋國會幾成帝王之私器矣。自以利沙白即位。國位之權始伸。疑廢乎有成國會政治之勢焉。故爾時有湯末司密斯 Sir Thomas Smith 者。嘗著一書。以評國政。謂英國政治。其最高無上之權。乃在國會。其後雅谷一世入繼大統。是為司帝亞朝。雅谷主君位天授之說。事事與意所欲。與國會頗生事故。二者幾成敵國。然雅谷一世與其後人。皆非前朝亨利八世比。國會權力。曾不

為之少抑。故論者謂十七世紀間。英人憲法之爭最烈。而國王欲不假國會之力以治全國。固有所不可。國會欲不藉國王之名。以號令平民。勢亦有所不能。無何。內訌起而大亂作。此即所謂革命時代也。時則舊君見弑。新王遷於外國。國政全操於國會。是時英之為國。亦幾乎為一共和國矣。乃克林威爾卒。查理二世復辟。雅谷二世繼政。二君行事。皆不盡協國會之意。而雅谷二世尤不道。不為人民所喜。至一六八八年。革命又起。國會迎立新君於荷蘭。是為漢那佛朝之始。當惠廉侯夫婦入英之始。國會即與約法三章。舉治國之權。歸於國會。而君主退處於無權。名為英人擁戴新王。實則大權已盡入國會之手。蓋今日英人所謂內閣政治。實肇始於漢那佛朝入英之時云。

自一六八八年以來。英國國會之歷史。直一下院之歷史而已。直一政黨政治之歷史而已。政黨政治云者。謂治理國政之特權。執於下院之多數黨也。雖然。於斯時也。謂英國已完全入乎平民政治之時代。而無需再事乎改革。則又甚遠乎事實之說也。上議院自中古以來。組織之法。無甚變更。在昔當平民未獲參政於國會之時。與下院勢力微弱之時。英民之自由。實賴上議院為之保障而維護。其功固不可沒。若上議院之在今日。則以實事求是之義律之。其適於生存與否。有不能令人無疑者。蓋今之所謂上院。大權旁落。非下院之敵。彼為議員者。惟兢兢於保持其位置而已。其所有事。殆等於高等之裁判機關而已。至於立法行政兩端。事關國家大計者。則無一不唯唯聽命於

下院。而不敢有所吹索也。所以然者。自一八三二年以還。下院之組織。頗多改革。選舉議員之權。既普及於平民。遂使下院之中。別生一新勢力。其勢力惟何。則下院之多數。皆為中等社會所舉之議員也。故下院之勢力。成為中等社會之勢力。而英國之政治。遂為中等社會所左右。至一八六七年。選舉法復有改革。選舉之權。亦且普及於勞動界。故下院事有平民以為其後盾。而上院則徒以門閥血統之故。僅得保存其地位。其權力不由平民委任而來。平民未嘗為之援。故一與下院相值。其權力不能彼此相頡頏者。蓋亦勢為之也。姑舉近事以明上下二院勢力之消長。則有如一九一一年上院改革劇爭之一事。其改革之結果。凡下院議決之財政案。無論若何。上院不得過問。即其他議案。荷三屆通過於下院。亦得成為法律。上院不得反對。蓋至是而下院實操全國之政柄。上院幾在可有可無之列矣。考英國國會之歷史。當十三四世紀以前。勢力實全在上院。孰料今昔異致。至於今日。其權力乃一落千丈而不止也。故今日英國國會。雖曰合英王上院下院而成。然英王僅有召集與停止或解散之權而已。上院則惟下院之命是聽而已。國會之主體。惟一下院。內閣總理之政策。亦惟求下院之贊助。得以施行無阻。試問諸英人。其尙有以英王與上院為國會之主體者否耶。殆無有矣。斯則英國平民政治之極軌。而他國人士所為留連歎美。不能自己者也。

如上所述。英國國會之沿革。上下二院權力之消長。略具於

斯。讀者得毋將謂下院實握全國政治樞紐。而治理國政諸大端。亦由下院主持一切乎。此又似是而非之說也。蓋下院之握全國政治樞紐。固也。其為平民政治所託命。固也。然經國之責。則不在國會而在內閣。內閣者。英國憲法上之一種慣例。在法律中固無此名詞。其人物乃由國會中二大黨之一選任。以肩國中行政部各首長之責。其對於內閣總理之政策。必彼此同意。共同指揮國家政治。而代國王負完全責任者也。請藉此而論其詳。

自荷蘭憲法入繼英統。英國行政。始採用所謂內閣制者。語見於前。推侯之初意。欲自擇國中才傑之士。以組織內閣。藉以溝通政府與國會之意見。使九五之尊。不致身當國會與政府之衝。其意固甚美也。願試而無效。旋納伯爵洛白德之議。於下院中擇議員居大多數之一黨。簡其若干人。以充行政部首。此為英國內閣行政之始。下院權力。遂繼長增高。至喬治一世二世之時。伯爵華爾泊爾被任為內閣總理。內閣政治之制度。行之益暢。當時之內閣。其為行政部中樞。已與今日閣制無異。國王大權。既盡移於下院。內閣諸公。名為英王之臣僕。實則國王之尊寵。已不逮下院之信用。足以決內閣之存亡也。考今之內閣。名義上由英王指派上下二院中傑出之才組織而成。其人必皆為政治家。對於國家要政。其意見必與下院之大多數合。一置內閣純乎為一代表下院之行政委員會耳。故其所行政策。對於下院必完全負責。閣員進則同進。退則同退。一切行

政問題。若出於一人然。使閣員中有人見解與他員異致。無可調融。則其人必辭職。又使內閣之政策。不為下院大多數所贊同。則內閣必全體辭職。以讓反對黨別組新內閣。新內閣之總理。必由辭職之內閣。推舉反對黨之領袖任之。由英王加以任命。以明新舊之絕續。其他閣員。由新總理就己黨簡其才堪重任者。請英王任命之。英王之於內閣。凡屬行政事情。必奉事聽命。並與以精神上交際上之助力。政界要人。其不為現內閣所喜者。英王必罷免之。行政上重要之設施。內閣亦必報命於英王。此國會英王內閣三者之關係也。

觀乎此。則知行政之責。實內閣肩之。且對於議會而負責矣。然則內閣所以能控制下院。得其贊助。而自維其地位者。其道何由。且以下院人數之衆多。其不致流為雜亂不可制不負責任之暴民議會者。其道又何由。一言以蔽之。則曰政黨為之而已。有政黨而後有內閣政治。內閣政治。固政黨之產物也。且所謂政黨者。非下院中僅有二大政黨不可。其一黨則主持內閣者也。能控制下院之多數者也。其與為反對之一黨。亦必為人才之所蓄萃。無論何時。可取現內閣而代之也。夫政黨與朋黨。本自不同。蓋二政黨之標幟雖異。而對於國家之根本目的則同。根本目的者何。國利民福而已矣。其曰標幟各異者。特謂達到根本目的之主張。彼此不同焉爾。其間固萬不容感情用事。以徒爭黨氣。為能盡其能事者也。

故英國內閣制之特徵。論其組織。則內閣必由國會中有勢力

之政黨所選出。論其精神。則政府一切用人行政。皆操於內閣。由閣員彼此共同負責。論其權限。則內閣為一切行政權之所自出。內閣之上。更無掌握行政權之個人或團體。以掣內閣行政之肘。凡此皆英國內閣制之要端也。且內閣又為行政部與立法部彼此聯絡之機關。可免三權分立。各不相謀之弊。如美國之總統制是也。總統制之特色。在劃清立法部行政部之權限。在國會不得以內閣行政之卑方。而強其辭職。行政部亦無權以解散國會。行政自行政。立法自立法。彼此畛域分明。情感不滲。凡遇重大問題。政府以行政上積久之經驗。以為不若是則不可者。從而製為議案。以提出於立法之國會。而國會不顧。則政府之技窮矣。故行總統制之國。義主守成。行內閣制之國。意存進取。英雖舊國。而其政治至美無上。其人民所食自由幸福。且較共和國為多者。未始不由行內閣制之故也。反而論之。當國家新造之際。百廢待舉。事事有待於中央政府之設施。則欲收利國福民之效者。亦非厲行內閣制不可。蓋新造之國。固主進取而不主守成也。

#### 附論美國總統制

美國行政制度。與英國迥乎不同。英之內閣。操行政全權。對於下院而負責任。既如上文所論。英王雖於名義上。號為國家權力所自出。實則徒擁虛名。將順內閣以發號施令而已。美之總統制。則不會取國王內閣二者之職。兼於一人。總統與後繼者之間。既無溝通之道。且其任期有定。必欲去其

職。非用空權難行之彈劾法不可。立法事件上。國會無論若何反對。均不足以影響總統之地位。總統任期之末日。視其就職之第一日而已定。實則當其未就職之先。國中之政治勢力。已互起競爭。以謀為之後繼也。又美國總統制。政府有變動。則一切行政上。亦必隨而變動。是故美國當選舉總統時之紛擾。較英國行總選舉之時為甚。而紛擾之時期。亦較延久。英國政變。其影響及於個人利益者甚稀。其督促全國人之注意。為期亦短。至於美國。則一屆總統選舉。早已豫為之備。其影響及於私人之利益者。恆至不可勝紀焉。故比較而觀。英國憲法。轉視美國為多平民政治之性質。則以英國人民意志。固時時可假國會之喉舌。以左右政府也。總統制與內閣制之利弊。即此已顯然可見矣。

右文乃由英文百科全書摘譯而出。其本論見 Nelsons Encyclopedia 十七卷國會條。附論見 Encyclopedia Britannica 政治條下。中間稍參鄙見。以符體例云。

譯者識

### 英法美革命後建國事業之比較

張嘉森

革命之種類素矣。有武力革命。有平和革命。有對外革命。有對內革命。有朝代革命。有國民革命。合此種種。而求其共通現象。則吾聞西方學者之說曰。革命者。主權所在之移動也。美離英而獨立。南美洲離西班牙而獨立。則英之主權。自英

而移於美。西之主權。自西而移於南美諸國也。法自千七百九十二年廢王政建共和。十九秩中各國布憲法開國會。皆以君主所獨操之權。分之國人。則主權自君而移於民。夫百年以來。世界百數十國。其不經一度之革命者蓋稀矣。然有一革以後而國基永定者。亦有再革三革。而國基永不定者。則何以故。曰有三因焉。

第一、根本機關之動搖否也。同為布憲法。同為開國會。然國本而不動搖也。如軌上之汽車。如順流之帆船。指示發縱有人。而所以防維之者有術。向之掌權者為一人。今則分之於立法司法行政三機關而已。向之一人可以為所欲為者。今則三者互相牽制而已。若夫舊君既倒。民政代興。不徒機關與機關爭權已也。總攬無人。主張不一。極端之言。易入人聽。中正之論。為世所惡。法之革命。歷八十年。國體更迭。凡四五次。卒之善法戰後而第三共和乃得保持至今。此非法人自力所能致也。亦以國際之壓迫。驅之使不得不然耳。若夫英乎日乎普乎。本舊有之國情。採近世之新制。掌權者自若。惟其行使之法。稍異乎昔。且其由舊而新也。或原有舊貫。或籌備有方。不折一矢。不遺一鐵。革命大業。於焉告成。夫自其成者觀之。進行之法。在在有跡。雖可尋。抑知自不成者觀之。則以國本之大動。指方示向且無人。議論美意良法之行乎。此一因也。

第二、開政階級之存亡也。吾嘗比較美法兩國革命成敗之故。則法之貴族僧侶。曠者淫逸。不能自存於廟堂之上。而美則脫

其純粹而獨立。由獨立而進為聯邦。其執政階級之人自若。不過其權限。稍有變更而已。神言之。人之適不適。不生問題。全社會秩序。並未大亂。故舊日政情。得保有其繼續性。而新進者不至懷非分之想也。且其人與人。既無競爭。所討論者。不外政策。以親舊與新爭。新之中激者與緩者互爭。其難易相去。豈可道里計哉。此二因也。

第三、前後政俗相距之遠近也。政治之習慣。社會之思潮。國民之程度。當其在舊制度之下。與在新制度之下。不甚相遠者。則新制度之行也易。反是者難。美之離英而獨立也。去一母國君主與德督。而代以州長代以總統而已。若夫議會。則自若也。地方自治。則自若也。一切法制。則自若也。法則異是。千七百八十九年三級會議召集之日。分議合議。既無規定。爭離不已。平民一級。擅居於代表全國之列。其首先有事者。則改國旗。易服式。正禮俗。毅然以掃除積弊為己任。蓋因君主一人之故。乃欲並社會上一切舊習而推翻之。而天下應然矣。此二因也。

嗚呼。此三者中。有一於是。已足為改革大梗。况兼而有之。如吾國者乎。滿清既倒。國體一變。君主之威權墮地。輿論之中心未成。則國本之可懼者也。舊者已成腐朽。新者鄰於急進。主持乏人。法外之舉迭見。此開政階級之可懼者也。四千年處積威之下。人格蕩然無存。而新舊之見。鑿柄不容。東方禮俗。在在與近世主義衝突。重以全國人民敢死不給。絕無開政興味。

此政俗距離之可懼者也。嗚呼。中華民國。誠岌岌乎殆哉。吾思之吾重思之。近世之諸國中。其經一度之革命者。不獨我也。彼以革命始。而卒能建國者。其時期久暫視我何如乎。其所施為視我何如乎。其所處時代視我何如乎。凡此他國所已經。事可為前車之鑒。邦人君子。或有取於是歟。

#### 甲 美國

一革命之武力時期 自一七七四年始。至一七八一年終。凡七年。

此時期中之公共政府為費城代表公會。其權限如右。

第一。任命軍官。第二。為十三州募集公債以充軍費。第三。分配各州應負擔之軍費。第四。定海陸軍法令。第五。發海上捕獲證書。

方戰事之未終。各邦為永久結合計。於一七七七年十一月。討論同盟條規。至一七八一年經各州批准施行。

二革命後之過渡時期 自一七八二年始。至一七八九年終。凡八年。

外患雖平。內部之結合未固。按一七八一年同盟條規。中央但有公會。而無政府。可以制法。而不能執行。可以定稅法。而不能徵收。可以募兵。而無籌餉之權。總之。中央之職。僅在商議。而不得發號施令也。緣是之故。數年間十三州政局所生現象。則中央國庫。不名一錢。債台高築。一也。(一七八二年至一七八六年應付內債利息六百萬美金。但付出者僅一百萬

而已。各州之間。稅率不一。演成關稅戰爭。二也。橫徵暴斂。激成民變。三也。各州漠視公會。不派代表。四也。時華盛頓目擊此情形而嘆曰。吾不圖血戰八年。乃易此無政府之氣象也。其後各州人民。覺改造之不獲已。乃於一七八七年召集憲法會議。

三憲法之制定 一七八九年合衆國憲法成。會中人員凡五十。會議時期凡五月。會中爭議之點。爲各州與中央之權限。爲大總統之位置。其意見之爭。辨論之烈。美之憲法學者。至今道之不衰。哈米敦之言曰。事後思之。猶有餘慄。法蘭克林曾提議曰。會議之旁。應輔以祈禱。蓋冀天錫聰明。輔人力之不及也。則其阻礙困難之情可以見矣。

四憲法定後初二年之事業 一七八九年華盛頓被選爲總統。第一二次國會中所議事項。(一)司法機關之組織。(二)定關稅法。(三)籌畫中央政費。(四)國都問題。(五)設官分職。(六)償還國債問題。當時中央外債總額千二百萬。中央內債四千二百五十萬。各州債務二千六百萬。紙幣二萬萬。(七)中央銀行問題。蓋華盛頓兩次任總統。歷八年之久。合衆國之國本稍定。而兩黨對峙之局。亦自此始矣。

乙 法國

法自一七八九年以迄第三共和政府之成。中歷八十年。大小政變凡九次。

(第一)一七九二年九月。國民會議廢君主。建共和。

(第二)一七九五年十月二十五。廢國民會議。改爲指揮官政府。

(第三)一七九九年十一月九日。廢指揮官政府。改爲公蘇制。拿破侖被選爲第一公蘇。

(第四)一八〇四年五月。拿破侖稱帝。

(第五)一八一四年五月三號。路易十八世復位。一八二四年。沙利二世繼之。

(第六)一八三〇年七月革命後。路易飛律入爲法王。

(第七)一八四八年二月革命後。路易飛律去國。設臨時政府。是爲第二次共和政府。拿破侖三世被選爲總統。

(第八)一八五二年十二月二日。拿破侖三世稱帝。

(第九)一八七〇年九月。拿破侖三世爲普人所俘。乃立國防政府。是爲第三次共和政府。

嗚呼。世界列國。其由專制而立憲。如法之變故之多者。可謂絕無而僅有矣。試問此種種者。於法之建國何與乎。則絲毫無與而已。國體之變。忽共和忽君主。行政首長之名。忽指揮官忽公蘇忽總統。上院之名。忽元老院忽護民院。下院之名。忽五百院。忽立法院。乃至國旗之色制帽之色。經一度政變。則改一次。此八十年之間。但見無數之野心家。乘時而起。以快一時之意。豈嘗有所謂建國之大計哉。羅白斯比。暴一的野心家也。拿破侖者。帝王的野心家也。其爲術不同。而要其但知有己。不知有團體。則一也。此兩者而外。則有人焉。內不

聽驅使暴民。外不能立功異域。介於左右之間。持調停之策。廉用心良苦。而為效極微。則如迎立路易十八世者之所為是也。凡此三者。忽起忽伏。自當其境者言之。或奔走焉。或補救焉。豈不有絕大難於其間哉。抑知自今觀之。則一場紛亂。何足辨道。雖拿破崙戰績之光輝。法典之明備。求之歷史。殆罕其備。然而此則聖君賢相之業。而於建國於國民基礎之義無當焉。迨至普法戰後。王黨民黨之見自若也。爾黨黨爭紛爭之爭自若也。國家機關組織意見之殊自若也。乃獨於此時捐棄一切。而難以成立政府為第一義。蓋自是乃由個人之競爭。而漸入於公共團體之建設矣。吾今略語第三共和政府之事業。

一憲法制定 一八七一年。議會推選憲法起草委員三十人。關於共和君主之得失。爭論連年。至一八七五年而憲法成。此大憲法。與自革命以來之憲法大異者。則昔焉各機關之權限人權之保障。一二詳為規定。且若有系統者。今則但就國家組織之大體。若總統之權限與選舉。若兩院之組織。若各機關相互之關係。而發布法文三種。以視昔日之憲典。如數學中之方程式。論理上之分類法。大相懸絕矣。蓋法人鑒於往事。亦知法文同備。而人事不足以副之之無用矣。

二黨見消融 一七八一年之會議。議員七百六十八人。其多數則君主黨也。然同為君主黨。有贊成蒲蓬王室者。有贊成拿破崙者。人數雖多。意見不一。於是持共和說者。卒占勝利。拿破崙士。持君主主義者也。嘗宣言於國會曰。吾所願者。君主

制也。然今國民所望者。則共和制也。舍共和制外。吾恐無他種政體可以成立。千八百七十五年之末。國會卒定為共和國。則法人當日抑已見以全一國之精神。大可見矣。

三善後財政 自初革命以至路易之遜位。法之國債一萬八千八百萬鎊。第二共和政府之債務六千三百萬鎊。拿破崙三世所募國債三萬零五千萬鎊。故至第三共和成立之日。其國債已達五萬五千萬鎊。此外加普國賠款二萬萬鎊與夫軍費等。國債總額。達十萬萬鎊。其後普國賠款。不及數年間。盡募內債以償還之。世人咸驚法人愛國心之富。與其資本力之強。其後整理銀行。增加租稅。而法之財政漸臻於穩固之基矣。

### 丙 克林威爾時代之英國

世嘗謂英國憲法為無血之憲法。豈真無血哉。克林威爾轉戰七年。廢王政。建共和。是得為無血矣乎。雖然。克林威爾者。英國歷史之例外。而非其恆態也。英國憲政。向為繼續性之發達。至克林威爾而一變。所謂例外者一。前於克林威爾者。以帝王而行專制。不乏其人。然未有一再解散國會如克氏者也。所謂例外者二。克氏血戰連年。內平蘇阿。外敵荷蘭。以將軍而掌國政。故軍人之跋扈。於斯為極。所謂例外者三。考克林威爾所為。於英之舊有國性。有斷傷而無維持。有變施一時之舉。而無以定百年大計。蓋拿破崙之流亞。而非拿破崙之比也。然而革命開山之祖。舍斯人而誰屬。且所設施。有大異乎人者。故記之如右。

一戰事時期。一六四二年爲革命戰爭之始年。至一六四六年止。是爲第一次內戰。一六四八年。克氏率兵入倫敦。設臨時法院。置沙利一世於死。是爲第二次內戰。如是戰爭之期。前後凡八年矣。

二過渡時期。克氏兵威震於四方。併三島爲英吉利共和國。然有難解決者。則克氏居將軍之位而號令全國。所恃者兵力而已。非有法律上之根據也。兵官恃功。藐法犯上。兵變之禍。所在而有。於是其望其卸其者。有欲其實行復辟者。有欲其推行共和政治者。千六百五十二年四月。克氏召集臨時議會。會議中軍官七文官三。實權則仍克氏自操之也。旋該會提議改革案多件。克氏不悅。示意使法自請解散。是年新憲法成。

三憲法大要。有名朗陪爾者。爲克氏草一政府組織法。要點如下。(一)全英三島。設行政長一人。名曰護國主。(二)參政院一。會員二十一人以下十三人以上。(三)國會採一院制。凡四百六十人。至克氏任期。則以終身爲限。自表面論。此法典不殊近世憲法。然以第二十七款中規定常備軍三萬人。戰艦若干。軍費二十萬鎊。如是兵權在握。國會之權不伸。則雖有國會之名。而實與專制等耳。

四英吉利共和國所以不能久存之理由。克氏勵精圖治。專務外統。嘗兩度召集國會而兩度解散之。父沒。子繼爲護國主。然不數年而其人迎立沙利二世。於是民政亡。而帝復興。嘗考其故。則克氏時雖有憲法。雖有國會。而實軍政時代也。凡國

會與軍力競爭之日。軍隊常勝而國會屢敗。其子將將之才。又不如克氏。故不久而亡。一也。克氏之治。尙清淨。崇宗教。擴除浮華。納民軌物。蓋一種之開明專制也。而爲愛自由好放任之英國民族所不好。二也。克氏既歿。野心家如朗陪爾如佛李降氏攬兵權。以護國主自任。然以英民富於自治能力。知大亂之未艾。乃決舍共和而行帝政。三也。

嗚呼。溯民國成立之歷史。與此三國較。則戰期之久暫。彼七八年間。而我則數月間耳。國家混沌之期。彼達十年數十年之久。而我則迄今不過五年耳。憲法制定之爭執。法有王黨民黨之分。而我無有也。宗社黨雖存。然無如沙利二世蹈瑕抵隙之甚焉。以云外患。則強鄰環伺。而無大兵壓境之慘。以云財政。則國債纍纍。然無如法十萬萬鎊負擔之重。然而國人一遇小小變故。動曰中國將爲法國大革命之續也。中國將爲墨西哥也。中國將陷於亡國之慘禍也。抑知此所受痛苦。以視歐美不及百分之一。且亦必經之階級。萬萬無可逃遁者也。語曰。杞人憂天。以五年之變局。而斷定中國爲不可爲者。無以名之。名之曰杞人而已。吾以爲國人之中。有持激進之說者。則激進可焉。有持極端說者。則極端可焉。本其所信。以奮關於國中。目的之達。行有日矣。

雖然。有不可不知者。對外方面其一也。對內方面其二也。當美法革命之日。世界國家組織尙未完成之日也。時之若法若奧若俄。皆在帝王專制時代。內力未充。斯其外統也不烈。



今舉久由專制而立憲矣。由一人之活動而為民族之活動矣。世界雖大。而並世諸國能容我紛紛擾擾。至數十年之久乎。且十九世紀之初。並世諸國皆貧國也。生計未發達。資本未充實。故投資國外要素利權之說。尙無所聞。今焉藉兵力以開拓領土。憑資本以監督財政。吾而多一度革命。則多一度外債。多一度外債。則多剝削國權一分。此對外方面之不可不防者也。

中國。古國也。四千年文明之國也。政教禮俗。在在與歐美殊科。故以國家性質之制度。移植於吾國。其應有過渡之法。培養之方。可斷言也。國民性質。好靜不好動。但求可以逸居飽食。而近世立憲國之權利。非所甚愛焉。且三次政變。而革命軍之勢力。但限於地方。而不及於中央。故新舊兩派之主張之是非。各執一說。而不相下。然則一味藉口西方新制。曰彼當如是。此當如彼者。吾見其相衝相激。而終成反動而已。不獨法國乎。人權之宣言。非不高尙也。而恐怖時代一至。無罪慘死者以百萬人計。此得謂人權矣乎。憲法之文。非不盡美也。然而政變一起。則如覆紙之廢紙而已。豈有絲毫價值哉。於是知改革之爲道。在行之以漸。不可求治太速。當於法律條文之外。培養社會的道德的實力。此對內方面之不可不防者也。

吾嘗覽之。十七世紀之英國革命。十八世紀之美國革命。十九世紀之法國革命。乃至最近託庇於美國孟羅主義下之南美諸國之革命。如人在深山窮谷。爲人跡所不至之地。故忽而兵變也。忽而水火之災也。其驚駭痛苦之狀。大旨限於一羣之內。

外力不得而入焉。若夫吾國乎。身居大都會之中。家屋比鄰。舟車輻輳。稍有詬誶之聲。則已聲聞戶外。議論角力乎。警察則從而干涉焉。鄰鄰則從而調停焉。又以吾室中有老者有幼者有弱者有壯者。其地位勢力不易相下。內之安置不易。而外之仗義執言者踵至。此則今後建設之業。所以爲不易也。

### 森林與國家之關係

金陵大學農林科特別演講員

凌道揚

吾國爲亞東膏腴大陸。環球各國。曠曠稱譽。獨是荒山之多。觸目皆是。此固有心人所難忍於言也。賓刺德氏長美國林務時。曾派員至中國。將各省荒山淒涼之慘狀。攝影攜回美國。到處講演。以戒國人。英國皇家植物會會員薄唐氏。來中國調查森林。其言曰。中國各省皆有天然森林之故址。大都不外松杉之類。細考之。誠爲世界上極良美之種子。在外國所有佳種。無能過之。但中國不知林政。已有之處。任意斬伐。善盛之林。固已斷喪無餘。未有之地。不知種造。良美之種子。自屬靡有子遺。外人之行事與言論如此。吾人能不介於心耶。

德國土地面積。不過吾中國二十分之一。而其國之辦林政人員計九千餘人。俄國則三萬六千餘人。日本亦二千八百餘人。中國近年始委用林政人員七十餘人。土地如此廣袤。而林政如此不講。是明明棄利於地而不知惜矣。吾國籌辦林政之經費。計共銀幣十八萬元。較之前此則爲絕無而僅有。似可少慰。然而對照歐西各國。德意志關乎林政經費計銀幣四十六兆元。美

利堅約十兆元。印度亦九兆元。適願吾國。誠大有望。莫及之。

百工之事。用水極多。國內既無所取材。勢不能不購諸外國。故近來香港上海天津漢口等處所用木料。多由日本高麗美國菲律賓運來。據最近稅關統計表觀之。民國三年輸入木料之數。值銀六百二十五萬一千兩。較之民國元年之二百六十一萬七千兩。約多三倍。兩年之間。增加如此。日接漏卮。豈堪設想。鐵路橋梁及屋宇等建築。大抵在北部者多用日本木料。在南部者多用澳洲南洋木料。經費既繁。耗時又久。中國一事未興。外人之厚利已獲。由是可知中國林政之廢弛。為害實非淺鮮。誠與即在今日。為可須臾緩耶。况各國工業之發達。倚賴林木出產者居大多數。苟使木料缺乏。工業何能獨為無米之炊。又如松油桐油樟腦軟木樹脂紙張硝皮質等。均皆產自森林。在在為所必需之品。林政不興。試問何所取給。反是則必獲利靡涯矣。

以土地論。吾國已耕種之面積不過二千一百四十七兆畝。荒廢之山郊面積約計七千二百五十四兆畝。(蒙古西藏尚未在內)是荒廢之土地較已耕種之土地反多三倍有強。然以其中不農之地居多。固難樹藝五穀。若以之培植森林。當可野無曠土。試就七千二百五十四兆畝計之。設皆種造成林。每畝畝入平均即以銀幣一元計。為數已屬甚鉅。吾國財政。豈不因之裕如耶。以生計論。吾國生之者寡。食之者衆。民窮財盡。危象日

臻。使林政振興。生計必呈活潑之象。美國全局實業資本。關於林政一途。約佔五分之一。總計四千五百兆元。此項鉅金。國人倚之為生計者。計數百萬人。德國森林。佔全國四分之一。辦理林政職員九千餘人。伐木運木工三十七萬五千餘人。其他與森林有密切關係者。如炭商木工及製造木板廠車廠船塢玩具紙廠等。為數既難屈指。依木為業之工人。又不下數百萬人。蓋德國全國。每百人中。以森林為生計者。計有十二人。吾國森林未興。游手之民。隨在皆是。是林政影響於國計民生如此。吾人當亟亟注意也。

森林直接之利益。如上所述。略具梗概。而森林間接之利益。其關係亦復甚鉅。森林繁盛之區。較之森林缺乏之地。空氣新鮮。是森林之有益衛生。森林繁盛之區。較森林缺乏之地。能使雨水常多。寒暑調和。是森林可以增加雨量。轉移氣候。且能使河流不暴。無泛溢涸竭之虞。至於保存山嶺泥土。不致沖去以阻壅河流。而減少水災。尤為紆內亂豐民食保民衛鄉之要策。外此增益地方美景。構成錦山繡河。當亦必不可緩。林西森林專家。對於上述種種。幾經調查。確有實驗。苟能悉心推測。自知余言之不謬也。

### 地方制度意見書

傅與爐

民國再造。政返共和。數月以來。大局亦粗定。一切建設。諸多未遑。其最為全國上下所注意者。憲法而外。厥惟地方制

度。主張分權者。以民選地方長官為惟一之目的。以為非是不足以鞏固共和也。主張集權者。則以為官由民選。於國家統一。殊多窒礙。而極端反對之。故地方長官宜由任命抑民選。實為今日一重要問題。

不知解決此問題。固甚易。質言之。不過一權限問題耳。蓋一國政務。有國家政務與地方政務之區別。國家政務。當然由中央政府主持。而地方人民。無從分權。地方政務。當然由地方人民自為辦理。而中央政府無庸集權。

故欲定地方長官之宜為任命抑民選。宜先問地方長官之權限如何。如果仍如今制之兼有兵權財權外交權司法權鹽務官吏權。則雖為地方長官。而對於國家行政。實負有重大之責任。其必由中央政府任命也固宜。倘或實行軍民分治。而兵權不兼。實行司法獨立。而司法權不兼。外交財政。直隸中央。而省地方長官。不兼監督之頭銜。縣地方長官。解除兼管徵收之職務。(但軍地方經費不兼征國稅)則地方長官所辦者。純粹為地方行政。其職權不過一辦理地方公益之自治職耳。既與國家政務毫無關係。即對於國家行政。不負責任。又奚煩中央政府任命為耶。今試問各地方自治職員。宜由中央政府任命可乎。固知其不可也。且中央嘗欲集權矣。果如上述。則近日紛紛爭議之集權分權。不難迎刃而解。而所謂地方分權者。與國家固無絲毫之妨礙。所謂中央集權者。自不難於實行。與其日謀集權而徒托空言。何如實行分權而轉收成效。為中央政府計。亦何樂而不為也。

不為也。

是故今日中央所宜注意之事件。在將國家政務之在地方者。各設專員辦理之。以期達集權之目的而已。軍政之宜集權。可勿具論。其他政務。如在各省地方。則設財政司法交涉三司。有鹽政地方。並設鹽運司。均直隸中央。不受省地方長官之節制。慮其不稱職也。則國會當然有咨請國務院查辦之權。且可合數省地方。於每歲之中。由中央政府臨時派一巡查使以考察之。事畢即止。固亦簡而易行者也。各道地方。除司法獨立外。幸尚無其他國務難其間。各縣地方。司法既謀獨立。國稅一項。宜由各省財政司每縣派一主任員專管之。並歸其考成。不受縣地方長官之節制。如此則國家政務之在地方者。其實權固已悉集中央也。此外則實行地方分權之制可耳。

我國地方制度。向有官治自治之區別。官治分省道縣三級。自治則僅有縣及城鎮鄉二級。願省為官治。而乃有由人民組織之省議會。監督其間。縣為官治。復為自治。制度不良。權限不明。其結果徒使國家與地方。胥受其病。今既劃清權限。而以國家政務之在地方者。概由中央政府另派專員辦理之。則其他一切屬於地方之政務。均規定為地方自治之範圍可也。

地方政務。既均為地方自治之範圍。則除中央政府所在之京兆地方暨特別區域。須另行規定外。均宜為地方自治之區域。且宜定為省道縣之三級制。省為上級。道為中級。縣為下級。利害關係全省者。由省自治辦理之。關係一道者。由道自治辦

理之。關係一縣者。由縣自治辦理之。慮其渙散而無以收統一之效。則由政府設法監督之足矣。必事事集權中央奚爲乎。不及城鎮鄉者。以授諸我國各縣地方之現情。對於分區人才經濟等問題。諸多困難。貿然從事。無補地方。徒滋紛擾。觀於元二年間之已事。可爲殷鑒。且地方階級。不宜過多。領土廣大之國家。卽下級地方。其區域亦不宜過小。固不得以區區三島之市町村制。援以爲例。倘或行之數年。諸多未便。而地方之人才經濟。亦頗優裕。再於縣地方自治之下。添設一級。未爲晚也。

地方自治之權限。以屬於地方政務者爲限。不得涉及國家政務。前既略言之矣。試列舉之。如教育實業警察衛生。地方財政。地方交通。及其他慈善事業等是也。其組織法。一律分科辦理之。卽在省地方。亦無專設廳司之必要。而各省現設之警務處可裁。擬設之教育廳司可不必也。或以爲警察宜歸國家行政。不知國家安危。中央政府之責也。而保衛國家之疆圉。實惟海陸軍是賴。故海陸軍宜歸中央。地方治安。地方長官之責也。而維持地方之秩序。實惟水陸警察是賴。故水陸警察宜歸地方。且不獨水陸警察已也。卽各省現有之警備巡防各隊。亦宜一律改編。正其名爲防禦警察。而爲水陸警察之補助。惟須統歸省地方長官之節制。而聽其指揮。蓋一省長官。負全省地方治安之重責。故須另予以管轄全省警察之特權。此則主張地方自治者所宜注意也。

至若地方自治之職員。除由省道縣各地方人民。依法選舉議員。組織省道縣各地方議會。藉以代表民意外。其負執行之責任者。稱爲某地方之長。省稱省長。道稱道長。縣稱縣長。省長由省議會選舉。正副各一人。呈報中央政府任命之。道長由道議會選舉。正副各一人。呈報直轄省長任命之。縣長由縣議會選舉。正副各一人。呈報直轄道長任命之。而參事會參議會董事會等各機關。可無設置之必要。各級長官。必由各地方議會選舉者。蓋援國會選舉大總統之例。另置副額。預備各長官於任期未滿之際。猝有不得已事故而出缺。不及選舉。藉以暫時代理也。

行斯制也。厥有四利。發展地方之勢力。卽以鞏固國家之共和。其利一也。雖云分權。其實集權。與主張聯邦者。絕對不同。而國家可收統一之效。其利二也。循資而進之國家命官。究不如應運而來之自治職。地方吏治。藉以澄清。而一掃數千年來官場醜態之積習。其利三也。省長既無監督國家行政暨任用官吏之大權。縣長亦無法權財權之兼職。迷鹿之風。庶幾可免。且當選者。無論其是否出於運動。而其爲該地方一品學業優大多數人民所信仰之人。固可斷言。其利四也。有此四利。所謂國利民福者。在此矣。

欲行斯制。宜先爲籌備者。亦有三端。軍民分治。一也。司法獨立。二也。劃分國家地方兩稅。三也。三者果見實行。集權之目的達矣。而又不亟行分權之制。授諸共和之原理。毋乃

調整乎。是故欲定地方之制度。宜先問國家之政體如何。政體既爲共和。則地方當然分權。執行地方政務之長官。當然民選。蓋共和國家。雖以總握全國政權之元首。且由國會選舉之矣。又何疑乎地方長官之宜由地方議會選舉哉。倘以爲如此。則與大總統任免職官之權。不無妨礙。不知大總統所任免之職官。當以屬於執行國家政務者爲限。若夫執行地方政務之長官等。諸地方自治之總董。固不在總統任免之列也。然則地方長官之宜由民選可曉然矣。

### 中西驗方新編敘言

杜亞泉

中西醫學。大同小異。世之學者。往往先入爲主。驚其異而不求其同。中醫西醫。遠界若鴻溝。習西醫者詆譏中醫。謂中醫專重陰陽五行之說。憑臆想而不求實驗。信中醫者排斥西醫。謂西醫多用金石劇烈之藥。精外科而不善內治。是皆一孔之見。偏執之論也。余往時習聞中醫之理法於父兄。近復稍閱西醫書冊。覺醫學中精到之處。中西學說。若合符節。有中醫相傳之理。語焉不詳。而西醫則竟委窮源。瞭如指掌者。以西醫之說考之則益明。有西醫發明之事。則爲新得。而中醫則習用已久。視爲故常者。以中醫之法證之則益信。茲就其較爲重要者言之。中醫之書。輒言血氣。其所謂氣者。往往不知其何所指。將謂呼吸之氣耶。則吸氣中之養氣。由肺入血。周行百脈。與炭化合。成碳酸氣體而呼出。是仍血也。血與氣不可離而爲

二也。中醫之所謂氣。雖包肺氣在內。然周於一身。通乎表裏。靈妙而不可測。決不僅指此呼吸之氣可知。然稍加思索。則知中醫之所謂氣。卽西醫之所謂神經。以此義讀中醫之書。則凡所謂氣逆氣滯氣虛氣鬱諸症狀。肺氣腎氣肝氣胃氣諸名稱。理氣順氣補氣散氣諸方劑。皆可迎刃而解矣。蓋神經奮興則鎮靜之。神經沈衰則刺激之。一切機官之病狀。與其療法。無不與神經作用有關係。此稍習西醫者。無不知之。不過譯西籍者謂之神經。意在指其實質。而我國古來則謂之氣。意在示其作用而已。吾人平日於喜怒哀之表示。亦稱曰喜氣或怒氣。其他神經作用。以氣呼者甚多。故稱人之精神狀態。謂之神氣。又吾國初譯醫書時。亦稱神經曰腦氣筋。可知氣之本義。含有精神作用之意。不僅指空氣及其他氣體而已也。推之而氣動則生風。風之云者。指神經之變態而言。或神經過於興奮。致痙攣或顛狂者。如肝風驚風瘋癲(癩古作風)等是也。或神經過於沈滯。致痺麻或萎縮者。如中風風濕是也。或因神經之刺激過敏性。致感痛覺者。如痛風頭風等是也。既知氣卽神經。則血氣並稱。殊有至理。蓋普通常見之病。由於血液之循環。受局部之障礙而起者居多。腸胃病中之食傷下痢。呼吸器病之咳嗽痰喘。及其他一切炎症熱症。皆由於此。然其障礙之所由生。則因其局部之血管。或收縮或擴張之故。動脈擴張則充血。動脈收縮或靜脈擴張則貧血。靜脈收縮則鬱血。種種之病名不同。病狀各異。而病理則不外乎此三項。惟血管之擴張及收縮。主於神經。

興奮則收縮。沈滯則擴張。神經之變調。影響於血液者甚捷。至神經所以變調。或受外物之刺激。(如寒熱及器械藥物之類)或因內部之感動。(如喜怒哀樂之類)而原因於血液成分之改變。或含有毒素者亦多。總之神經之興奮與沈滯。影響於血液。而血液之清潔與污濁。亦影響於神經。中醫所謂氣以行血血以養氣二語。實包括西醫病理學之大部分。其所謂血陰而氣陽者。陽為主動性。陰為所動性。陽動而陰靜。陽生而陰長。證以今日生物學之理。實為顛撲不破之論。且中醫之所謂氣。就局部言。則指神經作用。就全體言。則指精神作用。如元氣精氣等之氣皆是。故氣者無形之精神。血者有形之物質。宇宙萬有。皆此精神與物質相合而成。故天地為陰陽交合之局。人身即萬有中之。亦精神與物質相附屬。中醫謂人身為一小天地。實與今日哲學之理相符。又中醫論藥。有入氣入血之分。西醫之藥劑分類法。雖有種種。如臟器分類法。臨床分類法。皆非十分完全。研究藥物作用者。分之為局部作用及吸收作用。局部作用者。不必吸收入血。任何局部。皆現其作用。如腐蝕藥之類。常用於外科。而少內用。吸收作用者。於吸收入血之後。或於一定之臟器中現其作用。此種作用。不外使神經中樞或神經系中之某部。增進其機能或消退之而已。此即可謂之氣分藥。又或吸收之後。於神經之特殊機能。毫無障礙。惟改變體液之成分。使組織中之新陳代謝機能。增進或減退。如強壯藥。變質藥。清涼藥。及解熱藥中之一部。即可謂之血分藥。故若將中藥

析其成分。驗其作用。則其所謂血分氣分之區別。當不外是。至人體解剖。中醫固不如西醫之精。然中醫所言。亦間有價值。如中醫以脾臟為消化機關。西醫以為脾與消化無關。而不明其作用。或則以脾為最大之淋巴腺。近時始知脾臟缺損。則脾臟之液。變其成分而不能消化蛋白質。又西醫向以肝臟為消化機關。近時知肝臟於分泌膽汁之外。尚有種種複雜之化學作用。血液中之糖分與養素化合物之物質。實為肝臟所分泌。肝臟為重要之血管腺。可知中醫謂肝藏血。未始無理。中醫又謂肝主怒。膽主決。西醫固無此說。然人當憤怒驚懼之後。往往發黃疸。則肝臟之關係於精神狀態。固有確證也。西醫自發明內分泌以後。始知生活之臟器。功用複雜。不能僅就解剖尸體之所得。謂已盡窺其神妙。則中醫之就體驗而得者。亦未可遽棄矣。又中醫之藥理。固不如西醫之明晰。然數十年中。經無數醫家之實驗。其效用亦復明確。試取西醫之藥物學細勘之。其所言性質。與中醫相符者。殆居十之四五。他如麻黃發汗。半夏止嘔。西醫所無。而其効則甚著。如此之類。亦復不少。又如阿膠止血。為德醫所發明。而我國早用以治產後勞損。鐵質補血。為西人之新說。而我國久用以療黃疸。古人研究之精深。殊令後人驚異。近時日本醫生。就漢藥中析其成分。加以精製。以為新藥。我之國粹。乃為他人利用。殊可惜也。然習西醫以詆諆中醫。固為無見。若信中醫以排斥西醫。亦同為無識。西洋科學。專事求諸實驗。既無將信將疑之慮。且處處與人以共曉。無若隱

若現。使人真名其妙者。故學西醫實較中醫爲易。學醫者先以現釋之解剖生理學及藥物學入手。實較便也。現吾國人對於西醫西藥。往往懷疑。其實西醫之藥。或爲散劑。或爲水劑。無非從生藥中取得。其所用生藥。亦樹皮草根居多。大抵以酒精或水浸出。或經熬煉而成膏。吾人慣用生藥。故見其製劑。以爲疑怪。須知彼之製劑。大都糖漿、汽水、香料等。以賦形調味者居多。主藥有限。分量甚少。服之無効。容或有之。若夫爲醫。則非極庸劣之西醫。決不至是。以西醫之藥。用量常有一定。苟不逾量。不久服。必無害於人也。總之。無論中醫西醫。其研究各有淺深。道雖各有高下。研究深而道德高者。不論中西皆爲良醫。若夫下劑。亦皆有之。中醫之庸劣者。固所在多有。即西醫亦何獨不然。彼等在學堂或醫院中稍習應用之技術。孜孜營利。既無研究之餘暇。復乏道德之觀念。待遇病人。既不親切。診察病狀。亦不精細。而往往強人以行其不願爲之方法。誠於病者有害無益。是乃爲西醫者個人之咎。而非西醫學術之咎也。夫學術者在於實事求是。本無國界可言。安有中西之別。融會而貫通之。實爲現今學者之責任。陳君漢翹。曩學醫於日本。素有志於是。近輯中西驗方新編一書。所列各方。皆日本醫家所借用。認爲確有効力者。不但足以備病家之檢閱。即學醫者亦可以此通中西之郵。其裨益於世。豈淺鮮哉。

### 民國以來路權之旁落

吳貫因

鐵路爲重要之交通機關。凡屬獨立之國。其路權未有許人染指者。我國自甲午敗後。國勢日以凌夷。列強勢力之侵入。由政治上而及於經濟上。鐵路爲交通命脈。兼有政治經濟兩面之性質。列強尤爭權之。迫於清末。國人悟路權一失。國權將隨之而去也。於是盛唱收回之議。然其運動奏效者。僅見於粵漢鐵路而已。若俄於東清。日於南滿。德於膠濟。英於九廣。法於滇越。皆保持勿失。其他爲我國所自築者。亦多因借用外債之故。不免受外力之侵入。讀清末之鐵路史。未嘗不爲之痛哭流涕也。雖然。往事已矣。亡羊補牢。計尙未晚。民國成立。使能懲前毖後。勿再輕以路與人。則前此所失者。其數有限。一國路權。猶未全爲外人所左右。何圖當局者好作慷慨。動以路權授人。比之前清。尤有甚焉。試一稽民國以來喪失之路線。未有不令人瞠然以驚悚然以懼也。

俄國 獲有青黑鐵路(青山、黑龍江間)三百五十英里。齊齊鐵路(齊齊哈爾洮南間)一百六十英里。

俄法兩國 借比利時「先治潔特」之名獲有海蘭鐵路。(海門關州間)一千零九十九英里。同成鐵路(大同成都間)一千五百一十英里。

法國 於滇越鐵路七百英里外。再獲雲重鐵路(雲南重慶間)七百英里。雲成鐵路(雲南成都間)六百英里。

德國 獲有濟順鐵路(濟南順德間)一百二十英里。高緯鐵路(高密韓莊間)二百十英里。

英國 獲有寧長鐵路(南京長沙間)七百七十四英里。蘆漢鐵路(蘆甸雲南間)三百八十英里。四川延長線六百四十五英里。浦信鐵路(浦口信陽間)三百五十英里。沙興鐵路(沙市興義間)七百六十英里。

日本 獲有開海鐵路(開原海城間)一百二十英里。四洮鐵路(四平街洮南府間)二百三十英里。洮熱鐵路(洮南熱河間)四百五十英里。長洮鐵路(長春洮南間)一百五十英里。海吉鐵路(海龍城吉林間)一十英里。南滿鐵路(南昌瀋陽間)五十九英里。又南滿鐵路展期至民國九十一年始得收回。安奉鐵路展期至民國九十六年。始得收回。吉長鐵路改歸日本管理。

美國 日來據字林報及東方通信社電。政府又借美金一萬萬元。許西姆氏卡來公司。包築晉甯湘桂粵浙鐵路二千餘英里。即(一)山西豐鎮至甘肅寧夏鐵路。(二)寧夏至簡州鐵路。(三)湖南衡州至廣西南寧鐵路。(四)浙江杭州至溫州鐵路。(五)海南島瓊州至樂會鐵路。

以上各路。除南滿安奉吉長三路之改約。在去歲日本下哀的美敦書時。為國民稍嘗注意外。其餘諸路。皆於無聲無臭之裏斷棄之。事前不聞人民有一討論之舉。事後不聞人民有一反抗之聲。政府以賣路為生涯。勿復道矣。嗟我國民。奈何亦裝聾作啞。熱視而若無視耶。嗚呼。以五載之短期間。而所斷棄之路。視前清所失者。乃遠過之。國家文明之進步。嘗無尺寸。而國

權旁落之速力。則瞬失千里焉。循是以往。其何能圖。吾言至此。感不絕於余心矣。

此諸路若成。則吾國無間南北東西。自海濱以達山陬。自邊境以至腹地。其交通之權。皆由外人支配之。雖此諸路。不盡歸外人修築。多有僅借其資。其修路之權。尚存諸己者。然我國之借外資。條件皆極苛酷。既借其資。即不免受外力之侵入。視歸外人修築。其差僅一間耳。故列強而殘瓜分。必自鐵路政策始也。我國而致覆亡。亦必自路權旁落始也。易曰。其亡其亡。繫於苞桑。民國之存亡。亦繫於鐵路而已。我國民而思保國也。奈之何不知保路耶。

### 說孝

(雅)

孝者無他。用愛最嚴之一名詞而已。古之人父與父言慈。子與子言孝。慈與孝合而為人類用愛最嚴之一名詞。非如南宋以後人之腦子。合忠孝為一談。一若言孝而有家庭服從之組織。隱隱寓之於中。孝之名義。偶有所異同。便中國數千年之倫理。因之而崩壞。如是言孝。孝非用愛最嚴之一名詞。乃用敬最嚴之一名詞矣。何也。蓋利用之以維持一社會之秩序。未承其天然而能發生於骨肉之情矣。僅僅有其骨肉之情。無繼之以天澤之分。把持其心慮。此實移孝作忠等之通詞。廉而為此片面之義務。道德家不察。尚認今日之孝。即為古人之孝。豈知古人之孝。固與古人之慈。為相對之義務。為道德原動力所自生。



不分乎古今中外。爲人類公有之性也。

人類半數善半數惡。無論有孝之名詞存在。或則并無其名。皆孝子半而不孝之子亦半。

孝子半數。以最孝之第一人。以視等而下之之第五十人。幾與不孝子相若。不孝子半數。以最不孝之第一人。以視等而上之之第五十人。幾與孝子相若。孝之等級無定。即由於人之用愛及他人實望其用愛之分際亦無定。半孝之而半不孝之者。乃對於凡舉百人而指分。非立如何之標準而分之。此一義也。

今之孝子。必有孝而過於古者。今之不孝子。亦必有不孝而過於古者。因善亦進惡亦進之故。此又一義也。

今之不孝。雖過於古。自有今日過於古者之孝。抵抗而使不孝所成之惡。其遭受區域。日以縮小。此因世界爲進化的。此又一義也。

膠論不惟言孝。皆本三義而立。故關頭安斷爲世界孝子半而不孝之子亦半。當心知其意。庶不至於刻舟求劍。

今日時賢之所懼者。莫如西說東漸。而孝必破碎。因西方社會。有愛之名。無孝之名故也。然向所謂抽象爭之。不若具體爭之者。故去空洞之道德。而舉例之以實在之孝。今當更去空洞之孝。而舉例之以東西實行之人。

倫敦有一文學士。居北郊罕模斯臺。渠渠夏屋。與彼貴重之夫人同居。吾粵李君納重幣購宿執業於其家。然察其師。每一

星期。必過三里外一孀人居。就三層樓上一小屋而坐。出遇客則亦不諱。蓋朝其八十歲之老父。老父以貧窶。納十數仙令。食宿此家樓上。然文學士之巨宅中。可潔治之舍甚多。謝曰將不爲夫人所許。舉一文學士。如文學士者。全英可萬數。此實時賢奮拳抵几。詎爲西方實不成社會者也。然在吾輩。吾有感里。亦讀聖賢書者也。恨其父積財而不分。又不卽死。乃元旦

着白衣以爲魔。吾之感里。吾敢言在社會爲甚尋常。今日涇水之上。分財兄弟打架。某二皇子近在海上。攜兩妾至古書店購五禮通考。皆卽其變相。西人若但舉此類人之生活。斷言中國言孝之社會。亦惟有捋鬚微笑。有貶無褒。此無他。不過吾所謂不孝子。中西皆居人類之一半。

倫敦又有一文學士。居東郊。設斯丹福校。吾粵李君之弟。適又學焉。文學士之父。亦一老文學士也。瘧於床者有年。文學士與其母及其弟。奉湯藥。承色笑。片時不離。多年守長夜。皆兄弟隨老母躬親之。不委婢僕。家蓄婢僕。固數人也。父以疾逝。母因侍疾勞苦。又久病。文學士遺弟成婚。己遂不娶。以奉母。母病數年。文學士晝夜躬侍。如侍父病。舉此文學士。如此文學士者。全英亦可萬數。而時賢必釋然曰西方之社會。實無異於我中國。此類孝子。本自以爲國粹。吾可不必舉例。此又無他。不過吾所謂孝子之一半。中西皆永存於人類者也。然則倫理之組織。可常改者也。有如父子之犯罪。依法同科。以適於法治等等。皆無妨礙於骨肉天性之愛。何必忍忍於新

奮變遷之交。惟道德之或非與成落。孝之名即不存。以博愛代之。父與父言博愛。慈矣。子與子言博愛。孝矣。

### 調和

(雅)

調和者。自趨正當方面。而莫孤行己意。侵害異己者之同趨一方面。故各為適當之讓步。調和之功用。因而存在。例如從政策方面言。自派之決心。必以革故猛進為程功之鵠。然慮時勢或不相容。而保守與穩進者之策畫。未始無一日之長。於是調和於新舊間。俾參雜並進。又如從地位方面言。自派之得柄。權人才亦不敷分布。濫竿者勢不能免。則排除異派之伴食者。太不留餘地。自有易暴之謂。即失情理之平。於是調和於彼此間。使同異兼容。凡此皆調和之真意。雖不足當謀國之正軌。然於國是難定。人履官難之秋。實為維持甚多之一法。故即短時之閒。中國真正能以調和立國。亦不足為病。

所可慮者。近日各社會相互之道。往往無一不假。調和調和之聲。君子固已病之。然若流行之調和。果為真調和。余意

一無所憾。倘竟為假調和。則潛伏之決裂。一旦爆發。恐尤甚於不調和。且方其假之時。而各派之擾擾營求。無一日不在安排中。俾國事停滯不進。此已過五年之民國。實受厥弊。

何為假調和。即屈於一時勢力。各為隱忍是也。其小人日日為伺隙之謀。其君子亦即處處含利用之意。小人吾無責焉。吾願忠告君子。今之君子。實因力量之不敵。遂倡調和之聲。恐最初即非發於誠意。勢力不滅等之論調。皆口頭禪耳。故其擾擾之情。有使小人愈強其意志。而為備益密者。君子自以為才。而用智實疎。今日利用小人之甲以制乙。明日又利用小人之乙以制丙。方謂甲乙丙皆入吾之牢籠。可使一旦自相排除以盡。而君子遂奏全凱。殊不知其得果之巧。反使甲乙丙協而利用以制我。此實以利用感召利用。既造作惡因而應得惡果。

然則將奈何。曰君子而願有真調和。則待小人當以直為報。(不為逆應之攻毀、亦不為屈情之交好)已則積極於國事可盡之心。不欲奏黨派上形式之全凱。水到自有渠成之日。過於操苗助長遠矣。





# 法

# 令



勳章令(敕令第二十九號十月七日公布)

## 第一章 勳章等級

第一條 勳章之等級如左。

### 一 大勳章。

### 二 實光嘉禾章。分五等。

一等大綬實光嘉禾章。

二等大綬實光嘉禾章。

三等實光嘉禾章。

四等實光嘉禾章。

五等實光嘉禾章。

三 嘉禾章。分九等。

一等大綬嘉禾章。

二等大綬嘉禾章。

二等嘉禾章。

二等嘉禾章。

東方雜誌

第十三卷

第十一號

法令

第二條 勳章之綬制如左。

## 第二章 綬制

大勳章大綬紅色。

一等大綬實光嘉禾章。大綬紅色黃綠。

二等大綬實光嘉禾章。大綬紅色藍綠。

三等實光嘉禾章。無綬。

三等實光嘉禾章。領綬黃色藍綠。

四等實光嘉禾章。襟綬加結黃色藍綠。

五等實光嘉禾章。襟綬黃色藍綠。

一

一等大綬嘉禾章。大綬黃色紅綠。

二等大綬嘉禾章。大綬黃色白綠。

三等嘉禾章。無綬。

四等嘉禾章。領綬紅色白綠。

五等嘉禾章。襟綬加結紅色白綠。

六等嘉禾章。襟綬藍色紅綠。

七等嘉禾章。襟綬藍色紅綠。

八等嘉禾章。襟綬白色紅綠。

九等嘉禾章。襟綬黑色白綠。

第三章 勳表

第三條 勳章各附勳表。色如其綬制。

二等寶光嘉禾章二等嘉禾章勳表。與二等大綬勳章同。

第四章 佩帶規則

第四條 勳章應於著文武制服及晚禮服時佩帶。著晝禮服時。

僅佩勳表。

第五條 一二等勳章。佩於左襟。其大綬由右肩斜至左脅下。

結綬章於綬末。三等勳章。以領綬佩於領下。四等以下各勳

章。以襟綬佩於左襟。各等勳表。均佩於左襟上。

第六條 已受一二等大綬勳章而更受他種一二等勳章時。得併

佩兩勳章。但大綬及副章。應佩其高級者。等級相同。應佩

其先受者。

第七條 受有兩種以上勳章者。無論等級異同。得併佩帶。

第八條 受有本國及外國勳章者。不得僅佩外國勳章。

第九條 受有本國及外國大綬勳章者。不佩帶外國勳章大綬。

但外交必需時。亦得佩之。

第十條 外國勳章。應佩於本國勳章之右或其下。

第五章 章綬圖式

第十一條 勳章之圖式如左。

一 大勳章。中繪十二章。為日月星辰山龍華蟲宗彝藻火粉

米黼黻。如第一圖。

大勳章綬制圖式。如第十八圖。

二 一等大綬寶光嘉禾章。中嵌珊瑚圓珠。加繪嘉禾。如第

二圖。二等大綬寶光嘉禾章至五等寶光嘉禾章。中嵌寶石。

加繪嘉禾。如第三圖至第七圖。

寶光嘉禾章綬制圖式。如第十九圖至第二十三圖。

三 嘉禾章。中繪嘉禾。如第八圖至第十七圖。

嘉禾章綬制圖式。如第二十四圖至第三十二圖。

第六章 勳表圖式

第十二條 勳表圖式。如第三十三圖至第四十九圖。

第七章 勳章執照

第十三條 勳章執照式如左。(執照式略)

第八章 附則

第十四條 關於陸海軍勳章別定之。

第十五條 本令自公布日施行。

頒給勳章條例(敕令第三十號十月七日公布)

第一條 大勳章除 大總統佩帶外。得由 大總統特贈外國大總統外國皇帝君主。

第二條 實光嘉禾章。由 大總統特令頒給。

第三條 嘉禾章。除由 大總統特令頒給者外。其他應受勳章人員之功績。須由各該長官敘述或證明。並附履歷。咨送銓敘局核議等級。呈請 大總統以命令頒給。

第四條 頒給勳章。奉 大總統命令後。由銓敘局註冊。並填明執照。由印鑄局發給。

第五條 頒給嘉禾勳章。特任官初受三等。簡任官初受四等。均得因所著功績。超給較高之等。累功得遞進至一等。薦任官初受七等。得因所著功績。超給五等六等。累功得遞進至三等。委任官初受九等。得因所著功績。超給八等。累功得遞進至五等。

凡有功績於學問或事業者。初受勳章。自九等起。得因所著功績。超給七等。累功得遞進至一等。

第六條 一年內。對於一人不得頒給勳章兩次。但 大總統特令頒給者。不在此限。

第七條 頒給勳章於外國人員。按該國官等頒給。其在外國非官員者。依照第五條第二項辦理。

第八條 頒給勳章。應依第五條第七條之規定。不得越等。但由 大總統特令頒給者。不在此限。

第九條 晉受勳章時。應將前受之勳章。繳納印鑄局。

第十條 凡因犯罪或違反其他法令受褫奪勳章處分時。應將勳章並執照。繳還銓敘局。

第十一條 凡因犯罪或違反其他法令。受停止佩帶勳章處分時。應將勳章繳還銓敘局。停止期滿。仍得呈請頒給佩帶。

第十二條 已受之勳章。除因被褫奪或停止佩帶外。終身享受之。

第十三條 頒給勳章。依本條例所定辦理。但陸海軍勳章之頒給。不在此限。

第十四條 本條例自公布日施行。

職官任免令

准吉林財政廳廳長柴維桐免職視江西卸署奉和縣知事胡德修職(九月二十一日)

任命李哲濬為吉林財政廳廳長陳劍為陸軍第十一混成旅參謀長(同上)

准平政院評事范熙壬湖北高等審判廳書記官長李蔚然免職視吉林吉長道尹柴維桐職(九月二十二日)

派江庸充法律編查會副會長任命周貞亮為平政院評事羅誠署精州關監督兼外交部特派廣西交涉員吉林吉長道尹張世銓兼管理

春關稅務何基為司法部會事(同上)

准福建警察廳廳長吳文炳江西水上警察廳廳長李昭哲察哈爾警

察廳警正張慶免職(九月二十三日)

任命俞紹瀛為福建省警察廳廳長倪興魁試署江西水上警察廳

廳長張樹模為河南陸軍第一混成旅少校副官顧爾銘為陸軍第十

四混成旅少校副官(同上)

准山東政務廳廳長阮毓崧免職免山東濟南道道尹楊慶鑒四川高

等審判廳廳長葉爾衡署雲南高等審判廳廳長張仁善署雲南高等

檢察廳檢察長王淮察職(九月二十四日)

任命陳幹為山東政務廳廳長唐柯三為山東濟南道道尹丁兆冠署

四川高等審判廳廳長唐啓虞署雲南高等審判廳廳長吳緒華署雲

南高等檢察廳檢察長(同上)

派江朝宗督辦京畿八旗官產清理事宜陳繼勳會辦京畿八旗官產

清理事宜任命林虎為高雷鎮守使沈鴻英為欽廉鎮守使姜登選為

虎門長洲要塞司令齊雲元署理陸軍第八師師長劉承恩為廣東兵

工廠總辦羅文莊為財政部秘書(九月二十五日)

任命謝重光署理湖南綏靖鎮守使(九月二十六日)

任命山西財政廳廳長朱善元兼任山西官錢局兼晉勝銀行監理官陝

西財政廳廳長景凌雲兼任秦豐銀行兼富泰錢局監理官熱河財政

分廳廳長劉鳳麟兼任熱河官銀號監理官江澤春署財政部會事

(九月二十七日)

據奉天前西豐稅捐徵收局局長分發縣知事趙宇航職(同上)

任命孫世偉署理山西政務廳廳長黎淵為法制局參事鄭秋光為大

理院書記官張士敏為陸軍三等測量長(九月二十八日)

准外交總長唐紹儀免職免東三省鹽運使倉永齡職前署陝西扶

風縣知事林世英職(九月二十九日)

任命王鴻陸為東三省鹽運使陳世華為山東鹽運使吳用威為河東

鹽運使李映雪為貴州全省警務處處長仍兼省會警察廳廳長(同

上)

准湖南武陟道道尹余燾審計院協審官李鳴謙免職(九月三十日)

任命陸鴻吉試署審計院協審官(同上)

准海軍部軍需司司長林葆綸免職(十月一日)

任命梁柏年署司法部會事(同上)

任命張翼樞為外交部特派雲南交涉員徐之琛署兼自關監督劉大

魁朱頤年徐觀為奉天高等審判廳推事張務本為奉天營口地方審

判廳廳長吳經銓為奉天安東地方審判廳廳長(十月二日)

梧州關監督趙曾蕃長沙關監督陸恩長粵海關監督孔昭焱辰州關

監督蕭漢儒開缺蒙自關監督呂鈺免職(同上)

任命沈慶輝署理鄂岸權運局局長劉宗海為塔爾巴哈台警察廳廳

長馬鎮藩為朝陽鎮守使署副官長(十月三日)

免塔爾巴哈台警察廳廳長桂瑞麟職准四川川江水上游警察第二廳

試署警正羅宗海離健仁免職(同上)

任命王文慶為浙江政務廳廳長王典章為廣東粵海道道尹黃孝覺

署潮循道道尹朱為潮署高雷道道尹梁邁署瓊崖道道尹馮夢雲為

熱河全省警務處處長仍兼熱河警察廳廳長龍靈署貴州高等審判廳長黃其幹署直隸保定地方審判廳推事俞鍾方署恆署直隸天津地方審判廳推事高震署山東濟南地方審判廳推事于宗海李承烈署江蘇江寧地方審判廳推事向百衡署安徽蕪湖地方檢察廳檢察官張統署江西高等審判廳推事張學煥為陸軍第十師步兵第二十旅少校副官(十月四日)

署貴州高等審判廳長吳家駒開缺(同上)

任命顧乃斌為奉天鎮守使官邦鐸署陸軍第六師步兵第十二旅旅長程繼元王大真為交通部秘書(十月五日)

准署京師地方審判廳推事姜詢如署陝西長安地方檢察廳檢察官徐步善署安徽懷遠地方檢察廳檢察長勞恭震安徽高等審判廳書記官長董國楨免職(同上)

准山西省長沈銘昌免職綏遠都統潘矩楹調京另候任用外交部特派浙江交涉員溫世珍免職(十月七日)

特任孫登緒為山西省長張懷芝兼署山東省長任命蔣雁行為綏遠都統張紹曾為陸軍訓練總監林隨翔署外交部特派浙江交涉員陳道原為海軍部技正(同上)

特任劉承恩署廣西省長由人龍為雲南騰越道尹陶思會署浙江高等檢察廳檢察長范賢方署廣東高等審判廳長殷汝熊署湖南高等審判廳長(十月八日)

准雲南騰越道尹張翼樞免職浙江高等檢察廳檢察長王天木廣東高等審判廳長沈其昌湖南高等審判廳長陳彰壽職(同上)

令山西政務廳廳長孫世傳暫行護理山西省長任命任福元為吉林陸軍第四旅旅長曹志剛為吉林陸軍第四旅步兵團團長張德海為吉林陸軍第四旅騎兵團團長施振元試署審計院協審官楊伯明為黑龍江高等審判廳書記官長(十月十一日)

督辦浦口商埠事宜劉恩源免職准署理交通次長權量免職仍回參事原任准交通部參事何啓椿免職免交通部司長袁齡副高鵬吳應科技監羅國瑞職前貴州銅仁縣知事桂福職(九月十三日)

特派馮國璋兼督辦浦口商埠事宜派溫宗堯會辦浦口商埠事宜任命王景春為交通部參事沈琪為交通部技監會館化桃國楨劉善為交通部司長赫英為恰克圖佐理員公署三等秘書(同上)

准審計院試署協審官王秉善陳廷銘黑龍江黑河警察廳廳長孫紹基免職(十月十四日)

任命陶善堅試署審計院協審官(同上)

准廣惠鎮守使龍裕光貴州貴西道道尹張延齡免職視河南考城縣知事紀燦職(十月十五日)

任命莫榮新為廣惠鎮守使章榮昌為桂平鎮守使莫肇宇為湘梅鎮守使周則范為湘西鎮守使吳緒華為貴州貴西道道尹(同上)

任命經家齡署浙江高等審判廳廳長由人龍兼騰越關監督張之綱署鹽務署參事(十月十六日)

准廣西南寧警察廳警正李榮華程溶陳錫詒免職(同上)

開復前安徽宣城縣知事錢瑞芬廣德縣知事陸士奎履職處分(同上)

派江朝宗督辦安徽籌賑事宜陳世華調任東三省鹽運使王鴻陸暫留山東鹽運使原任任命趙恆惕為暫編湖南第一師師長陳復初為暫編湖南第二師師長宋德玉為山東督軍公署軍法課課長徐繼高林耀所任玉年班吉本為審計院協審官(十月十八日)

任命張鼎為河南陸軍第一混成旅參謀長邱斌為陸軍第十六混成

旅參謀長(十月十九日)

准交通部會事楊宗澂梁毅王念祖任祖堯洗應勳關柏斌陳斯銳王蕙登技正俞人鳳陳同壽會廣勳徐中哲顏德慶章祐劉景山張錕任傳榜四川試署武城縣知事洪裕昆免職(十月二十日)

任命尤桐余和治謝鏡第宋真顯畢會劉景山張錕丁志蘭劉式訓宋康復張肇達黃贊熙胡鴻猷程家瀾畢焯許維鈞汪榮為交通部會事房宗嶽夏昌熾蕭日昌陳家棟為觀察周璠章為四川武城縣知事(同上)







# 中國大事記



民國九年 九月 十八日

●教育部呈准廢止預備學校令……教育部日前接國務院發函。請教育綱要。已議決撤銷。當以依據綱要訂定之令及規程細則等項。亦應分別廢止。特呈請將預備學校令廢止。並將其他法令規程細則。由部修正頒行。本日奉大總統指令照准。

●中日軍又在吉林長嶺發生衝突……吉林長嶺縣。近日有大股匪徒。攻襲縣城。經軍隊前往防勦。在該縣喇嘛寺地方。與匪接戰。匪有日本軍隊在該地行軍。致被我軍誤擊。當由日本領事向吉林督軍提出交涉。旋即和平解決。

同 二十一日

●廢止高等審判廳辦事權限條例

●安徽督軍張勳省長倪嗣冲等組織省區聯合會……張勳等曾於六月間與各省代表在徐州會議一次。近復聯合直隸、奉天、吉林、黑龍江、江蘇、江西、福建、湖北、山東、河南、山西、

東方雜誌 第十三卷 第十一號 中國大事記

陝西、甘肅等省。及熱河、綏遠、察哈爾各特別區域。組織省區聯合會。宣言以團結團體培養實力及監視國會參議憲法等項為宗旨。連日在徐州開會。並聯名電阻唐外交總長就職。經國務總理發電勸告。

同 二十二日

●派江庸充法律編查會副會長

●四國銀行團向財政部質問中日借約：英法俄德四國銀行團。向財政部提出質問。謂中國與日商新訂借款條約。有背善後借款條約第十七條。財政部答以此項借款。係實業借款。與該約並不相背云。

同 二十三日

●四川土匪猖獗……四川川西道屬樂山、溫江、郫縣、灌縣、彭縣等處。有邪教匪鄂天祥、周燈杆等。聚眾倡亂。自稱勳王軍及定國軍。在各處肆擾。屢被官軍擊敗。尚未絕滅。

同 二十五日

● 擬江朝宗督辦京畿八旗官產清理事宜陳維翰會辦京畿八旗官產清理事宜

● 京兆永定河北六工漫口令飛款賑濟……京兆尹王達呈稱。永定河北六工。漫溢成口。勸估堵築要工。呈送圖冊清單。請速撥款興辦。並量予賑撫。奉令。應由財政部迅撥賑款五萬圓。

● 由本大總統特捐銀一萬圓。交該京兆尹趕辦急賑。該工所需款項。並由財政部陸續籌撥。

● 財政農商部與日商改訂借款條約……財政農商兩部。前與日商興亞公司。訂立借款條約。因經國會反對。復與日商磋商改訂。現已磋商就緒。於二十六三十日。提出兩院。其改訂條約如下。

第一條 借款金額為日幣五百萬圓。第二條 年利六釐。第三條 本借款償還期限為三年半。以制錢精鍊之利益償還之。有不足時。由中國政府另以他種利益補充。第四條 本借款專供買收及精鍊制錢之用。第五條 本借款由橫濱正金銀行交付。作九四扣。第六條 本借款契約。須由中國國會決議。

第七條 本借款簽字後。當廢去九月九日之五百萬元借款契約。第八條 本契約以華文為準。另訂有精鍊制錢條約十三條。

第一條 設立精鍊制錢工廠於天津。第二條 由中國方面選任工廠總辦及其他職員。第三條 在工廠所精鍊之銅。除直接供中國政府之用外。以市價販賣之。第四條 中國政府担任收買制錢。資本不足時。由久原(興亞公司代表)供給。第五條 工廠資本六百萬元。由久原出資。第六條 精鍊制錢之利益。由

中日雙方均分。第七條 工廠以六個月內成立。未成立以前。或工廠生產力不足時。得利用在日本之久原工廠。第八條 買收制錢。以六萬噸為限度。一年半後是否繼續。再行協定。第九條 契約期限內。中國政府不得與他人訂立經營本事業之契約。但官營工廠。不在此限。第十條 中國政府未得久原之同意。不得將本事業為其他借款之抵押。第十一條 契約滿期後。中國得以公平之價值。收買工廠一切財產。第十二條 另設章程。以定事業細目。第十三條 本契約自簽字之日起。發生效力。

問 二十七日

● 四川新津兵變……四川新津縣駐防兵士。本日因索餉譁變。經旅長劉存厚派軍堵截。旋即潰逃。

問 二十八日

● 江蘇淮揚各屬水災令撥款賑濟……江蘇省長齊耀琳。電稱蘇省入夏以來。霖雨連綿。淮揚各屬。地勢低窪。盡成澤國。八月迭經驟雨。人口牲畜。漂沒無算。上游以淮陰、鹽水、泗陽、寶應等縣。下游以高郵、興化、東台、鹽城、及毗連皖北之江都、江浦、六合等縣為最。懇請發款賑撫。奉令。著由財政部迅撥賑款八萬圓。並由本大總統特捐銀二萬圓。交該省長遴委委員。馳赴災區。核實散放。

問 二十九日

● 准外交總長唐紹儀免職

●廣西南寧鎮南兩道所屬忠州等十土司改設縣治……廣西所屬土司。共四十有二。自民國四年前巡按使張鳴岐呈將安定等九土司改流後。所餘各屬土民。皆稟請一併設縣。前都督陸榮廷。以該民等望治情切。當將南寧道屬扶南縣承審之土忠州土司。改置忠縣。鎮南道屬同正縣承審之土忠州土司。改置龍茗縣。養利縣承審之老登、全老、龍英等三土司。仍分隸南寧鎮南兩道管轄。並將應設各縣知事。先後委員前往署理。當時因大局未定。所有應行籌備事宜。未及先期呈報中決。近日始由督軍兼省長陳炳焜錄案補報。本日。奉大總統指令。准如所請改置四縣。惟忠縣應改稱綏遠。恩陵縣應改稱思樂。交內務部財政部查照。

●中美訂立鐵路借款合同……本年五月間。交通總長曹汝霖。與美商希博司喀勒公司。訂立借款合同。借美金一千萬圓。為修築鐵路之用。旋因政局變動。暫時擱置。後經交通部屢向美商磋商。約未允。遂議定將原約改訂。本日。由交通總長許世英。與美商簽字。聞其條件大略如下。一、借款金額為美金一千萬圓。一、實收九三。年利六釐。一、總辦以華人任之。技師長會計主任。以美人任之。一、修築鐵路計長一千一百英里。共分五線。 (甲)由山西豐鎮至甘肅寧夏。 (乙)由甘肅寧夏至蘭州。 (丙)由湖南衡州至廣西寧夏。 (丁)由

浙江杭州至溫州。 (戊)由海南島瓊州至樂會。

●國務院禁借款收受回扣……國務總理因向來借款事件。經手人員。率有收受回扣等事。以為在官人員。貪圖給薪俸。即應為公服勞。何可濫為染指。特通告各部各省。嗣後遇有借款情事。在公經手員司。應得回扣。消漢歸公。不准私相授受。其他凡與外商交接款目事項。概從此例。違者重懲。

●吉林長春兵變……吉林陸軍第一混成旅步兵第二團第二營第六連目兵。前由長嶺調至長春。本日。因索餉譁變。肆行搶掠。當經鎮守使派員收撫。遣回省城。訊明首從。分別懲處。

十月 一日

●各省省議會開會……各省省議會。除浙江於九月一日提前開會湖南於七月二十日四川於八月十五日開臨時會外。均由各省行政長官遵令依法召集。於本日開會。

同 二日

●俄兵殺害中俄邊境回民交涉……俄國哥薩克兵。在普熱瓦勒斯克地方。殺害回民四百餘人。又喀爾喀地方回民。亦被俄兵搶掠。損失二十餘萬盧布。當由外交部向駐京俄使抗議。並令駐俄公使與俄政府直接交涉。俄政府答稱該地回民。或為華籍。或為俄籍。無從判別。遂議定由兩國派員會同調查。

同 三日

●衆議院否決外交總長同意案……外交總長唐紹儀因病呈准免職後。大總統擬改任陸徵祥為外交總長。咨請衆議院同意。本

日衆議院提出議案。當用無記名投票法投票。出席議員三百八十八人。不同意者一百九十八票。多數否決。

同 四日

●岑春煊離粵回桂。兩廣護國軍都司令岑春煊。自軍務院撤銷後。即收束軍隊。將軍事移交廣東督軍。行政事項移交省長。於本日由肇慶起程。歸廣西桂林原籍。

同 五日

●浙江台州鎮守使署移駐寧波改稱寧波鎮守使

同 六日

●龍濟光退出廣州。卸任廣東督軍龍濟光。本日率所部振武全軍。退出廣東省城。擬往瓊州島。新任督軍陸榮廷。旋於十九日到省。

同 七日

●公布修正勳章令。令見法令門。

●公布修正頒給勳章條例。條例見法令門。

●令查明地方苛細雜捐。令曰。體國經野。制賦自有常經。爾稅輕徭。恤民斯爲善政。軍興以來。農廢於野。商困於市。流離板蕩。慘不忍聞。而猶負重於邱山。捐輸析於毛髮。每一念及。寢饋難安。用特明令宣示。其有地方雜捐。確屬苛細者。著財政部商同地方官吏。分別查明。呈請減免。至賦課稅捐。國家正供。如徵額不足。取給借債。則重息之債。仍苦吾民。應督飭經徵官吏。切實改良。嚴杜中飽。以濟國用而恤民艱。

此令。

●特任孫發緒爲山西省長張耀漢爲山東省長。山西省長沈銘昌。因母病呈准免職。

●任命蔣雁行爲綏遠都統。原任潘矩楹調京另候任用。

●任命張紹曾爲陸軍訓練總監

●裁撤湖南武陵道道尹缺

●平政院裁決內務部行政訴訟。內務部於九月八日。以部令聲明適用民國元年官制。並將參事二員、司長三員、參事二十員、主事三十八員、技正一員、技士一員停職。當即按額缺另行派員試署。被裁各員祝書元等。指爲違法。於同月十九日在平政院提起行政訴訟。經平政院咨請內務部答辦。內務部指平政院違法受理。始終拒絕答辦。並呈請總統請飭國會。本日。平政院即將該案裁決。取消內務部部令。當將裁決書呈報大總統。內務部復呈大總統不承認該院之裁決。

●全國商會聯合會閉會

同 八日

●特任劉承恩署廣西省長

●平政院裁決交通部行政訴訟。交通部於八月十四日。以部令聲明適用民國元年官制。將部員羅國瑞等停職。並將參事何瑞章任祖堯降委主事。旋即以部令按額缺另行派員試署。被羅國瑞等指爲違法。於九月二十六日。依法提起行政訴訟。經平政院裁決。交通部之處分。應予變更。會將裁決書由呈報大總統。

本日。大總統訓令交通部查照執行。

同日 九日

●令陸軍部查明五年來死難將士職卹……令曰。自民國肇興以來。患難相乘。義烈之士。蹈死不悔。糜爛斷脰。前仆後繼。再造玄黃。力回陽九。茲值國慶。宜慰忠魂。著陸軍部查明五年以來死難將士各職名。及其後裔。各議所以撫卹之。此令。

●令陸軍部查明海陸會議與難諸人職卹……令曰。前中國銀行總裁湯叔等。奔走國事。慘遭海陸之變。著陸軍部查明該次會議與難諸人。從優議卹。此令。

同日 十日

●舉行國慶典禮……本日為民國第四屆國慶日。更值共和再造。全國舉行慶祝典禮。較前尤為隆盛。北京除舉行閱軍宴會等事外。并由大總統贈授並頒給元勳及有功人員勳位勳章。各省各商埠商民。多舉行提燈會。以表熱忱。

同日 十一日

●令山西政務廳廳長孫世偉暫行護理山西省長  
●日俄英法抗議中美鐵路借約……駐京日俄英法各國公使。奉本國政府命令。以新訂中美鐵路合同所載路線。違反前訂條約。於各國權利有礙。向外交部提出抗議。

同日 十二日

●熱河軍隊擊斃匪首巴布扎布……巴匪自東三省敗退後。忽改變方向。直犯熱河。日前率匪徒二千餘名。攻襲林西。

縣。經都統姜桂題派兵勦辦。大獲勝利。並陣斃匪首巴布扎布。餘孽均已潰竄。

同日 十三日

●特派馮國璋兼督辦浦口商埠事宜派溫宗堯會辦浦口商埠事宜……督辦浦口商埠事宜劉恩源免職另候任用。

●准署理交通次長權量免職仍回參事原任

同日 十四日

●內務部呈准江西浮梁縣治移設景德鎮……江西浮梁縣屬景德鎮。為該省工商大埠。向設有縣官行署。歷任官吏。皆駐城時少。而駐鎮行署時多。近年各項局所。亦先後遷移至鎮。現知事陳安。特詳湯陽道尹轉詳江西省長。請將浮梁縣治移設景德鎮。當由江西省長咨請內務部轉呈大總統照准。

●全國教育聯合會開會……全國教育聯合會。本日在京假教育部學校成績展覽會址。開第三次正式大會。

同日 十五日

●改廣東惠潮嘉鎮守使為潮梅鎮守使

同日 十七日

●任命夏詒霆為外交次長

●衆議院否決外交總長同意案……外交總長唐紹儀免職後。經大總統在衆議院提出擬任陸徵祥為外交總長同意案。旋被否決。茲復擬任汪大燮為外交總長。咨請同意。衆議院於本日投票表決。仍以多數不同意否決。

●農商部呈准裁撤林務處……農商部於本年一月間。呈准設立林務處。將農林司職掌事務。劃分一部分。改歸該處辦理。現總長谷鍾秀。以其近於駢枝。呈請將該處裁撤。並於部內另設林務研究所。從事研究。本日。奉大總統指令照准。

●天津法人要求展界交涉……天津老西開地方。法人久擬展為法國租界。迭次交涉未決。本日。駐津法總領事。奉駐京法國代理公使訓令。忽向直隸省長要求將該地充作租界。限四十八小時內答復。旋即拘去在該地站崗之警察九名。實行佔據。

當經外交部向駐京法代理公使抗議。並令駐法公使向法政府交涉。

閏 二十日

●德使向外交部抗議法人在華招工……駐京德使。向外交部提出抗議。謂法人在中國北部招工三萬人。將送至法。經外交部給發執照。其一部分已由秦皇島出發。此舉顯係違背中立。要求外交部答復。



# 外國大事記

五月 九月 十一日

- 聯合軍與希臘之交涉……希臘內閣。正式承認聯合國所提出維持秩序之條件。一面取消希臘預備兵團本部。
- 俄羅聯軍之敗退……俄羅斯及羅馬尼亞聯軍。本日敗績。放棄保加利亞西里斯得利亞(在多瑙河畔)東方及東南方之陣地而退却。同日德保聯軍佔領多瑙河南岸羅馬尼亞之都市。
- 俄軍佔領亞洲土耳其領土……亞細亞土耳其巴南地方。為俄軍佔領。
- 希臘首相留任……希臘首相石意米斯氏因希王之挽留。收回辭職表。着手改造內閣。
- 俄軍奪得奧國山地……德奧聯軍所共守之喀普爾山。(喀爾巴阡山地)為俄軍所奪取。
- 加那大大吊橋之崩壞……加那大奎卑克橋。為世界最大之控架吊橋。本日是。其中段忽然崩壞。墜落於聖羅稜河。工人等亦墜入水中。失蹤者二十七人。撈獲屍身五具。該河之航行。因而停止。其原因因欲從浮橋(並列數舟而成者)舉起該橋之中段至一百五十英尺之高處。正在工作之際。忽然發生此慘禍也。

同 十二日

- 高加索土耳其軍獲勝……高加索方面之土耳其軍。擊退俄軍。占領特俄奔特南方之高地。恢復最近所失之高加索地點。
  - 土軍入羅馬尼亞……土耳其軍加入侵入羅馬尼亞境內之德保聯軍。為協助德保聯軍之行動。
  - 法軍占領保軍陣地……法軍參加巴爾幹半島聯合軍。協力進攻德土保聯軍。於本日占領馬基頓之保軍陣地。
  - 德保聯軍奪回保國舊領土……第二次巴爾幹戰爭後羅馬尼亞從保加利亞獲得之領土。本日被德保聯軍奪回。
  - 西歐戰場英法軍之獲勝……英軍在法境內獲勝。占領象照地方。法軍在本爾尼南方。占領若干之聖潔。
  - 英國陸軍大臣訪問維爾東通戰線……英國陸軍大臣路德喬琦。本日訪問法國維爾東通戰線。由法國軍需長忒麥氏。及法國包亞將軍款待之。
- 同 十三日
- 波斯皇之喪禮……波斯京城德黑蘭市之住民。全都撤退。該市由俄軍保護。將政廳移至裏海沿岸之巴爾弗修。(在德黑蘭東北七十英里)波斯幼帝。已離德黑蘭矣。
  - 巴爾幹之戰爭……英法塞諸國聯軍。本日占領模那斯提鐵路

沿線之沙羅維區地方。截斷保軍在該處之主要交通要道。在馬基頓方面英法聯軍進攻之師。被德保聯軍阻止。致不能前進。德保軍又在羅馬尼亞之東南繼續前進。

十四日

●希臘內閣更迭之決定……希臘首相石意米斯再辭職。希王許之。前司法大臣突密德拉哥普洛新組織內閣。本日希王召見突密德拉哥普洛新。面詢目前對於協商國之外交。當取何種方針。突氏之四十八小時之演說。再行奏告。

●西歐之戰爭……法境內之德軍戰線。在康布爾及迫倫納之間者。被英軍截斷。康布爾之德軍。因此陷入孤立之境。同日英軍從波拉森林前進約一英里。占領崔勃伐爾南方文得爾惠爾克等處二千碼之陣地。英軍復突破德軍第三線。奪取孚立爾特。占領麥爾丁辟克之外廓。

十五日

●德國親王陣亡……黑西侯國之弗力德烈威廉親王。在巴爾幹戰場陣亡。

●英首相長子陣亡……英國首相愛斯莫士之長子陸軍中尉烈德門德愛斯莫斯。本日在前敵陣亡。

●希臘新內閣尚未成立……希臘新首相突密德拉哥普洛斯。拒絕當組織內閣之任。希王仍命前首相石伊米斯改造內閣。石氏仍固辭。前推薦威敏色洛新氏。繼其後任。

●意軍獲勝……意軍於本日對於特來斯方面開始攻擊。占領若

干之重要陣地。獲俘虜一千人。同日意軍於從華力得起至海岸止之戰線。攻擊敵軍。占領散格德德高地與門得谷利俄斯之堡壘。

十六日

●巴爾幹之戰爭……英法聯軍之艦隊。於本日擊擊喀拉。在塞羅尼加之東北同日。德軍在羅馬尼亞之柯布洛迦大得勝利。

●希臘內閣成立……希王命喀洛普勞斯氏組織新內閣。當由喀氏為首相。兼任陸軍財政。以達米亞那斯為海軍大臣。盧福斯為內務大臣。加辣巴那斯為外務大臣。博哥德布洛斯為司法大臣。加那理斯為學部大臣。喀學且哥格略為郵傳大臣。巴希和斯為工商大臣。

●意軍占領奧軍之壘……意軍冒大雨猛攻瓦爾摩尼河東方之奧軍陣地。占領數線之戰壕。得二千以上之俘虜。

●德美之交涉……美國資本家擬購買比國以比利時之鐵路為組保品之公債。德國政府因此向美國政府發布警告曰。在德國據有比利時之時代中。請停止此種之企畫。

●希臘宣言維持中立……希臘新首相喀洛普勞斯。本日宣言。對於聯合國。當維持好意之中立。但於他人謂彼係親德派。則力辨其誤。

●美墨之交涉……美墨會議正在進行。美國代表之意見。在擴大討論之範圍。以期墨西哥問題。得有永久的解決。而墨國代



表。則專注重於邊界問題及遣送美兵問題。故現在先從討論此兩問題入手。

●墨西哥之內亂……墨西哥華州。因為匪黨所襲擊。布戒嚴令。匪首維拉氏。率其部下千五百人。於昨日攻濟華市。幸以不利退去。其部下戰死者二百五十餘人。

●巴爾幹之戰爭……在巴爾幹之法軍。大獲勝利。占領弗羅利那。保加利亞軍大敗。向模那斯提方面潰走。塞爾維亞軍在俄斯得洛華附近大獲勝利。德奧聯軍船隻退離西爾佛尼亞之中部。

●西歐戰場法軍之捷勝……法軍在其本國松姆之南方向德軍猛攻。占領范爾曼特維安爾斯與班耳厄爾村落。

同 十八日

●巴爾幹之戰爭……塞爾維亞軍占領喀馬佳隆高地。及主要要塞地麥加爾石。英法聯軍入塞境。占領兩地。意軍與保軍在亞爾卑山之東方交戰。保加利亞蓋世森斯親王。在佩布洛迦方面之哥洛班拉地方陣亡。

●西歐之戰爭……法軍在其本國松姆之北方。向德軍攻擊。在康布爾南方。奪取二百碼長之塹壕。德軍進攻毛爾托姆丘及香積業。為法軍擊退。

同 十九日

●巴爾幹之戰爭……塞爾維亞軍戰勝保加利亞軍。占領二千六百二十五高地。同日塞爾維亞軍進至距模那斯提七英里之地。

德保軍預備撤退模那斯提。同日保軍戰勝意軍。奪獲那吉加及波爾陀齊等地方。

●西歐之戰爭……法境內松姆河南岸及買士河之右岸。有激烈之戰。德軍奪取死人丘西方之塹壕。

●英國汽船之擊沈……英國汽船斯德拉斯蓋號。在英國海峽被潛艇擊沈。

●俄國決定發行新內債……俄國政府決定於十月中發行新內債三萬萬磅。利息五分五釐。十年還清。每百實收九十五。

同 二十日

●希臘保之交涉……希臘政府要求德國政府及保加利亞政府退還前被德保軍從喀瓦拉地方拘去之希臘軍隊。

●巴爾幹之戰爭……德奧聯軍對於羅馬尼亞之西北部大加攻擊。在佛爾干隆路占領陣地。在德蘭西爾佛尼亞之羅軍。退却十英里。

●澳洲下議院可決徵兵案……澳洲聯邦議會之下院。可決對於該地人民徵兵制之議案。

同 二十一日

●克利地島革命……希臘所屬之克利地島。本日忽有革命軍起事。宣言臨時政府成立。(按希臘克利地島為希臘主戰派領袖威殺色祿氏出身之地)

●巴爾幹之戰爭……德國變更生軍。在羅馬尼亞佩布洛迦進攻不利。為俄羅聯軍所阻。在德蘭西爾佛尼亞東北之羅軍為德奧

軍所敗。塞爾維亞軍在德布洛新谷大敗保軍。塞軍於本日抵烏爾哈尼地方。

同 二十二日

●巴爾幹之戰爭……保加利亞軍在安第史地方擊破俄羅聯軍。又占領喀爾喀休斯華底勃加地方。德奧聯軍放棄羅馬尼亞之西利斯德里亞要塞而退却。

●西歐之戰爭……在法境之英軍。本日占領哥爾式力德東方互半英里之德軍壘。

●墨西哥之內亂……本日墨國叛軍維拉部下襲擊濟華華。有喀浪石之兵一千名。投入叛軍。

同 二十三日

●澳洲上議院可決徵兵案……澳洲聯邦議會之上院。可決對於該地人民布徵兵制之議案。此項議案。擬再付全體人民表決。方行實施。

●法國可決臨時軍費支出案……法國下議院。可決臨時軍費支出案。社會黨議員聲明。本黨因不願於法國敗北之時媾和。故亦贊成原案。

●徐伯林飛艇襲擊英國……本日徐伯林飛艇隊襲擊英國東海岸。中有二艇。被英軍擊墜。

●希臘之革命運動……希臘所屬各島之革命黨。皆豫備起事。其總機關設於塞羅尼加。多數之將校兵士。皆投入聯合軍。而趕塞羅尼加。威殺色薩氏靜待希臘政府之行動。如希臘政府不

加入聯合軍。氏將自為首領。加入革命運動。希臘國王仍居宮城中。其四圍已築壘。因有聯合國艦隊駐泊雅典。故國王無危險之虞。本日。有革命軍一大隊。在邊界行閱兵式。廷宿拉加克斯將軍向軍隊演說。勸國民協力驅逐侵入希臘之敵人。

同 二十四日

●日本專使親見俄皇……日本專使開院宮代表日皇訪謁俄皇。於本日在俄國大本營親見俄皇。

●巴爾幹之戰爭……俄羅塞聯軍與德保軍在羅境內佩布洛連狂關。俄軍占領該處之九一六高地。同日英法聯軍在馬基頓互全戰線前進。塞軍在開那索之南方猛攻保軍之防禦工事。

●西歐之戰爭……英軍航空隊在法境內大舉襲擊德軍鐵路聯絡點。使德軍受重大之損害。

同 二十五日

●徐伯林飛艇襲擊羅馬……本日有徐伯林飛艇一艘。襲擊羅馬尼亞京城不加勒斯多。

●希臘革命軍占領克利地全島……希臘克利地革命黨完全支配克利地全島。占領所有政府之建築物。該島防兵全體投入革命軍。前希臘首相威殺色薩在塞羅尼加指揮一切。

●西歐之戰爭……英法聯軍在法境內獲勝。占領康布爾。及梯布華爾。同日法軍占領弗力基古爾。

●徐伯林飛艇襲擊英國……本日夜間。徐伯林飛艇隊襲擊英倫東海岸及東北海岸。投擲炸彈無數。

同 二十六日

●希臘之交涉……希臘政府因其在半羅利那有希臘軍一軍團被德軍及保加利亞軍拘捕。特於本日送通牒於德國政府。要求釋放此等希兵。

●希臘參謀總長辭職……親德派希臘參謀總長穆雷波維斯將軍辭職。

●希臘向協商國提出條件……希臘政府向協商國諸代表提出條件云。倘協商國借與鉅款。足以供希臘軍隊之動員費及軍費。則希臘當放棄中立加入聯合軍。

●希臘革命黨領袖威殺色森。本日發布宣言書。略謂。今日之大勢。合于不得已樹立臨時政府。但予殺之宗旨。在為馬基頓之同胞而組織防備軍。非欲顛覆希臘也。

同 二十七日

●希臘各府島宣告獨立……希臘所屬各府島之衛戍兵。本日宣告獨立。與希臘政府脫離關係。同日希臘克利地島新政府發布告於該島各官廳曰。當局者盡其職責。一如從前。惟關於各種政務。自今以後與喀內亞之臨時政府交涉。

●俄奧之戰爭……本日奧軍再占領哥利得尼泰之陣地。阻止俄軍之前進。

●巴爾幹之戰爭。保加利亞軍奪取加馬謝隆納之塞軍壘據。

●希臘決定加入戰爭……希臘內閣會議。與希王意見一致。決計加入協商國。奧德保開戰。希臘軍艦海德德號。已與聯合國

同 二十八日

●德國帝國議會開會……本日德國帝國議會開會。德相荷爾恩克演說戰爭之經過。且謂聯合諸國之目的。在擴張領土。滅除德國。俄國欲得君士坦丁堡。法國欲得亞爾薩斯羅倫。意國欲得德倫的諾。羅馬尼亞欲得德蘭西爾佛尼亞。英國欲得小亞細亞及德國殖民地。然最後之勝利。當歸德國云云。

同 二十九日

●西歐之戰爭……法國境內松姆方面。聯合軍攻擊德軍之勢稍衰。英軍占領里柴爾西南之地方。法軍向穆爾華爾與弗力基古爾之間及迫倫內方面前進。

●德皇特任德奧軍司令官……前德國參謀總長福爾根哈特將軍。本日由德皇任命為德蘭西爾佛尼亞方面之德奧軍司令官。蓋欲其與任何布洛迦方面之指揮之變更生將軍相呼應。而破羅俄兩軍也。

●德國飛機襲擊羅京……本日有徐伯林飛機。襲擊羅馬尼亞京城不加勒斯多。死者七十五人。負傷者甚多。

●瑞典維持中立……瑞典政府本日發布勅令。禁止交戰國潛水艇在瑞典領海內航行或碇泊。

同 三十日

●巴爾幹之戰爭……在何布洛迦方面之羅俄聯軍獲勝。在德蘭西爾佛尼亞之羅馬尼亞軍之一部。被德奧軍所壓迫。向山脈地

擊敗走。同日德軍占領海爾曼西達德地方。

十月 一日

●丹麥議院討論售賣西印度諸島問題……丹麥上下兩議院。決議將西印度諸島售賣與美國之問題。付全體國民之投票解決之。

●亞伯細尼女王即位……非洲東部之亞伯細尼國。本日開會長進合大會。舉今王立前王米內立克之女王亞實蘇薩提素為女王。其理由未詳。(按亞伯細尼國一八八九年為意大利之保護國於一八九六年宣言為獨立王國其本部屬塞米種)

●徐伯林飛艇擊英艦……本日夜間。徐伯林飛艇若干艘。襲擊英國東海岸。其中一艘。於倫敦北面被英國航空器射擊擊破所擊。化為火船從空墜下墜。德國飛行家十四人死焉。

●巴爾幹之戰爭……羅軍在路斯邱克(保國之都市在多瑙河邊)附近。侵入保加利亞。佩布洛連之德奧軍。因此退却。

●西歐之戰爭……法國境內之法軍圍攻迫倫內。英國內河艦隊。在松姆方面各運河。噴擊聖于丹山。

●希臘海島宣告獨立……多島海之希臘希阿斯海島。宣告獨立。

●西歐之戰爭……法國境內哥爾色力德(在梯布華爾之東方)之北面。英德兩軍本日有激烈之戰爭。英軍為德軍所襲擊。失去列基那聖地之一部。德軍又攻擊俄果爾拉倍之英軍前進陣地。為英軍所擊退。同日英軍在紐維爾生華斯北面及練朋倍東方。侵入德軍新據。

●巴爾幹之戰爭……羅馬尼亞軍在路斯邱克。斯德律德。之間橫斷多瑙河。侵入保加利亞。保軍因此撤退西利新維利亞及斯德律德。羅軍又在佩布洛連擊退德國變更生將軍麾下之中央右翼軍。多瑙河之保國內河艦隊。與陸上部隊聯合。與羅軍交戰。塞爾維亞軍奪取喀麥喀蘭。又突破斯塔哥格拉勃之第一線。

同日 三日

●俄國內務大臣之更迭……俄國內務大臣福斯得辭職。以新利利克縣知事勃洛得朴朴半接任。

●德國陸軍大臣辭職……德國陸軍大臣因病辭職。

●俄奧之大戰爭……俄奧兩軍。在滿路瑞。希爾華。哥里得尼加。塞尼俄加大戰。

●巴爾幹之戰爭……在馬基頓之英軍。占領克羅森哥基及什尼哥基兩地。德保軍之右翼。漸從馬基頓退却。同日。侵入保國之羅軍。被德保聯軍三方面圍攻。大敗而退。保軍占領麥喀喀發德島。且在班爾伐爾斯阻止羅軍之進擊。黑海俄國艦隊。攻擊在聖斯且石羅特南方之德軍。與其陸軍取協同動作。

●西歐之戰爭……在法境之英軍占領福庫爾。撲版幼。兩地。法軍占領毛爾巴爾及聖拔愛列森林間之德軍陣地。松姆方面因連日大雨。故戰局稍弛。

同日 四日

●日本內閣總辭職……日本首相大隈侯爵及閣員。於本日全體辭職。推薦子爵加藤高明為後繼內閣總理。日皇召集山縣、大山、松方、西園寺四元老。詢問後繼內閣適任之人物。經四元老會議之結果。推薦寺內伯爵為新內閣總理。同日午後。寺內伯爵被日皇召見。受組織新內閣之命。

●希臘內閣全體辭職

●美國鐵路新律之實施……美國總統威爾遜氏任命加塔耳似將軍為鐵路職工每日八時就業法實施監督委員長。

●五日

●美墨之交涉……美國政府向墨西哥要求五款。(一)確立課稅權。(二)保護礦山。(三)完成鐵路。(四)救濟貧民及豫防疾病。(五)整備軍需品及鎮壓暴徒。

●聯合國反對和蘭之平和運動……聯合國各名教通議於和蘭政府。聲明和蘭於此際盡力於平和運動。各國政府皆認爲助德之舉動。不願贊成。

●希臘內閣之紛亂……希臘內閣實因聯合國不承認而辭職。希王特命威殺色薩援助組織新內閣。而尤以稍緩當布告宣戰。惟希王之意。祇允與保加利亞宣戰。不允與德宣戰。威氏出於愛國熱忱。願援助新內閣之組織。僅要求以已黨黨員二三人入閣。遂不欲自爲首相。但希臘仍不願與德國宣戰。則聯合國自希臘爲無暇意。仍表不滿之意也。

●俄奧之戰爭……俄軍占領奧國加里西亞州勃勒倩亞尼(在泰

爾那波爾西南三十英里)之奧軍陣地。又於其附近奔亞基、古德勞得、慕項里烏得、斯練維得一帶。與奧軍大戰。

●六日

●德軍進攻維爾東……德軍本日從維爾東要塞之東北都開始戰事。

●小亞細亞之戰爭……在小亞細亞方面之俄軍。擊退從海岸起至愛爾喃干止一帶之土耳其軍。

●巴爾幹之戰爭……英軍在馬基頓擊退保加利亞軍。占領村塔六處。同日英軍在巴爾幹占領納復爾仁地方。

●七日

●塞爾維亞軍捷勝……塞爾維亞軍占領模那斯提。塞政府及議會皆預備從各府島移至該處。

●德國潛艇又抵美國……德國潛艇水艇U第二十三號。從德國威廉海芬港啓程。經十七日之航行後。於本日下午二時抵美國洛哀倫州之紐泡德港。即日下午五時出港。此艇之指揮者。爲德國海軍中佐勞士氏。同行者有士官四人。水兵三十三人。艇內載有寄與駐美德使館斯道夫伯爵之郵便物。據勞士氏言。該艇至美之目的。專在送遞此項郵件。英國政府。因此又向美國政府提出抗議。

●西歐之戰爭……在法境內之英軍。本日占領路沙爾地方。

●德國潛艇擊沈英船……本日是英國汽船斯德拉斯登號金新多

德意斯德海影號及斯得法諾號。在美國近海南塔克德島之南。被德國潛艇擊沈。

●希臘海軍全部投入希臘革命軍

● 九日

●日本新內閣成立……日本新任首相寺內正毅。於本日親見日皇。面呈新內閣閣員名冊。奏請裁可。當經日皇舉行親任式如左。

內閣總理兼大藏大臣

寺內正毅

內務大臣

後藤新平

司法大臣

松室 致

文部大臣

岡田良平

農商大臣

仲小路廉

逓信大臣

田健治郎

臨時兼任外務大臣及鐵道院總裁

後藤新平

海軍大臣(連任)

加藤友三郎

陸軍大臣(連任)

大島健一

●法國汽船被德艦擊沈……法國汽船加利亞(一萬四千九百六

十六噸一九一三年建造)載法塞兩國兵士二千名。在塞爾維亞沿岸。被德國潛艇擊沈。

●俄奧之戰爭……在加里西亞之俄軍。占領希加林之奧軍營壘。

●俄土之戰爭……俄國黑海艦隊。擊毀黑海沿岸土耳其領土蘇姆森及西諾普兩地。

● 十日

●巴爾幹之戰爭……在馬基頓之英軍。占領加波陀拉及塞門陀斯兩地。

●英國向美國提出抗議……英國因德國潛艇在美國東海岸擊沈英國汽船多艘。特向美國政府提出抗議。謂美國許德國潛艇入港。實為違背中立之行為。

●美使回國……駐德之美國大使拾賴陀氏。本日由德國回國。

●希臘新內閣之成立……希臘雅典大學歷史教授浪母勃洛斯氏。奉國王命。組織新內閣。希人謂之超然內閣。

●德國要求新軍事費……德國政府對於帝國議會要求再支出軍事費一百二十萬萬馬克。